

**DISSERTATIO  
PARAENETICO  
APOLOGETICA IN  
VITAM MIRABILEM, &  
COELESTES...**

---

Jan Tanner





5. 57 D. 51





DISSERTATIO PARAENETICO  
A P O L O G E T I C A

In Vitam Mirabilem, & Cœlestes Revelationes

VENERABILIS VIRGINIS

M A R I N Æ  
DE ESCOBAR

VALLISOLETANÆ,

Ordinis Sanctimonialium S. Brigittæ in  
Hispania Fundatricis

A R E V. P. J O A N N E T A N N E R  
Soc. Iesu Theologo Scripta,

*Et ab eodem*

A D R E V. P. M E L C H I O R E M H A N E L

Ejusdem Societatis, & ipsiusmet Vitæ ex  
Hispano idiomate in latinum, In-  
terpretem, Directa

EDITIO SECUNDA

*Brevi Vitæ Venerabilis P. Ludovici à Ponte  
Notitia, & aliis aucta.*



Neap. Typis Dom. Ant. Parrini, & Michaelis Aloysij Mutii. 1690.

*Superiorum Permissu.*



THE

RECORD

OF THE

PROCEEDINGS

OF THE

LEGISLATIVE

ASSEMBLY

OF THE

STATE OF

ILLUSTRISS. E REVERENDISS. SIG.

**D**Om. Ant. Parrino, e Michele Luigi Mutii, supplicando espongono à V.S. Illustrissima, come desiderano stampare un libro intitolato, *Dissertatio Parænetico Apologetica in Vitam mirabilem Virginis D. Marinae de Escobar Vallisoletana, Authore R.P. Ioanne Tanner Soc. Iesu Theologo*, supplicano per tanto V. S. Ill. restar servita commetterlo alla solita revisione, che l'haveranno à gratia, ut Deus.

*Neapoli die 8. Iulii 1690. Fuit provisum coram Eminentissimo Domino Cardinali Pignatello Archiepiscopo Neapolitano, quod Rev. Canonicus D. Petrus de Felice Penitentiarius Major Ecclesie Cathedralis videat, & in scriptis referat eidem Eminentiss. Domino.*

Sebastianus Perissius Vic. Gen.  
D. Eligius Caracciolus C. R.

C E N S U R A

*Reverendissimi Domini Doctoris D. Petri de Felice  
Ecclesie Cathedralis Neapolitane Canonici, &  
in eadem Penitentiarii Majoris.*

EMINENTISSIME DOMINE.

**L**Ustravi attentè, quemadmodum iussisti, *Dissertationem hanc Parænetico Apologeticam, quamin Venerabilis Virginis Marinae de Escobar mirabilem Vitam à P. Ludovico de Ponte Societatis Iesu editam, scripsit admodum R. P. Ioannes Tanner ejusdem Societatis Theologus, de eaque sic Censeo.* Cum res ista, in qua de Divinis revelationibus agitur privatæ cuiuspiam personæ factis gravissima sit, multisque obnoxia Satanæ illusionibus in Angelum lucis se se identidem transfigurantis,  
ut

ut non pauca docent exempla à Theophylo Raynaudo lib. de Heteroclit. Spiritualibus Sect. 2. puncto 5. annot. 35. congesta, proviſum à Deo est pluribus ad eas diſcernendas indiciis, quæ Sancti Viri, divinaque Sapien- tia Spirituum discretione muniti, latè tradiderunt, quæ- que omnia satis eruditè affert hujus operis Author; ut inde conficiat, quæ à Deo piæ illi fæminæ dicuntur re- velata, diabolicis deceptionibus non paterè. Præſens itaque opus principio equidem neceſſarium non judi- co; Cùm ſatis mihi eſſet ad ejus propositum demon- ſtrandum ſola Ludovici de Ponte authoritas, & testi- monium initio prefixum, Viri ſcilicet apud Hiſpanos, imo, & univèrſum Chriſtianum Orbem notiſſimæ San- ctitatis, ac ſpeciali, uberrimaque Dei luce perfuſi, quan- tum nunquam ſatis laudata ejus volumina declarant. Cenſeo deinde, opus hoc eſſe valde utile, ut potè quod doctrinam continet omnino ſolidam, ac præclarâ, quæ poteſt in ejuſmodi eventibus non parum animarum Rectores juvare, eamque validiſſimè aptam ad Conci- liandam Marine Revelationibus omnem eâ fidem, quæ haberi poteſt Citra Suffragiû Romanæ Eccleſiæ: quod quidem cùm nondum habeant, mereri certè videntur digniſſimâ. Proinde mea ſententia eſt; quod, Eminentia Veſtra probante, Typis mandetur. Die 1. Auguſti 1690. Eminentiæ Veſtræ.

*Addiſſimus Servus.*

Can. Petrus de Felice Pænitentiarius Major.

*Neapoli Die 23. Auguſti 1690.*

*Fuit proviſum coram Eminentiff. Domino Card. Pigna- tello Arch. Neap. quod ſtante ſupradicta relatione Do- mini Reviſoris imprimatur. Imprimatur.*

Sebaſtianus Periſſius Vic. Gen.

D. Eligius Caracciolus C. R.

EC-

## ECCELLENTISS. SIG.

**D** Om. Ant. Parrino , e Michele Luigi Mutii Socii Stampatori in questa Fedelissima Città, supplicando espongono à V.E. come desiderano reimprimere nella loro nuova Stamparia un'Operetta impressa l' anno 1672. in Praga intitolata *Dissertatio Parænetico Apologetica in Vitam mirabilem Venerabilis Virginis Marinae de Escobar, Vallisoletanae Authore R.P. Ioanne Tanner Soc. Iesu. Theol.* supplicano per tanto V.E. restar servita ordinare la commissione di detto Libro alla revisione , che l'haveranno à gratia ut Deus, &c.

*Illustriss. D. Ioannes Bonilla Episcopus Auriani videat , & in scriptis referat .*

Carrillo Reg. Soria Reg. Gaëta Reg. Moles Reg.  
Miroballus Reg. Iacca Reg.

## C E N S U R A

*Illustrissimi , ac Reverendissimi Domini D. F. Ioannis Bonilla Soria Carmelitani de Observantia ; olim in Provincia sui Ordinis Castellana semel , & iterum Provincialis , & Regis Catholici Caroli Secundi Concionatoris ; Nunc Arianensis Ecclesiae in Regno Neapolitano Praesulis , & ipsius Regis Catholici à Consiliis &c.*

## EXCELLENTISSIME DOMINE

**H**ANC Parænetico apologeticâ Dissertationem , quam iussu Excellentiae Tuae avidè perlegi , adeo Sacrae Scripturae Sanctorum Patrum Doctrinis , & Theologiae mysticae principiis conformem reperi ; ut  
nec

nec in minimo apice ab ipsis discrepare scrupulosus quis ( me teste ) possit garrere . Si enim ( ut docet Cardinalis Turrecremata in prologo revelationum Sanctæ Brigittæ ) ad discernendas veras revelationes à falsis , approbatio earundem à gravibus , expertis , Sapientibus , ac Spiritualibus viris debet fieri : quænam ( quæso ) sunt in Ecclesia in hoc genere revelationum , quæ majori , digniori que approbatione præfulgeant ? Sufficiat unus pro mille , Venerabilis , non solum mihi : non solum toti Hispaniæ , verum etiam toti terrarum Orbi ; Pater Ludovicus à Ponte Societatis Jesu , cujus beatificationem , jam ( Sæcra Sæde ordinante ) in dies incredibili anxietate ultimæ attenduntur dispositiones . Hic namque tantus Magister , qui non solum regulis militicæ Theologiæ instructus , sed absque dubio superno etiam lumine illustratus , Venerabilis Virginis Mariniæ de Escobar per triginta , & amplius annos , confessiones , revelationes , extases , & raptus maturæ consideratione , attentaque inspectione direxit , quantum prædictæ Virginis vitam , & revelationes extulerit , nullus , qui primam partem mirabilis illius vitæ illustraverit , ignorare poterit : Et certe , si hujus dignissimam occupationem attendamus , & si non æquali ; armoniosa tamen acclamatione usurpare possemus illud Divi Thomæ circa S. Bonaventuram , vitam Seraphici Francisci scribentem , mirabile proculdubio dictum : *Sinamus Sanctum pro Sancto laborare* : Dum ergo approbationem Sapientum , Spiritualiumque Virorum , tamquam indispensabilem conditionem ad discernendas veras revelationes a falsis requirimus . Quis ( Omissis doctissimo Societatis Cætu , qui uno ore fat aprobavere revelationes ) Ludovicum vitam Mariniæ scribentem inspexerit , aliam requireret approbationem ? quasi non sufficeret unum Ludovicum vitam

excl-

excelentia, & magisterii spiritualis gloria præfulgidum, pro tam singulari Dei Ancilla laborasse.

Nec carent hujusmodi revelationes felici signo ab Albergino in suo Manuali Qualificatorum, Cap. 45. num. 9. pro discernendis veris à falsis revelationibus, requisito: quod signum ex parte effectus, quem revelatio in animo, cui fit, efficit, & operatur, debet attendi: Si enim revelatio hominem humilem, flexibilem, & disciplinatum relinquit; proculdubio vera est, ait Alberginus.

Quisqui vitam hujus Venerabilis Servæ Dei, vel e limine salutaverit, non illius humilitatem, & animi docilitatem est admiratus? indignam se semper harum cœlestium revelationum profitebatur. Ad easdem scribendas non nisi Confessorum, iteritatis præceptis, se accingebat: Quinimò Divino sæpe præcipiente Numine humili efficacia renuebat, Cœlestem adverteret controversiam inter Deum, & Marinam, qui ejus vitam, & revelationes perlegerit. Divinum adest præceptum, ut scriptis mandet, quod illi datur intelligi. *Scribe, quod tecum ago*; Humilis ex parte Marinæ correspondet supplicatio, se indignam, & inhabilem ad hujusmodi onus. Instat Divina jussis, sed adhuc timet, adhuc in oratione pro excusatione perseverat; sed tamen vincitur. Cum namque ejus humilitas, cum conformitate Divinæ voluntatis esset conjuncta, quod humilitate renuebat, conformitate tandem exequitur. Non ignorabat aiebat S. Maximus, Humilia 8. de Epiphania loquens de Præcurfore: *Prophetarum ille præcipuus, Divinis præceptis obediendum, sed ministerium sibi à Domino impositum noluit sine sua humilitatis confessione complere, itaque, & fidelis humilitas præcata est Dominum, & obedientia implevis obsequium.*

Hoc Maximus de Præcurfore. Hoc ego de Vene-

b

rabi-

rabili hac Virgine . Non ignorabat illa Divinis præ-  
 ceptis obediendum , sed tamen fidelis humilitas præ-  
 cata est Dominum, & obedientia implevit obsequium.  
 Si ergo pro declaranda vera revelatione humilitas, ut  
 effectus requiritur: Vix in Ecclesia invenietur, qui post  
 revelationes sic humiliata permanferit . Humilitatem  
 (ait Alberginus) sequi debet ut Comes individuus flexi-  
 bilitas voluntatis ad directionem Confessoris: Aus-  
 cultemus Marinam cum Deo aliquando colloquen-  
 tem . *Si tu velles , ajebat , libenter dicerem meo Patri*  
*spirituali, cui committis mea scripta, ut omnia, qua in ipsis*  
*reperiuntur , & qua ipsi non integerrimè satisfaciunt, de-*  
*leat, laceret, & destruat.* Non ne quæso Marina Divinum  
 accepit Oraculum, facit ad meam gloriam, ut hoc scribas.  
 Cur ergo tam subiecta placito Confessoris? Cur ad nu-  
 tum dirigentis laceret, quod Deo approbante scribit?  
 Erat tam docilis, tam flexibilis animo, ut licet in his ,  
 quæ scribebat nihil absurdi inveniri certo certius sci-  
 ret: semper tamen pendebat ab ore Confessoris;  
 Aliam inspexerit Tereſiam . *qui in flexibilitate, & do-*  
*cilitate animi attenderet Marinam.* Si enim Tereſia,  
 dum Divina fueretur familiaritate cum Christo se à  
 deliciis hujusmodi retrahebat; ob præceptū Patris spi-  
 ritualis, ne deluderetur, timentis: Christo obiiiciens, ut  
 se ab ejus familiari cōmercio subtraheret; Quid aliud  
 faciebat Venerabilis hæc Virgo, dum quod certo cer-  
 tius in sua privata revelatione cognoscebat absque ul-  
 la pertinacia : immo maxima sui resignatione, volun-  
 tati Confessoris submittere, non solum non renuebat ,  
 immo absque tali submissione minus securum judi-  
 cabat . En ejus humilitatem post revelationes . En  
 sine comparatione mansuetissimam animi flexibilita-  
 tem. Si ergo humilitas cum flexibilitate evidēs est si-  
 gnum veritatis revelationum juxta Alberginum ex  
 sen-



**Sententia Sanctorum Patrum : Hujus Venerabilis Virginis revelationes in offenso pede, debent currere .**

Cancelarius Parisiensis aliud ponit signum pro evidenti discretionem veræ revelationis à falsa . En illud puritas , & integritas veritatis eorum , quæ revelantur . De puritate quisqui vitam Marinæ, vel cæcutienti oculo lustraverit, revelationum ejus puritatem , non solum non videat , verum & admiretur ? Odorant omnia sua scripta (nescio) quid Divinum, ut omnes trahant in odorem unguentorum suorum . Quæ ad eruditionem spiritualium ex illius calamo Divina revelatione emanarunt : Multo prestantius , quam aurea illa Herculeæ cathena , ex ejus ore procedens omnes non solum dictis ejus acquiescere facit ; immò imperiosa jucunditate compellit . Labia ejus distillantia myrram primam (ajebat Salomon) de verbis Sunamitidis . Labia hujus dilectæ Sponsæ Christi , vero verius myrram primam distillantia . Si enim juxta Naturales in hoc distinguitur myrra prima a secunda; quod prima liquor est ex corde ardoris solis radio percussus , ea quæ ex ore Marinæ ut scripto mandarentur , processerunt : abundantia quædam fuit ex ejus corde, non tam percussio , quam illuminatio , radiis veri Solis justitiæ . Quot revelationes protulit: tot lilia puritatis Ecclesiæ produxit . Quis scripta hujus Venerabilis Virginis legit, qui non purior evasserit ? loquatur Hispania . Testimonium ferat Germania . Felix illius patria Pincia exaudiat : Et si parva sunt ista, unum pro mille ; ejus sincero animo legat , qui dubitaverit, revelationes . De integritate eorum , quæ ipsi sunt revelata, nil dicere convenit . Clamant namque informationes pro ejusdem beatificatione ex dispositione Apostolica factæ : Nil ipsi revelatum quod magna ex parte non fuerit adimpletum : & si aliqua desunt , sciat

Scrupulosus, quod Divinis revelationibus determinatum tempus non est constitutum. Ricardus à S. Laurentio aliud irrefragabile requirit signum pro verâ revelatione dignoscenda . Conformitatem scilicet revelationum ad Sacram Scripturam, & Sanctorum Patrum Doctrinam . Atentè legantur revelationes hujus Venerabilis Virginis: Nihil Sacræ Scripturæ, Sanctorumq; Patrum Doctrinis dissonum, sed omnia ejus scripta sic conformia invenientur, ut nullum sit verbum, quod veritates Sacræ Scripturæ non cruetet, Sâctorum que Patrum Doctrinam non redolet . Si enim juxta Divum Augustinum in Psalmo 90. Concione 1. Divine Scripturæ literæ vocantur delatæ de Cælo. Ipsum auscultate. *De illa Civitate unde peregrinamur litteræ nobis venerūt; ipsæ sunt scripturæ, quæ nos hortantur, ut bene vivamus :* Si ergo litteræ quæ mediante revelatione de Cælo veniunt, non solum conformes Sacræ Scripturæ, immo verius Sacra Scriptura vocari debent; ea, quæ Venerabilis Marina in suis revelationibus scripsit, proculdubio Sacræ Scripturæ, & à fortiori doctrinæ Sanctorum Patrum conformia esse nullus non videt . Continua Sanctorum Angelorum Dignatione fruebatur : Hi sunt nuntii , quibus literæ nobis innotescunt . Nec Maledicus quisquam contradicet, dum dicere potest, de hoc nobis dubium . An spiritus , qui Marinæ assistebant boni Angeli essent, an mali : Cum enim ex reliquis signis à nobis jam refencitis constet huiusmodi Marinæ revelationes maximam in ipsa semper humilitatem, excitasse, quam quidem Maligni Spiritus (nullo Sanctorum Patrum non annuente ) excitare non possunt : Manifestum relinquitur Spiritus Marinæ in majori vitæ suæ spatio assistentes de genere bonorum esse : Nemo namque dubitare potest humilitatem, patientiam, despectum sui : incredibilem dolorum tolerantiam , & alia

alia hujus modi à spiritu bono, & in spiritu Santo fundato procedere debere: quod evidentius fiet si atente inspiciantur ejus scripta: puritatem namque redolent: gravitatem verborum, & quidem non ordinariam habent: Edificationem legenti afferunt; profectum spirituales augescunt: Divinum cultum loquaci silentio persuadent, ita ut de illis vero verius, quàm celebris ille Lusitanus in laudē cujusdam Spiritualis Rescripti dicere possimus.

*Non hic invenies mendacii condita lussu*

*Ulla: nec impuros: Lector Amice: Sales*

*Quin resoluta seras non fuco jura superni*

*Fulta: sed eximia religione Dei.*

Revelationes ergo hujus Venerabilis Virginis, quæ ratione nunc immediate dictorum Divinum quid redolent: à cōformitate cum Sacra Scriptura, & cum Doctrina Sanctorum Patrum non deficere: firmo judicio asseverare non solum possumus, immo debemus; ne à regulis omnium Spiritualium tamquam ignorantes excludi nigro lapide notemur.

Ultimum jam signum accedat pro terminando judicio circa Venerabilis Mariæ revelationes hoc est insententia omnium spiritualium conditiō personæ: pro quo signo loquatur (ut jam dixi) Pincia tota ejus felix Patria, quæ ita ipsam venerabili Amore ob ejus heroycas Virtutes prosequitur, ut de ejus laudibus, post tot temporum curricula loqui non desistat. Iudicium ferat Sacra Societatis Religio, quæ ipsa velut pia mater semper in sinu fovit, & ad ubera lactavit: cujus testimonium ita mihi pro veritate harum revelationum, firmū est, ut dicere auderē, nullatenus à veritate in spiritualibus deviasse illum, quem Sacra Societatis Veneranda Religio sua approbatione confirmat. Loquantur heroycæ ipsius Mariæ virtutes, ejus in omnibus,  
vita

vita exemplaris, ita eximia, ut intot annorum curriculis nullus extiterit, qui de hujus Venerabilis Virginis, & sancta ejus inter mundi pericula conversatione, vel dubiosum verbum protulerit. Loquantur denique pro conditione personæ ejus admirandæ revelationes: & pro securissima revelationum harū approbatione, loquatur ejus purissima vita: fecit enim omnia, quæ scripsit, & rectè scripsit, ut sanctè viveret: ita ut potiori jure de Nostra Virgine possit decantari, illud Ioannis Ovveni, libro 2. & Epigrammate 25.

*Qui scribenda facit: scribitve legenda, Beatus*

*Ille: Beatior es tu, quod utrumque facis*

*Digna legi scribis: facis & dignissima scribi.*

*Scripta probant doctum te, tua facta probum.*

Hoc meum juditium pro revelationibus, & pro Venerabili Marina hoc meum suffragium: pro Apologia, & Autore, cujus encommia celebrare, ommito, & quia notissima mundo, & quia quæ non possunt dignè explicari calamo, melius extolluntur silentio. Quo verò attinet ad regiam jurisdictionem, hujus que Regni pragmaticas, sanctiones, in nullo nec negiæ jurisdictioni obest; nec juribus Regni contrariatur. Sic sentio salvo &c. Ariani 30. Junii anno 1690.

*Frater Ioannes Episcopus Arianensis.*

*Visa supradicta relatione imprimatur, & in publicatione servetur regia Pragmatica.*

Carrillo Reg. Soria Reg. Gaeta Reg. Moles Reg.  
Miroballus Reg. Iacca Reg.

FACULTAS P. PROVINCIALIS.

**O**ctavius Caracciolus Præpositus Provincia-  
lis Soc. Jesu in Prov. Neap. potestate ad id  
mihi facta à R. Adm. P. N. Tyrso Gonzalez ejusdē  
Soc. Præp. Generali. Facultatem Concedo, ut liber  
inscriptus *Dissertatio Parænetico Apologetica in  
vitam mirabilem, & Cœlestes Revelationes Ve-  
nerabilis Virginis Marinæ de Escobar Vallisole-  
tanæ* à P. Joanne Tanner Nostre Soc. Theologo  
Compositus, ejusdemque Soc. graviūm, Doctorum  
que Virorum examinatus, & approbatus Typis  
mandetur, si iis, ad quos editio librorum spectat,  
ita videbitur. In quorum fidem has litteras manu  
nostra subscriptas, & Sigillo nostro munitas dedi-  
mus: Neap. 24. Augusti 1690.

*Octavius Caracciolus.*

PRO

## PROTESTATIO AVTHORIS .

**P**roteſtor me in hac Apologia verba *Sanctitatis, mirabilis vite, & Celeſtium revelationum* non alio ſenſu accipi velle, quàm vulgari; nec aliam fidem arrogare iis, quæ narro circa revelationes Ven. Marinæ de Eſcobar, & virtutes atque miracula Ven. Patris Ludovici à Pôte, quàm humanam, qualem meretur authoritas ejuſdem Patris Ludovici, qui eas revelationes ſcripſit; & authoritas Hiſtoricorum, qui vitam ejuſdem Patris litteris diligentèr conſignarunt: multo minus, quod ſtultiſſimum eſſet, præjudiciũ facere Sanctæ Sedis Apoſtolicæ, cujus eſt pronunciare de vera Servorum Dei Sanctitate, & miraculis, & de revelationibus eorum judiciũ ferre.



# DISSERTATIO PARAENETICO APOLOGETICA

In Vitam Mirabilem, & Cēlestes Revelationes

VENERABILIS VIRGINIS

# MARINÆ DE ESCOBAR

Ad Reverendum Patrem

# MELCHIOREM HANEL

# SOCIETATIS JESU.

*Reverende in Christo Pater :*



Uemadmodum liquidissimo perfusus sum gaudio quamprimum à tot jam annis expectatam, non minus à Sanctissimarum virtutum exemplis, quàm Cēlestium revelationum luce verè mirabilem Ven. Marinæ de Escobar Vallisoletanæ Virginis Sanctimonialium Ordinis Sanctæ Brigittæ in Hispania

A

nia

nia fundatricis , vitam latinè jam conscriptam, & Typis destinatam vidi, totamque accuratissimè iterum, iterumque perlegi : ità profectò posteaquam Reverentiam vestram (cujus diligenti ac pio studio Opus hoc Romanâ donatum Civitate habemus) intellexi nonnullorum obloquiis, quin, & irrisionibus adeò commotam, ut laboris propè pœniteret, ac de ejus porrò ad plenam usque lucem promovendi cura abiicienda, deliberaret, graviterque sanè indolui, & mox de Reverentia vestra in tam Sancto Opere confirmanda cœpi cogitare, ne thesaurus iste planè incomparabilis, publico bono subtraheretur. Et hoc quidem non putavi me facturum aptius, quam si brevitate quantâ per materię amplitudinem fieri posset maximâ, discursum, quempiam Theologico Asceticum conscriberem, in quo non solum solatium Reverentia vestra inveniret, verum, & in promptu haberet, quæ adversus ejusmodi cavillos opponere, & quibus ea, quæ obiiiciuntur retundere valeret: cum nimis clarum sit non paucis Catholicis etiam doctis, ac Religiosis viris multa circa revelationes in novo testamento à DEO variis hominibus, præsertim mulieribus concessas, nec libris Sacræ Scripturæ insertas, difficilia videri; adeò ut nec desint, qui eo usque eas vilipendant, ut nec legere ipsi velint, nec ab aliis audire sustineant. Hoc autem non potest fieri sine detrimento animarum, & gloriæ DEI manifesto: dum enim animæ devotæ, & ad viam Spiritus unitivam utcumque dispositæ, vident quempiam ejusmodi gravè virum, ad omnia quæ in talibus revelationibus proponuntur stupentem, & quasi nihil horum sibi persuadeat, attonitum quin, & modestâ quadâm subsanatione, tanquam ridicula explodentem; fieri vix potest quin, & ipsæ ab his avertantur: Cùm autem mirabilis Vita Venerabilis Virginis Marinæ de Escobar, sit præ aliis ob-



obnoxia ejusmodi difficultatibus, ut quæ plenissima est talibus, hominibus illis maximè displicent; quid mirum est, si apud aliquos vilipendatur? Neque dubito, me Divinæ Majestati in hoc aliquod facturū obsequium, cum iste sit etiam scopus studii Theologici, ut ea, quæ ad Sanctitatem Christiani populi conducunt, declararet, protegat, confirmet. Quâ ipsa de re memorabile est illud, quod ipsius hujus vitæ lib. 2. cap. 12. §. 1. habetur, quomodo videlicet Christus Dominus postquam Ven: Virginis Marinæ in specie pueri duodennis apparuisset, eique narrasset quomodo in ea ætate coeperit, coram Scribis, & legis peritis Sapienciam suam in templo manifestare, & Messie adventum annunciare, subjecerit verba sequentia: *Et ecce quàm parùm id ipsis profuit! Vellem non ità etiamnum contingeret, sed ut veritates, & mysteria, quæ ego manifesto, ac declaro, Patribus Spiritualibus, & Ministris quorum officium est illa, explicare, iidem stabilirent, & credibilia redderent quantum possunt, pro mea gloria, & honore, ac bono animarum, neque ea occultarent, & silendo infirmarent.* Sufficeret equidem potuisset, & debuisset omnibus hanc vitam, lecturis sola auctoritas Ven. P. Ludovici de Ponte, tantæ Sanctitatis, tantæ doctrinæ, tantæque prudentiæ viri, à quo hæc, quæ sex prioribus libris continentur, sunt conscripta, præsertim cum præfixâ introductione fundamenta certitudinis horum explicaverit; sed volunt aliqui dubitationibus suis pressò pede responderi: id quod quidem aggrediar, non tamen eâ spe, ut neminè amplius, vel protervum superfuturū arbitrer, qui adhuc Cœlestes has revelationes insectetur, cum sciam veritatem non esse tanti roboris, ut omnibus etiam sine ulla ratione proclamare volentibus, os occludere, aut eos ad confessionem convictæ suæ falsitatis, & proterviæ, invitos, cogere possit; nam, & in hoc ipso

4  
aliqui suam laudem reponunt.

Verum dissertationi huic, quam in lucem publicam edere, & Typis mandare sum coactus, duo adiungere opere pretium duxi, quæ credibilitatis ipsarum revelationum argumenta, non incongruè appellari possunt: Notitiam scilicet miræ Sanctitatis, & Sapientiæ Venerabilis Patris Ludovici de Ponte ejusdem Virginis Marinæ Directoris, & ipsius vitæ, & revelationum Authoris Præcipui: & introductionem, quam ipsemet Venerabilis Pater, primæ parti vitæ Venerabilis Virginis à se conscriptæ, præmissit; quam introductionem non semel, pro mea confirmanda sententia in testimonium adduco. Ut ex utroque opusculum hoc, & efficacius, ut spero, & gratius lectoribus evadat.

## § I.

*Qui Authores historiam Vitæ hujus Venerabilis Virginis scripserint.*

CUM inter argumenta suadentia veritatem historię cujuslibet præcipuum apud omnes censeatur, Autoritas illius qui historiam scripsit, abs re non est, ad suadendum lectoribus veras, & ab Spiritu Dei profectas esse visiones, & revelationes, quas Venerabilis Virgo Marina de Escobar Fundatrix Reformati Ordinis S. Brigittæ jussu Patrum suorum spiritualium scripsit, & habentur in duabus partibus mirabilis vitæ ipsius, dicere, qui, & quantæ autoritatis, & sapientiæ fuerint, Authores, qui eas scripserunt, cum utraque pars, non ab eodem uno, sed à duobus, repariatur, disposita, & sub duplicis Authoris nomine vulgata.

Pri-

5

Primam partem mirabilis vitæ hujus V. Virginis , adhuc viventis, desumptam exiis, quæ ipsa jussu suorum Patrum Spiritualium conscripsit, contexuit Venerabilis P. Ludovicus à Ponte è Societate Jesu, qui per triginta continuos annos ejus confessor , & director fuit ; & in hoc opere componendo laboravit ultimis Vitæ suæ annis ; tanta cum æstimatione hujus Servæ Dei ; ut ipsa die, qua obiit, præsciens, illam fore ultimam suæ vitæ, ultimam manum huic operi impoluerit , per aliquot horas ; uti narrat R. P. Franciscus Cachupin olim in Provincia Castellæ Provincialis, & in Bætica Visitator, Inquisitionis Hispanicæ Consultor, & Qualificator, fidelis historicus vitæ ipsius, *lib. 1. cap. 14. num. 17.* & postea *lib. 4. cap. 1. & 2.* comprobat depositione jurata testium fidè dignorum, qui præsentés adfuerunt, & in informationibus factis an. 1629. Vallisoleti, Salmanticæ, Matriti, & alibi ad Beatificationem hujus V. Viri, juridicè examinati sunt.

Hæc pars Typis mandata est Matriti anno 1665. Dedicata à Provincia Castellana Catholicæ Majestati Serenissimæ Hispaniarum Reginæ D. Mariæ Anæ Archiducisæ de Austria : & postea Latinè reddita a P. Melchiore Hanel, & dicata Augustissimo Imperatori Leopoldo Ignatio, Typis vulgata est Pragæ anno 1672. Secundam verò partem continentem historiam novem annorum, quibus Ven. Marina supervixit Ven. Ludovico à Ponte; & insuper ea, quæ memorabilem ejus Obiitum reddiderunt, scripsit R. P. Andreas Pinto Ramyrez ejusdem Societatis, in Regali Salmanticensi Collegio Sacrarum litterarum interpres , sat orbi litterario notus ob multa, & egregia volumina, quæ in diversos Sacræ Scripturæ libros Typis vulgavit. Hæc pars, eidem Serenissimæ Reginæ Matri ab eadem Provincia Castellana dicata, excussa est Matriti anno 1673. Postea autè

L2-

Latine reddita ab eodem. P. Melchiore Hanel, edita est  
Pragæ an. 1688.

§. II.

*Quam insignis Sanctitate, & sapientia fuerit  
V. P. Ludovicus à Ponte, qui primam par-  
tem mirabilis Vitæ Marinæ de Escobar  
adhuc viventis, secretissimè scripsit, &  
prelo dispositam reliquit.*

**Q**Uicumque vir doctus, & in lectione Librorum  
spiritualium versatus, opera Ascetica V. Patris  
Ludovici à Ponte evoluerit, & attentè, & cum  
reflexione legerit, apertè cognoscet, primò, il-  
lum fuisse in Theologia scholastica profundè doctum;  
& supra solidam ejus basim fundasse Theologiæ my-  
sticæ libros sublimes, quos scripsit. Comperiet rursus,  
verum esse, quod in ipsius vita narratur; & authenticè  
comprobatum est in processu factò Matrìti anno 1629.  
fol. 79. ex depositione jurata V. Virginis Marianæ de  
S. Joseph Fundatricis Reformati Ordinis Monialium  
Sancti Augustini, quas *Agustinas Recoletas* Hispani ap-  
pellant; quæ tunc temporis erat Priorissa in Regali  
Monasterio Incarnationis, & fuit spiritualis filia Ven.  
Patris per multos annos, dum commorata est Vallisole-  
ti; illum scilicet singulari, & extraordinaria luce voca-  
tum, & illustratum fuisse à Deo ad scribendum, & dire-  
gendas animas ad supremam in singulis statibus Ec-  
clesiæ perfectionem; per Orationem; meditationem, &  
contemplationem, & virtutum omnium exercitium: &  
non sine gravi fundamento judicare poterit, Deum,  
sicut alios aliis temporibus sanctos viros; ita hujus sæ-  
culi

culi seductoribus , & sectæ illuminatorum promotoribus quos *Quietistas* vocant , ( quorum errores dannavit Innocentius XI. anno 1687. ) objecisse insignem hunc vitæ spiritualis Magistrum , qui in suis Operibus ex professo , & pro dignitate doctrinam tradit ex diametro oppositam illis erroribus ; in materia orationis , & interioris communicationis cum Deo , dum agit de contemplatione , & de oratione unionis , & quietis , & de modo , quo ad illam anima disponi debet : ubique tradens modum illum mentaliter orandi , quem S. Ignatius in *admirabili illo exercitiorū libro Sedis Apostolicæ judicio , & omnium utilitate comprobato* suis filiis comendavit , quem modum sequens obtinuit à Deo ad orationem supernaturalem evehi , in qua extases sæpe passus est , & visionibus atque revelationibus est illustratus.

Illum modum ordinarium orandi mentaliter , exercitando internas animæ rationalis potentias memoriam , intellectum , & voluntatem circa Deum , & mysteria potissimum fidei , cū collucutione interna , & familiari ad Deum ; profundè meditando veritates fidei , & hac meditatione excitando ignem affectuum , Charitatis , & aliarum virtutum , immiscendo petitiones ; & colloquia cum Deo , & concipiendo proposita fugiendi Vicia , & sectandi virtutes , ita omnibus commendat Magnus iste vitæ spiritualis Magister ; ut quamvis ipse elevatus sæpe sit ad modum extraordinarium orationis ; tamen de hoc modo extra ordinario loquens in Introductione Meditationum *cap. I* i. dicat . *Sed hunc modum nec postulare , nec expectare quidem licet , quòd id sit presumptionis , & periculo illusionis expositum , transfigurante se Diabolo in Angelum Lucis ; Oblatum autem à Deo submissè , & cautè oportet admittere , servatis documentis , quæ in tertia parte meditatione § 9. traduntur , & quinta parte ubi de apparitionibus Christi , præsertim*

tim Meditat. 6. ad illud, *visa sunt ante illos quasi deliramenta verba ista*, Modos extraordinarios Orationis explicat latius in Duce Spirituali *tract. 1. cap. 22. & cap. 23.* varia documenta, & regulas generales tradit ad cognoscendas veras visiones, inspirationes, & revelationes, & impulsus spiritus boni.

Et in Vita Ven. P. Balthasaris Álvarez, *cap. 14.* postquam luculentè explicuit varia nomina, quibus Mystici appellant Orationem supernaturalem infusam; cur scilicet appelletur Oratio *Præsentia Dei*; cur Oratio *Quietis*, aut *vacationis internæ*, cur *contemplatio*, cur *Oratio silentii*, cur Oratio *unionis*, cur *raptus*, cur *extasis*, cur *Spiritualis volatus*: postmodum subiungit. *Hæc vero insueta, quandoquidem natura sua sunt plena periculi, nec optanda porro sunt, nec postulanda: quin fugienda potius, donec ad ea excipienda Deus ipse compellat; eaque sentienti iudicia faciat, suæ voluntatis esse, hanc ab ipso viam insisti, & c. ip. 4. 1.* postquam exhibuit responsa quibus P. Balthasar Alvarez diluit obiecta sibi adversus orationem *silentii, & quietis* ad quam à Deo elevatus est, postquam per plures annos se exercuerat in profunda meditatione vitæ, & passionis Christi; *cap. 42.* latè probat quantum momenti, ac securatis habeat modus ordinarius orandi per meditationes, affectus, colloquiaque cum Deo: modumq; hunc proponendum esse omnibus, & tradendum: & ad hoc probandum affert argumenta manifesta, quibus errores Quietistarum omninò dissipantur; His verò argumentis hanc præfationem præmittit: *Ne horum causa, quæ superioribus capitulis exposita sunt, minoris fortasse fiat trita, & tradita ab Sanctissimis viris meditando via; neu quisquam sua sponte, atq; sententia eos transilire audeat, quos nobis antiqui Patres constituere, cancellos, pretium mihi visum est opere, rationes præcipuas hic proferre summatim, quibus confirmatur;*

tur; commendaturq; orandi ratio, meditatione divinorum  
 mysteriorum, per affectus, petitiones, colloquiaq; cum Deo,  
 ad quæ voluntas nostra ex iis impellitur, ac movetur. Et  
 postquam late persuasit meditationis usum omnibus  
 esse proponendum; subjungit. *Id verò certum adeò, ex-  
 ploratmq; est, ut, & eos etiã ipsos, qui ad quietis orationem  
 evasere, meditationis usum, divinorumq; mysteriorum cõ-  
 mentationem aliquam minime respuere oporteat. Cessant  
 enim sæpe Dei munera; & impulsus, quibus ad quietem tã-  
 tam evchuntur. Quare necesse est, ut facultatibus ij tunc  
 suis utantur; neq; navigiorum sint instar, quæ ventorum  
 modò aguntur impulsu; sed triremium similes, lintriumq;  
 minorum: qui, ubi cessant venti, remis urgentur, quòd sè  
 venti vacent, ac remi, tanquam in malacia hærebunt im-  
 moti: ita ubi instinctus divini flamen, ac nostrarum fa-  
 cultatum conatus, & industria defint, in via virtutis otium  
 & quietis erit ignava.*

In hoc etiã ordinario orandi modo per plures annos  
 se exercuit Ven. Marina de Escobar, antequàm à Deo ad  
 orationem extraordinariam vocata, imo quasi invita  
 tracta fuerit; prout latè narrat Ven. Pater lib. 1. Vitæ  
 ipsius cap. 5. ubi affirmat, illam semper conservasse ma-  
 gnum affectum erga modum ordinarium meditandi di-  
 vina mysteria, donec à Deo supernaturaliter elevaba-  
 tur ad illa videnda modo extraordinario (quod semper  
 fiebat præter ipsius votum; imo ipsa sæpe enixè precan-  
 te Deum, ne ipsam duceret per viam illam extraordi-  
 nariam)

Ut enim in eo cap. §. 1. inquit V. P. per duos modos  
 seu per duas vias Orationis Deus hanc V. Virginem  
 duxit, illam ab unâ transferendo in aliam. *Prima via*  
*(inquit) fuit via ordinaria, communis, & trita, meditan-*  
*do, & contemplando mysteria nostræ fidei, excitando ar-*  
*dentes affectus, petitiones, & colloquia cum Domino No-*  
*stro;*

*stro; qui est modus, qui in Societate Jesu praticatur, & docetur; & in hoc modo perseveravit per multos annos; accepto à Deo singulari hoc favore, qui duravit per totam ejus vitam, quòd scilicet in oratione non diverteretur ad rem aliã diversam ab ea, quam tunc agebat; quamvis per tres continuas horas in oratione perseveraret. Sed multo magis quando Deus illi evexit ad modum extraordinarium orationis, in qua sine discursibus, luce superiore illi manifestabat Divina mysteria; unde resultabat, ut semper esset in presentia Dei; ita adherens, & unita summo bono, ut ad alia non diverteretur. Haec Ludovicus à Ponte; qui ibidem S. 2. narrat, Beatam Virginem, quæ in visione se Marinæ conspiciendam dedit, valde approbasse consilium ejus; quo decreverat facere exercitia Spiritualia Societatis per viam discursus, & meditationum de Divinis perfectionibus, & de vita, & morte D. N. Jesu Christi, & de infinitis bonis, quæ per ipsum nobis communicata sunt; illique dixisse; se esse, & fuisse veluti Patronam; & Fundatricem illorum Sanctorum exercitiorum Societatis, & fuisse adiutricem, & veluti Magistram Patris S. Ignatii, & in illa hoc opus initium abuisse. Postquam autem hoc narravit, addit V. Pater: Hæc revelatio facta est huic servæ Dei ad approbandum, & laudandum communem modum orandi per viam meditationũ; non tam ut illa ipsum sectaretur semper, quàm ut illum traderet aliis, eis persuadendo, ut huic modo orandi insisterent, & in illo perseverarent; donec Deus eis alium altiore communicaret, sicut ipsi communicaverat.*

*Quæ doctrina ita animo hujus Virginis semper fixa stetit; ut in tractatu quodam mystico, quem composuit ad instructionem Superiorum, & Patrum Spiritualium; (quæ descripsit V. P. Ludovicus lib. 5. cap. 32. Vitæ ipsius) Confessoribus impensè commendat, ut animas, quas tractant, ad internam cum Deo communicationem,*  
hor-



hortentur, & per modum ordinarium orandi dirigant. *Debent* ( inquit ibi §.2.n.7. ) *illas ducere in hoc exercitio per modum ordinarium, quem nos docent Sancti, & non per alium; videlicet per viam orationis, & meditationis, & gratiarum actionis, & aliarum partium, & continue memoria Dei, & presentie ipsius, & statim subjungit modum, quo se gerere debent cum animabus illis, quæ per viam hanc incedentes, à Deo speciali vocatione elevantur ad modum extraordinarium contemplationis sine discursu, & meditatione.*

Regrediendo autem ad Ven. P. Ludovicum à Ponte; qui voluerit quasi manu contrectare, cum fuisse Doctorem à Deo illuminatum, legat libellum illum, quem *Memoriale* nuncupavit, in quo notavit, & manu propria scripsit lumina, & sensa spiritualia, quæ in oratione à Deo accipiebat; qui lingua Hispanica, in qua scriptus erat, primo editus est Hispali, postea Matriri; & demum ex Hispanico in Italicum versus, excussus est hoc anno 1690. Romæ, unâ cum epitome vitæ ipsius: in hoc enim libello tanquam in semine continentur altissima perfectionis documenta, quæ in ipsius operibus sparsim reperiuntur. Quanta autem fuerit fama Sanctitatis hujus præclari Viri apud omnes, inde constare potest, quod quatuordecim mensibus ab ejus obitu, idest anno 1625. Illustrissimus Episcopus Vallisoletanus D. Alphonsus Lopez Gallo processum formaverit super ipsius virtutibus, & miraculis, ut Summum Põtificem informaret. Postea autem anno 1629. alia magis copiosa, & exacta facta sunt Vallisoleti, Salamanticæ, Matriri, Burgis, Lugronii, & alibi: ex quibus, & aliis factis annis 1657. 1660. 1661. & 1662. coram Illustrissimo D. Francisco Joanne Merinero Episcopo Vallisoletano, confecta est authentica relatio, quæ revisa, & exactissimè collata cum processibus ab Illustris.

Promotore fidei, typis mandata est Romæ an. 1667. & ab Eminentissimo Cardinali Delcio hujus causæ Ponēre præsentata Sacræ Rituum Congregationi; Vi cujus Clemens Nonus Pontifex Maximus decrevit, ut auctoritate Apostolica fierent omnes informationes necessariae ad Beatificationem, & Canonizationem hujus servi Dei: anno autem 1672. in unum convenientes Vallisoleti tres Episcopi, nimirum Illustrissimus Dominus Joannes de Astorga Episcopus Zamorensis, & Illustrissimus D. Franciscus Alphonsus de Aguayo Episcopus Cæsariensis, simul cum Illustrissimo D. Gabriele de la Calle Episcopo Vallisoletano, processum auctoritate Apostolica confecerunt super vita, & miraculis hujus servi Dei.

In illa autem autentica informatione latina postquā comprobatum est, illum nunquam peccasse mortaliter; subjunguntur hæc verba. *Illam innocentiam usque ad ultimum vitam spiritum perduxit, duabusq; margaritis adornavit, videlicet Virginitatis flore, & voto non peccandi advertentur venialiter, quod exactissime Observavit: quod est signum eximie perfectionis.*

Ibi comprobantur virtutes omnes in gradu heroico: ibi donum prophetiæ, discretionis spirituum, penetrationis cordium; & donum altissimæ contemplationis, in qua sæpe extases, & raptus patiebatur; ibi gratia curationum, & miraculorum: tandemq; concluditur his verbis: *Quamobrem servum suum Ludovicum à Pontificibus, & singulis virtutibus fuisse exornatum, & à Christo D.N. condecoratum, ex superius deductis evidentissime liquet; cumq; honor sit comes virtutis, virtutem heroicam ac perfectissimam hujus servi Dei, etiam in vita, in morte, & post obitum honor, gloria, fama, & opinio Sanctitatis, pluribus tum in vita, tum in morte, tum ipsa secuta miraculorum signis comprobata comitatur. Præter mi-*

ra-

racula autem in vita patrata ; recensentur ibi viginti octo, quæ ad hujus servi Dei invocationem , vel ad tantum reliquiarum ipsius Dominus operatus est.

Vt autem legentibus hoc scriptum aliquam notitiâ vitæ hujus insignis Viri, exhibeamus, placet hic transcribere brevem ejus synopsis, quam P. Philippus Aleambe, & P. Nathanael Sotuellus in Bibliotheca scriptorum Societatis exhibent.

### §. III.

*Synopsis Vitæ Venerabilis Patris Ludovici à Ponte, desumpta ex Bibliotheca Scriptorum Societatis JESU.*

**L**udovicus de Ponte natione Hispanus , Patria Pincianus ab ipsis incunabulis factus atque educatus ad pietatem . Natus est loco nobili, anno Salutis 1554. die 10. Novembris, & Societatem nostrâ expetivit annu agens Vigessimu, atque admissus est anno 1574. die 2. Decembris , cum jam Philosophicis esset disciplinis instructus, & duos annos in Sac. Theologiæ studio utiliter posuisset . Multum ille quidem, ac diu secum luctatus est animo reciprocante ; cum affectus, & diuturna consuetudo , eum traheret ad Sacrum Ordinem Prædicatorum . At ex adverso tanta motuum internarum efficacitate rursu ad Societatem impellebatur præsertim cum cerneret fructum admirabilem, quem in mortalium Salute procuranda, quotidie illa referret, ut reluctari non posset Deo incitanti. Exiit in agrum, ibique laxatis animo habenis, in gemitibus, & suspiriis, ne dirrumperetur, sese profundeabat. Vocabat in Vota Deum, ne se pateretur ignarum esse suæ

vo-

voluntatis, in tam ancipiti fluctuatione, quoniam ab ipso unius nutu pendere statuerat. Sex ipsos menses tenuit illa jactatio. Sed quoties ad Orationis quietem se componebat, atque in divino conspectu expendebat res suas, semper hæc illi se cogitatio ingerebat, velle Deum, ut Societati Jesu se adjungeret: cui se tum Deum pœnitus addixit. Cum P. Martini Gutierrez viri clarissimæ Sanctitatis conciones audisset, & Francisci Suarii modestiam in Theologica Disputatione, cui præfidebat, exhibitam, esset admiratus. Merthymnæ Campi, posuit Tirocinium Sanctitatis suæ Ludovicus, ubi tunc ardebant omnia eo igne, quem P. Balthasar Alvarez, paulò ante accenderat, ipse in tam insigni Palæstra, adeo se strenuè exercuit, ut tanquam in absolutum perfectionis exemplar, in eum jam tum cæteri intuerentur. Subinde Majorum jussu profectus est studia litterarum, in quibus longo post se intervallo condiscipulos omnes reliquit propter ardorem animi, promptum ingenium, acre judicium. Sacerdotio initiatus anno Salutis 1580. Aristotelis cursum (ut vocant) docendo Legione confecit, & Sacram etiam Theologiam professus est acutè, graviter, & eruditè, A Emulatus egregie in publicis actibus, quam adamaverat in Francisco Suario moderationem. Sed cum non minùs Vitæ integritate, ac Religione, quam ingenio, ac doctrina excelleret, Magistri novitiorum, atque Rectoris partes, sæpe subire jussus est, easque per egregiè sustinuit. Sed tenui, vel potius nulla valetudine, qua semper fluctabatur coactus est abrumpere, & gubernandi, & docendi cursum, & animum ad ea scribenda transferre, quæ longo usu, assidua meditatione, perpetua sui mortificatione didicit; & non tam ex aliorum libris hausit, quam in se ipse expertus est; Nimirum, ut summa quædam capita virtutum ejus delibem. Paupertatis amore

vestibus semper usus est attritis ; modica suppellectili  
 atque pertenuis, cibis communibus, & nisi morbi prohi-  
 berent, & necessitas, in triclinio communi . Virginita-  
 tatis decus servavit intemeratum : Virgineam in ore  
 totoque habitu corporis modestiam emulatus . Supe-  
 riores, etiam quos olim habuerat subditos, aut disci-  
 pulos, mirificè observabat, nihil illis inconsultis aggre-  
 diabatur ; vel tum cùm præerat aliis, habebat adjunctū  
 quempiam, cui in sui ipsius tractatione auscultaret : Erat  
 in familiari sermone suavissimus ; placidus in omnes  
 atque mansuetus, & tam sui despiciens, ut cum ingenio,  
 doctrina, prudentia valeret ad miraculum, infimis ta-  
 men quibusquē, facile concederet ; sua submitteret  
 aliorum iudicio, & promptus ex eorū censura castiga-  
 ret . Ornamenta animi sui omni studio contegebat ;  
 crebro se coram aliis in publico cænaculo de erratis  
 accusabat . Inflammatisima charitate ferebatur in  
 Deum, in cuius semper præsentia versabatur . Multam  
 cum Deo familiaritatem contraxerat, quam ipse diu-  
 turna oratione fovebat . Erga Ven. Eucharistiam tan-  
 to erat affectus, ut integras sæpe noctes coram illa tran-  
 sisset insomnes, humi provolutus ; die frequentissimè sa-  
 lutaret ; qua in re fruebatur liquidissima voluptate, nec  
 raro Divinis illustrationibus irradiabatur . Tantis affe-  
 ctibus Divina tractabat, aut verius patiebatur, ut sibi  
 videretur, interdum ob æstus vehementiam de vita pe-  
 riclitari . Oranti aliquando postulantiq̃ue vires, ac lu-  
 men quibus frater ex Divino nutu Salutem hominum  
 apte procuraret ; Lux divina tam copiosè superinfusa  
 est, ut impotens sui surgeret ab oratione, & tamquam  
 luminis vim declinaturus inābularet, ingeminaretquē,  
 inter gemitus, & suspiria ; *Non plus Domine, non plus ;  
 non tantum luminis ; Sufficit, Sufficit* : Videbaturquē illi  
 cubiculum vivis ignibus inflammari, seque atque ani-

• mam

mam suâ exardescere ; futurumque fuisse, ut usura vitæ  
 exueretur, nisi Deus impetum temperasset . Atque ex  
 illo scribere aggressus est, & se proximorum auxilio, Spi-  
 ritu plane Apostolico impendere. Omnibus votis con-  
 tenderat Missionem ad Indos impetrare ; sed quando  
 ea concessa non fuit, plurimos suis adhortationibus eò  
 promovit . Triginta ipsos annos , ita fuit in Salutem  
 hominum intentus , ut nunquam ab ea cura vacaret  
 Anno 1599. Villagarcia exoravit, ut afflatorum peste  
 servitiis exponeretur, quo in munere versatus est sedu-  
 litate permagna . Pollebat eximia vi mentis ad mo-  
 tus animorum diversosque Spiritus distinguendos , po-  
 tens verbo , & consilio ad turbatos animos componen-  
 dos; Arcanas consulentium se cogitationes rimabatur  
 divinitus, nec sine admiratione ipsorum cognoscebat .  
 Multa docebatur à Deo supra vulgarem modum . Al-  
 locutione sola molestas animarum vexationes multis  
 excussit ; Corpus suum omni genere severitatis , ita  
 confecit, ut totos 36. annos cum morbis, cruciatibusq;  
 gravissimis sit confictatus, ea firmitate animi , ac tole-  
 rantia , quæ faceret omnibus admirationem . Certe  
 Medici, sine ambiguitate rebantur, cum miraculo vive-  
 re; & visos ajunt non semel Angelos fomentis, unctio-  
 nibus, aspersioibus, vitam illi retinere fugientem. Vi-  
 gesimo ante obitum anno votum conceperat, nullum  
 se animo deliberato peccatum quantumvis tenue ad-  
 missurum nam nullum unquam lethale crimen sibi cõ-  
 scivisse in comperto est . Ex eo tempore nihil in ipso  
 notari potuit, quod constaret esse capax reprehensio-  
 nis . Unus erat Confessarii labor, idoneam absolutio-  
 ni materiam in ipso reperire . Multa ad hæc à Deo  
 gratuita dona accepit . Præstitit enim facilitate lacry-  
 marum, gratia Sanitatum, Spiritu Prophetiæ, prudentia  
 supra humanam eximia . Sæpe toto coruscare corpore  
 visus

isus est; nonnunquam oranti globus clarissimi fulgo-  
 is impendere, aliquando media in luce totus radiare  
 ontremiscente conclavi, & tignis in laqueari striden-  
 ibus. Mortis suæ diem, atque horam illum præsensif-  
 : non ex vario coniectura est; nam & Sacramentis fe-  
 inato se muniri postulavit, & resolutionis suæ tempus  
 istare dissertè asseruit, & cum tribus horis Scriptionē  
 uandam urfisset, ea absoluta tamquam functus officio,  
 uo tenebatur in corpore; *Nunc dimittis*, inquit, *Servū*  
*Domine in pace*. Demum inter dicendum, *In-*  
*ianus tuas Domine commendo Spiritum meum*, placidif-  
 mē expiravit Vallisoleti die 17. Februarii anno Salu-  
 s 1624. ætatis 70. ab adita Societate 50. ab emissā  
 rofessione 4. Votorum 21. Mortuo vultus quā vivo  
 renior fuit: manus flexibiles, & tractabiles, Visi fre-  
 uentes Angeli cadaver stipare. Funus magno con-  
 arsu celebratum est, & venerationis ergo vestes direp-  
 e, capilli præcisi, exequiæ etiam solemnes institutæ,  
 diuncta panegyri. Sepultus est eodem modo, quem  
 ocietas in Sanctorum Virorum funeribus consuevit  
 dhibere, & post menses omnino 19. ad diem 18. Sep-  
 mbris anno 1625. corpus digniorem in locum trans-  
 tum est, tabe quidem jam magna ex parte confectū;  
 id quod pro miraculo fuit, nullo graveolentiæ vesti-  
 io, cerebrum vero in exeso jam cranio prorsus fuit il-  
 batum. Multis à morte visus est in claro lumine,  
 onspicius; quibus, vel immensum gloriæ suæ pondus  
 eclarabat, vel ea visitatione recreatos aliquo benefi-  
 cio donabat. Cum aliis quoque atq; aliis ornamentis  
 isignis conspectus est, tum vero etiam aliquando cum  
 eculiari Doctoris laureola, ac prærogativa; propterea  
 uod inspirante Deo salutarem Ecclesiæ doctrinam  
 i suis lucubrationibus propinasset. Post hæc incre-  
 rescende fama Sanctitatis, & miraculorum, quæ Deus

dignatus est meritis, & invocatione Ven. P. Ludovici, sæpius operari, supplicatum est Sedi Apostolicæ à Rege Catholico non semel, aut bis, sed pluries; nec non à multis Archiepiscopis, Episcopis Capitulis Ecclesiarum, & Civitatibus Hispaniæ, ut Sancta Sedes illum referat in Album Beatorum, ac deinde Sanctorum; quod progressu temporis confidimus omnino obtinendum.

Ejus vitam fusc scriptam edidit noster Franciscus Cachupin: scripsit porro materna lingua Ludovicus per multa, quæ Melchior Treuinnius noster Latinitate donavit, & alii linguis aliis; Ea sunt.

Meditationes de præcipuis Fidei Nostræ misteriis Vitæ, ac Passionis D. N. JESU Christi, & B. V. Mariæ, Sanctorumque. & Evangeliorum occurrentium, cum Orationis Mentalis circa eadem praxi, in sex partes distributæ, & duobus Tomis in 4. comprehensæ.

Dux Spiritualis, in quo agitur de Oratione, Meditatione, & contemplatione; De Visitationibus Divinis, gratiisque extraordinariis.

De Mortificatione, Heroicis actionibus, five operibus, quæ illas omnes comitantur in 4.

De Christiana Nominis perfectione in quolibet ejus Vitæ genere Tomis quatuor in 4.

Vita P. Balthasaris Alvarez Soc. Jesu Religiosi in 4. Latine post hæc scripsit Ludovicus, atque edidit.

Expositionem Moralem, & Mysticam in Canticum Canticorum, quæ continet exhortationes, five sermones de omnibus Christianæ Religionis Misteriis, atque Virtutibus Tomis 2. in folio. Rursum prælo paratum reliquit Hispanicè in 8.

Directorium Spirituale ad Confessionem, Communionem, & Sacrificium Missæ obeunda; seu de recto Sacramentorum usu; quod anno 1625. Hispali editum est in 8. uno scilicet anno post obitum Authoris.

Reli-



Reliquit etiã descriptam à se, usque ad suum obitum, Vitam lectissimæ, & admirandæ Virginis D. Marinæ de Escobar; cujus Vitæ partem reliquam ab anno 1624. quo Ludovicus obiit, usque ad annum 1633. quo ad liem 9. Junii decessit ipsa D. Marina, pertexuit P. Michael Orenna, qui Ludovico in gubernanda ejus conscientia successit.

Hactenus P. Nathanael Sotuellus in Bibliotheca Societatis, qui hoc ultimum affirmavit; non quia P. Michael Orenna in lucem emiserit secundam illam partem Vitæ; sed quia, cum esset Confessarius illius V. Virginis, notabat, & in codices referebat, ea quæ illis novem annis gessit, ac passa est; & materiam præbuit P. Andreæ Pinto, ut opus illud disponderet multis post annis. Fuit autem P. Orenna Vir magnæ autoritatis in Provincia Castellana; utpotà, qui in illa Provincialis exercuit munus, & Rectoris in Collegiis præcipuis; præsertim in Collegio S. Ambrosii, in quo vixit, & obiit. P. Ludovicus à Ponte: & Vir magnæ Virtutis, & prudentiæ: ut velinde colligitur, quod meruerit succedere Ludovico à Ponte in munere Confessarii, & Directoris D. Marinæ de Escobar, cujus nomen celebre erat per totam Hispaniam; & quam Deus per viam adeo extraordinariam deducebat: ejusmodi enim feminae Directio, nõ peterat cõmitti nisi Viro valde spirituali, docto, & prudenti. Munus autem hoc cumulatissimè explevit; indefessè assistens eidẽ Virgini in vita, & in morte. Post ejus autem obitum multum inservivit Illustrissimo Episcopo Vallisoletano D. Fr. Gregorio de Pedrosa; qui commotus fama Sanctitatis illius Fœminæ, duobus mēibus post ipsius mortem informationem exactissimam confecit super ejus mirabili Vita, Prophetiis, & Miraculis; in qua informatione examinati sunt Testes omni exceptione Majores: Magnates, Senatores Regii, Do-

stores, & Religiosi magnæ authoritatis, & Sapientiæ; inter quos, unus fuit ipse P. Orenna, qui illam tam intimè norat, & alter P. Fr. Andreas à Pôte ex ordine S. Domini Vir præstantis Virtutis, & prudentiæ, frater germanus V. P. Ludovici, qui ob continuas ipsius infirmitates per multos annos Domum hujus Virginis bis per hebdomadam adibat; ut ejus confessionem audiret, & ab ejus ore exciperet, & in commentarios referret Visiones, & revelationes, quas habuerat; ut narrat ipse P. Ludovicus in Prologo, seu introductione Vitæ hujus Virginis postmodum describendo.

Uterque autem Testimonium Juratum perhibuit de veritate Virtutum insignium, & Donorum, quibus. P. Ludovicus à Ponte in Prologo illius Historiæ, & in toto corpore operis affirmat, mirabilem hanc Virginem ornatam fuisse à Deo; ut constabit legenti tertium librum secundæ partis Vitæ illius, in quo omnia illa latè narrantur à P. Pinto, ea deducente ex informationibus authenticè confectis ab Ordinario. Nihil enim circa Virtutes, & Dona Marinæ de Escobar scriptum est à P. Ludovico de Ponte, quod non inveniatur cùm juramento confirmatum ab iis, & similibus Testibus.

Ex his constat, quanti faciendum sit judicium Venerab. P. Ludovici à Ponte in approbatione visionum, & Revelationum Virginis Marinæ de Escobar. Ut autem omnibus constet, illum habuisse prudentissimum fundamentum ad judicandum, hujus fœminæ mirabiles Visiones, & Revelationes, non à Diabolo, nec à proprio ipsius Virginis spiritu, sed ab spiritu Dei fuisse profectas, libet subiicere hic motiva, quibus ad ita judicandum inductus est; in medium producendo Prologum gravissimum, quem illi Historiæ præfixit; quemque attentè legere, a te expendere satis erit ad ferendam sententiam.

IN.

# INTRODVCTIO

## V. P. LUDOVICI DE PONTE

Ad primam Partem Mirabilis Vitæ  
VENERABILIS VIRGINIS  
MARINÆ DE ESCOBAR.



Introduktionem ad Vitam Mirabilem Venerabilis Virginis Marinæ de Escobar, quâ V.P. Ludovicus de Ponte ipsius primæ Partis Author, scripsit ad declarandam Præstantiam Utilitatem, & Certitudinem illius, tamquam non parum utilem meæ dissertationi confirmandæ, eidem djungere, & præmittere existimavi; præcipuè cum ex introductione hac, quasi ex ChrySTALLI veritatis, & rudentiæ fonte, præcipuas rationes, ad meam in contentiam stabiliendam hauserim. Et quidem, ut crius, & clarius in hac parte V.P. sensus omnibus inotescat; non tam sensum ipsius introductionis deproiere, quàm ad verbum ipsam, & ut ex Hispanico idiomate in latinum versam, & Typis vulgatam Præ Anno 1672. eam habemus, transcribere decrevi. Quapropter a Prologo, qui ad latinam interpretationem præmittitur, initium sumere aptissimum judi-  
vi.



Pro-

Prologus, quem præmittit ad primam Partem  
 Mirabilis Vitæ Venerabilis Virginis Ma-  
 rinæ de Escobar à se latinè redditam  
 P. Melchior Hanel Societa-  
 tis JESV.

**S**I, ex Divi Gregorii ( *hom. 6. in Ezech.* ) sententiâ, cuiquam terrarum regioni obtigit benedictio, qua moribundus Isaac suum beavit, Jacobum; obtigisse prorsus credenda est Regno Hispaniæ, quæ tutelari gloriatur Jacobo. Libeat magni Ecclesiæ Doctoris, maximi Pontificis, verba excipere: *Quoniam*, inquit ille, *inter electos DEI*, alii in *contemplationem* surgunt, alii verò per *activæ vitæ* solummodò opera pinguescunt, rectè in benedictione illa Isaac dicitur. *Dei tibi Dominus de rore Cæli, & de pinguedine Terræ. Ros etenim desupèr, & subtiliter cadit: & nos toties de rore Cæli accipimus, quoties per infusionem contemplationis intimæ, de supernis aliquid tenuitèr videmus: cum verò bona opera, etiam per corpus agimus, de terræ pinguedine ditamur.* Ita Gregorius. Quis porrò recenseat, quos Jacobeâ sorte felix, Hispania numerat electos DEI, tum contemplatione rerum Cœlestium sublimes, tum activæ vitæ sanctis operibus opimos, ut non immeritò, Christiani Orbis consensu, fœcunda Sanctorum Parens habeatur. Illa Ecclesia, ut vetustiores taceam, etiam cum abundavit iniquitas, & refriguit charitas multorum, dedit Dominicum Gusmanum, Vincentium Ferrerium; illa Ignatium Loyolam, Franciscum Xaverium, Tereciam à Jesu, Thomam Villanovam, Petrum de Alcantara, atque tot alios præterea tulit, quos, & si Sanctorum Fastis Romana nec dum adscripserit Sedes, ob

exa-

ractam tamen piè, ac laudabiliter vitam, venerabun-  
 i suscipimus: e quibus una sanè est, Venerabilis Virgo  
 larina de Escobar, cujus hoc nostro sæculo, rarè San-  
 itatis, atque collatorum illi cœlitas illustrium dono-  
 um fama, extrà Hispaniam quaqua versum diffusa,  
 neminem non rapit in admirationem. Me profecto ita  
 oripuit, ut postquam primam hujus Admirabilis Vir-  
 nis Partem Vitæ, nuperrimè Typis Hispanicis excu-  
 m conspexi, animum ad illam interpretandam adje-  
 rim: stimulantibus me etiam ad hoc audendum Sa-  
 centibus Viris, ac in primis (quem singularis obser-  
 vantiaè ergò nomino) venerandæ memoriæ P. Roderi-  
 de Arriaga; qui, quòd in domestico hujus famulæ  
 EI Sacrario Sacerdos Divinam Hostiam litaverit, at-  
 que conspectu ipsius, & alloquio fuerit fruitus, non in-  
 istremis id gratiis habebat, ac faciundum semper, prò  
 oportunitate, ejusdem agebat Encomiastem. Dignum  
 super operæpretium me relaturum existimabam, si  
 cram hanc historiam latinitate à me donatam, toti  
 undò redderem intelligibilem: quod quidem feci, ta-  
 et si stylo simpliciorum, quàm, ut elegantioris forte,  
 ipsiam orationis amanti, satisfecerim. Atque si quis  
 tionem facti petat, dicam: Cura mihi fuit, ne quoad  
 is fieri posset negligere simplicem styllum, & verba  
 æ Virginis Hispanica, quibus ipsa suas, atque non  
 rò satis obscurè, & involutè conscripsit gratias, & ex  
 ibus hanc primam vitæ Partem contexit venerabi-  
 Pater Ludovicus de Ponte, qui etiam dubio procul  
 ibere cultiùs potuisset hispanicè, nisi, & ille quemad-  
 odum in sua ad eam introductione ait, sollicitus fuis-  
 ; ut à Marinæ stylo, & verbis non recederet; eò quod  
 i viderentur esse ipsiusmet DEI, & ex ejusdem inspi-  
 ratione magis genuinè manifestarent mysteria, quàm  
 ia, quæ visa fuissent elegantiora. Videlicet simplex  
 est

est ipsius quoque, Dei cum simplicibus ( quales, præ viris, solent esse foeminae ) sermocinatio, & ea Sanctis acceptissima est dictio, quæ cum eorum modestia, morumque simplicitate consentit. Neque liber hic ad aures mulcendas, aut linguam poliendam; sed animum sanctioribus imbuendum placitis, ac doctrinis est scriptus: *latet siquidem in illo, licet sub verborum humilitate, Thesaurus incomparabilis, qui divina pietatis experientia, offertur cunctis bonæ voluntatis hominibus* quod Landisbergius, quoque dixit in epistola Apologetica, ad Lectorem præfixa libro, Divinarum insinuationum, Sanctæ Gertrudis, & rem, non verba quærenda esse, ubi de salute agitur, responderunt Viri prudentissimi Typographo, sollicito de stylo expoliendo, in editione Dialogorum Divæ Catharinæ Senensis. Quid quod Judice Eminentissimo Cardinali Baronio ( tom. 3. a. nu. 356. ) *suspectum redditur, quidquid obducitur fuco, atque pigmentis: pulchriorque enitescit, ipsa sua puritate, simplicitas: quæ quod mentiri nesciat, omne, quamvis ad ornatum compositum velamentum, abhorret.* Itaque, nè te prudens Lector, stylus offendat rudior, & quandoque, ob inusitata cultis scriptoribus intercisa, ac periodos in speciem intricatas, cacophonias, & tautologias inamænus: *rem ipsam appendo* ( loquor cum Rosveydo in Prolegomenis ad vitas Patrum ) *non verba; fructum lege, non folia, florem carpe: ne volaticos desideras pappos;* V. P. Ludovicum loquentem audi; & vale, DEUMque pro me peccatore ora, ad cujus unius *maioris gloriæ* interpretem egi.

## § I.

*Indicat Revelationes, quas Marina pro ea conscribenda habuit, & fundamenta quibus innititur, veritas, & Certitudo hujus Historiæ.*

**M**agnus noster DEUS ac Dominus, qualis omnibus fuit ætatibus, ac temporibus, estque etiam nunc in Sanctis suis, dignatus est sibi diebus nostris deligere Venerabilem Virginem, nomine Marinam de Escobar, ut in ea immensos infinitæ suæ sapientiæ, charitatis, & misericordiæ thesauros, atque inæstimabiles gratiæ divitias manifestaret, internè cum ipsa conversando, ac omnia illi declarando Mysteria, quæ nos Catholica docet Fides, celebratque Ecclesiis, modis usque adeò novis, miris ac inusitatis, ut exhibiti eidem favores nullatenus cedant illis, quos S. Gertrudi, S. Mechtildi, S. Brigittæ, S. Catharinæ senensi, S. Teresiæ à JESU, aliisque consimilibus præstitisse scribitur; quandoquidem non est abbreviata potens manus Domini, neque exhausta ipsius Sapientia, vel imminuta Charitas, quo minus sciat, possit, ac velit innovare miracula, quæ operatus est in Sanctis antecedentibus, & alia patrare paria, atque subinde majora per modò Viventes. Sunt etenim tot res eximiae, quas DEUS de se ipso, deque suis Divinis perfectionibus, nec non de iis, quæ hominis egit causâ, revelare potest; sunt quoque tam varii modi, quibus talia revelare consuevit, ut, postquam illa cuiquam mortalium patefecerit, semper ei supersint alia infinita, adeò novis manifestanda modis, ut omnem superent imaginationem:

D

quo-

quorum illustrissimum videtur voluisse facere compendium, cōmunicando se Venerabili isti Virgini, omnibus ferè cœlestis, ac Divinæ Communicationis generibus, recensitis in Scriptura Sacra, atque in Vitis Sanctorum.

2 Et quantumvis verum sit, omnia ista, utpotè interna, & secretè acta, DEUM inter, & animam, non potuisse sciri, præterquam ab ipsâmet Virgine (quæ DEO jubente, illa conscientiæ suæ apperiebat Arbitris, & propter fines, quos mox intelligemus, conscribebat) non tamen proptereâ minus credenda sunt, & probanda, quam creditæ, & probatæ fuerint res admirandæ prædictarum quinque Sanctorum, quamvis illæ ipsæ eas manifestaverint; cū sint confirmatæ iis operibus, ac signis, quæ nos sufficienter convincant, quòd nec ipsæ fallantur, neque nos fallant, ex ignorantia, passione, vel malitia: & quandoque sint ejusmodi, ut quamvis illæ voluissent, non tamen scivissent confingere, nisi ab alio altioris ordinis spiritu, ad hoc permotæ fuissent.

3 Et quâvis certum sit, & experienciâ compertum, quod his temporibus (quæ sunt occulta DEI judicia,) se transfiguret Satanas in Angelum lucis, fingēdo, & simulando ea, quæ apparent Sancta, ac Divina, tam internè, quàm externè; certus nihilominus sum, quantum præsentis vitæ conditio patitur, spiritum, quo agebatur, venerabilis Marina, quique cum illa agebat, & ea ipsi manifestabat arcana, ac secreta, quæ referemus, non fuisse malum, sed bonum; non Dēmonem, sed verum DEUM, ipsumque servatorem nostrum, subservientibus illi, & ab eo commissis exsequentibus bonis Angelis, Sanctisque Cœlitibus, atque in primis Sacratissimâ Virgine ipsius Matre. Si quidem rigido admodum, & sollicito plurium, quam triginta annorum, quibus mihi rerum suarum, tūm ore tenus; tūm scripto reddebat ratio-



tionem, examine, universa, quæ illi eveniebant, semper  
inveni, habere omnia boni Spiritus signa nobis à sa-  
ctis literis, & Sanctis Patribus indicata. Eorum ego,  
ne sim prolixus, succinctam duntaxat dabo epitomen,  
quam fusa isthæc comprobabit Historia.

4 Inprimis namque in verbis, operibus, & actioni-  
bus, atque rebus omnibus ejus Spiritus, qui ipsi loque-  
batur, quidam elucebat Divinum; eam siquidem Sa-  
pientiam, & excellentiam, eam veritatem, & puritatem,  
tam gravitatem, & discretionem, eam denique Sancti-  
tatem in summo perfectionis præferebant gradu, ut  
abundè ostenderent, fontem, ex quo procederent, esse  
DEUM; cum in DEO nihil reperiri possit, quod malum,  
vel falsum, leve, aut imperfectum, & indignum sit tanti  
Domini Majestate.

5 Præterea, quemadmodum arbor cognoscitur ex  
fructibus, ita se Divinus Spiritus in ista sua Famula,  
nonifestabat, per septem raras illi collatas virtutes, quæ  
sunt septem certa Sancti Spiritus, iis prædico assistentis,  
indicia. Prima fuit singularis, quædam animæ, & cor-  
poris puritas, atque summus cujuscumque, quantum-  
vis levis culpæ, vel nævi horror, nec non prorsus rarum  
Castitatis donum, quo fuit à tentationibus, & motibus  
illi contrariis præservata. Admirabilior erat altera,  
quod illam in tam profunda sui ipsius cognitione fun-  
daverit, ut inter revelationes, & favores usque adeo  
prodigiosos, ab omni fuerit superbia, & inani gloria,  
atque etiam ejus tentatione immunis. Tertia, quod  
ipsi cor ita pacatum, & præsentia sui DEI inhærens de-  
derit, ut in oratione, & contemplatione mentali nun-  
quam, aut rarissimè passa fuerit, vel involuntarias men-  
tis evagationes, quamvis illam ad multas horas pro-  
luceret. Quarta, summus fuit timor, ne circumveni-  
etur à Diabolo in rebus extraordinariis, quæ illi acci-

debant; ideòque omnem sibi possibilem adhibebat diligentiam, ut eam DEUS ab hujuscemodi illusionibus liberaret, vel talibus viis non duceret; ita ut nemo unquam tam fuerit cupidus similium visitationum, & gratiarum, quàm illa fuit sollicita, ut resisteret, ac reluctaretur iis acceptandis, donec ipsam DEUS induxisset ad consensum. Quinta, sunt vehementia desideria, quibus tenebatur, ut quoslibet toleraret contemptus, & cruciatus pro DEO. Unde quando illam Divina Majestas postremo vitæ tempore, sustinendis horridissimis molæstiis, ac doloribus exercuit, tantopere acquiescebat, ut se desolatam diceret morituram, nisi modicum illud toleravisset, quod ipsi DEUS ferendum obtulerat. Hinc etiam, inter tam terribiles cruciatus, perfectissimè suam Divinæ conformabat voluntatem, neque ulla ipsi crux erat tam gravis, quàm timor, quomodo libet defleatendi ab ea conformitate. Sexta est ingens zelus salutis animarum, ut mille dedisset vitas, ne vel una damnaretur: tamque tenera commiseratio, quâ proximorum condolebat miseriis, quæ in ipsius deveniebant notitiam; ut illis conficeretur, & gravaretur, ac si propriæ ipsius essent quæ sunt virtutes, in quibus Evangelica est sita perfectio, & de quibus in primo agatur libro. Denique summâ habuit propensionem, non tamen impetuosam, neque præcipitè, sed admodum moderatam, & circumspectam, ad reddendam omnium rerum suarum rationem suæ Arbitro conscientie, à quo dirigebatur; noluitque se ipsam, seu proprio iudicio, seu interno Spiritus impetu, regere, nisi accederet approbatio Magistris, ac Ducis visibilis, quem illi dederat DEUS, in iis rebus, quæ ipsius indigebant directione.

6. Hæ septem hæroicæ virtutes, seu effectus animæ, ita adversantur intectionibus Satanæ, coveniuntque tam propriè DEO, qui desiderat, ac prætendit salutem,

atque;

etq; perfectionem suorum Electorum , ut dum illæ firmiter, ac stabiliter in anima perseverant( quemadmodum perseveraverunt in Venerabili Marina , quamdiu ipsi sui à confessionibus)sint septem indubitata testimonia, septemq; certissima indicia ejusdem DEI, qui tam adeò insuetis ducit viis, reddendo ipsam immunitem ab omni diaboli, vel proprii spiritus illusione. et propterea illi dedit naturam, indè quidem extremè formidantem ejusmodi dolos, hinc verò vividam, perspicacem, ac impigram, & celere in examinandis, perspiciendis rebus internis, quæ illi eveniebant; aut magnâ hujus sollicitudinis parte, suos liberaret confessorios. Idcirco, non absq; sufficienti fundamentis, existimo, quod sicut DEUS in sua Ecclesia constituit Sanctum Franciscum ad paupertatis, & alios Sanctorum, ad aliorum virtutum præbendum exemplum; ita in periculosis his temporibus proposuerit hanc Virginem, timoris, & sollicitudinis, cautela, circumspeditionisq; disquisitionis exemplo doceret, quomodo Divinæ revelationes, & inusitata gratiæ tutò sint suscipiendæ.

## §. II.

*Deus jubet, Marinam ob valdè sublimos fines,  
ea scribere, quæ ipsi eveniebant.*

**E**X dictis sequitur, Venerabilem Virginem Marinam de Escobar ea, quæ ipsi eveniebant, non ex sua propria voluntate, neque ex anile levitate conscripsisse, & propalasse; cum potius ab ipse summè abhorruerit, usquedum id facere jubetur a suo Confessario Patre Petro de Leon; ut illa ipse diutius expendere posset, atque discutere, & exhibere aliis autoritate pollentibus, rerumque spiritualium peritis, ac doctis viris, qui suum de iis judicium

di-

dicerent . Cum tamen is paulo post , connivens in illius repugnantia, ei dixisset, sufficere id, quod scripserat; ipsemet DEUS, eam denuò jussit cœpta proseguere , manifestatis illi admirandis hujus scriptionis finibus , & motivis, quod ipsa his refert verbis .

8. Postquam à DEO multas obtinuisssem gratias;& ingentia solatia, fuisssemque ab illo multoties, visitata, & illuminata , ut cognoscerem sublimissima ipsius mysteria , dicebat mihi aliquot continuis diebus : *Scribe quod tecum ago* . Ego verò advertens mihi à Divina Majestate iterari ea verba, dixi illi quâdam vice : *Domine, quare tua Majestas id à me vult scribi ? an ne forsitan idcirco , ut reddere possim meo Confessario rationem eorum, quæ sunt in mea anima?* responditque mihi DEUS : *Non ideo* . Tum ego rursum . *Quare igitur mi Domine?* & Dominus mihi dixit . *Facit ad meam gloriam , ut hoc scribas* . Ideòque subito incepti scribere, quia istud dictum tantopere me ad scriptionem cōpulit , ut absque magno conscientiaë remorsu eâ supersedere non possem . Verum & si scriberem: unâ id spectabam, conabarque consequi à DEO, ac postulabam, quàm enixissimè, & ex intimo corde meo, ut me illuminaret, daretque mihi gratiam, ne quidquam fieret adversum Sanctissimæ ipsius voluntati: maluissem enim, mihi eximere linguam, & amputare manus , quam vel unum verbum, DEO nolente, loqui, aut scribere. Quocirca timens meam malitiam, & astutiam diaboli, continuè dicebam : *Domine vis ne id a me fieri ?* & Divina Majestas mihi respondit : *Ita; quia ista tibi , non tui solius tantum sunt gratia, sed etiam propter alios* . Alias verò addidit : *Noveris hoc sæculo reperiri in Mundo homines, qui vehementer falluntur, dum cogitant, ac dicunt, non esse tempus; quale quondam erat; & à me non conferri gratias, neque esse, cui eas possim conferre, quas consueverim*

in aliis præstare temporibus; quasi verò jam non essem, em, qui eram. Juverit ergo eos intelligere, aliter se habere. Post hæc nihil ominùs adhuc metuebam, eoque illi dixi cum magna verecundia, & confusione Domine, ergonè ego miserabilis esse debeo instar impanæ, quæ alios advocat, ut veniant ad templum, èt ipsa remaneat in Campanili? fac de me quod vis, que enim ego aliud volo. Ad hoc mihi respondit ædam verba consolatoria, indicavitque nonnullas sonas, quibus esset profuturum id, quod mecum erat: Ego verò respondi. Plurimum gaudeo, Domine, quod cum ego tam parùm proficiam ex gratiis, quas mihi præstas, reperiatur, qui ex illis proficiat.

His animata, perrexit scribere ea, quæ illi congebant, cum tunc esset provectæ ætatis quadraginta quatuor annorum, sed DEUS indulgendo ipsius naturæ repugnantia, illi dixit, ut hac vice scribendo conuenter impletet sexaginta circiter phylaras chartæ; eoque deindè esset amplius aliquid sibi placitum. que ita fecit, consignando quæcumque illi acciderent, & accidebant, usque ad ætatem quinquaginta annorum, aut aliquantulum ultrà; quo tempore cum ipsa scribere non posset, eò quod tunc esset vehementer firma ac debilis, ego, qui jam eram ipsius Confessarius, mortuo Patre Petro de Leon, illi mandavi, ut scribenda dictaret cuidam probatæ virtutis Virgini Adolescentulæ, quæ ipsi convivebat. Id verò illa egrè turbata ob ingentem naturæ suæ resistantiam, abhorrentis libus cuiquam alteri patefaciendis, quàm Arbitro conscientia. Et cum in hac re esset remissior, vidit à se patris Christum Dominum, quasi duobus a se distantibus, qui valdè gravitèr, & instar redarguentis dixit: *Quæ est hæc tua repugnantia Marina, cum, ex ordinaria Doctrina, quàm ex mea illuminatione, scias,*

*scias, me velle, ut obedias tuo Confessario? Nunc verò ego intervenio, præciendo, ac mandando, ut id facias, neque ultrà repugnes. Nunquid fortè nosti, qualia sint mea iudicia, ac intentiones? Et quam ob causam, aut cur, seu propter quem finem tibi ex mea misericordia has gratias conferam? atque an hunc in modum tecum forsan agam, quod id merearis? an potiùs propter multorum aliorum, atque alicujus speciatim bonum, & emolumentum? Super sede hac difficultate, Marina; obtempera tuo Magistro.*

Non multò post incepit dubitare, utrum non committeret aliquem errorem in scribendis suis rebus, dixitque Christo Domino. Cuperem sanè vehementer, Domine, bonum paucis, & multa significantibus verbis scribendi modum assequi; sicut tu interdum meam animam edoces de tuis mysteriis: quod enim scribo, recensendo misericordias quas mihi præstas, multorum est verborum, videnturq; mihi istæ narrationes fusæ. audivit me Dominus, & penetravit cor meum, responditq; mihi quàm gravissimè, quasi interpositâ aliquâ morâ, quæ indicabat magnam majestatem: *Non dicis bene, quæ namque ratione modum, quo te ego instruo, tibi-que dicto, qualiter te conscribere oporteat meas veritates, ac mysteria, ac gratias, quâs tibi præsto, vocas narrationes fusas? depone istam ignorantiam, & simplicitatem, ac tace, & obedi.*

10. Istâ Christi Domini responsione indicatur id, quod hæc ejus famula aliquoties mihi asseruit, sæpè sibi ab illo inspiratum fuisse, & quasi dictatum; quod scribebat ne verbo mutato, in rebus majoris momenti, quas suggererat scribenti; quod si quandoque evenit ut non meminisset, quid acciderit, dum tamen ordiebatur scriptionem, id ipsi DEUS in memoriam exactè revocabat. Quando verò de re quapiam dubitabat, itanè se haberet; an secus, interrogabat de ea Dominū, vel ali-



aliquem assistentium sibi Angelorum , qui illi eximebant dubium .

11. Tanto porrò tenebatur desiderio non aberradi à vero, ut aliquando dixerit DEO: Si tu velles, libenter dicerem meo Patri Spirituali, cui committis mea scripta, ut omnia, quæ in illis reperiuntur, & quæ ipsi non integerrimè satisfaciunt, deleat, laceret, ac destruat. Respondit autem ei Dominus, suaviter, & graviter illam corripiens: *Dic age, Marina, quis te Dominam constituit rei non tuæ, sed meæ, quam ita velis jubere destrui, ac aboleri? nunquid forsitan plus es, quam miserabile meæ potentis manus instrumentum? tace, & relinque ista, quæ ego facio pro meo beneplacito, ac providentia, & obedi, nullo verbo dicto.*

12. Sic anima ipsius reprehensa fuit, & convicta, ut faceret, quod illi à DEO præcipiebatur. Hoc audito, incepit dictare, quæ ipsi denuò eveniebant, alicui suarum contubernalium; vel suis Confessariis; brevi tamen adeo debilitata decubuit in lecto, ut illam oportuerit esse contentam, rerum suarum mihi rationē reddere ore tenus, quas ego conscriberem. Cùm autem ego etiam propter meos graves, & continuos morbos illi possem adesse paucis vicibus; hūc defectum supplēvit Pater Frater Adreas de Ponte, meus Germanus, ex Ordine Sancti Dominici, vir magnæ virtutis, zeli, & Spiritus, qui magnā charitate, ac diligentia, per plures annos illam bis intra septimanam adibat, ut exciperet ipsius confessionem, & propter alia, quæ ei committebat: eādēque occasione, me volente, illi referebat, quæ ipsi cum Domino acciderant; ille verò omnia fideliter consignabat, ac deinde ipsi exhibebat, ut dispiceret, an aliquid addendum existimaret, vel omitendum; atq; ita correcta mihi tradebat, & ego eadem cum ipsa conferebam, ac iteratò corrigebam.

*Jubet Christus Dominus Confessarium è Societate JESU hæc scripta disponere, ut suo tempore evulgentur.*

**P**OST hæc intellexi ex relatione Marinæ, DEI voluntatem esse, ut Societas, atque speciatim ego (donec viverē) utpotè ipsius Cōfessarius, haberē curam earum chartarum, ut redigerentur in ordinem, & suo tempore evulgarentur: atq; à Sancto Patre nostro Ignatio, jussa tuit mihi dicere, *ut hoc facerem, tanquam si ad me unice spectaret, quemadmodum spectabat; sciremque esse partum domesticum*: quibus ultimis verbis significavit à Domino DEO assumptam fuisse Societatem prò instrumento ad conferendas illi has gratias, atque ut ipsa illam suā educaret doctrinā, & institutione. Habitā hac monitione cœpi dubitare, bonumne foret, statim hac de re agere, priusquam me è medio mors tolleretur, quæ continuè meis oculis observabatur; & quia id procrastinabam, Dominus in Vigilia Sancti Petri, anno 1614. (qui ætatis Marinæ erat sexagesimus) gravi, & imperiosa voce illi dixit: *Audis ne jam est tempus, ut redigantur in ordinem, quæ tibi contigerunt, & gratia tibi à me præstita; dic tuo Confessario, ut id cito faciat, ac si tibi, vel ipsi paulò post esset moriendum: hoc enim statuto tempore eveniet.* Isto monito, & judicio gravissimorum Patrum Societatis permotus, accinxi me ad opus quam secretissimè, donec adesset tempus illius publicandi; quod esse consuevit post mortem personæ, cujus gesta conscribuntur.

14. Et quantumvis id exequi fuisset facile, si secutus fuisset ordinem, quo suas ipsa res conscribebat, vel



vel dictabat; quia tamen omnia erant indigesta, transi-  
liebat enim ex his ad alia, & quædam interrompebat,  
ut ad prorsus diversa transiret, judicavi è majore DEI  
gloria futurum si assumerem aliquem modum, quo cla-  
rius, ac distinctius exponeretur excellentia, & sublimi-  
tas mysteriorum nostræ fidei, ac mirabilium Operum,  
quæ Divina Majestas in ista sua Famula, & per illam  
operata est, etsi quandoque non haberetur ratio ordi-  
nis temporum, ubi illum sciri parùm referret: semper  
tamen fui sollicitus, ut non recederem ab ejus stylo,  
& verbis eo, quo mihi viderentur ipsiusmet esse DEI,  
& ex ejusdem inspiratione magis genuinè manifesta-  
rent mysteria, quàm alia, quæ visa fuissent elegantio-  
ra; demptis etiam nonnullis, quæ ipsa adiungebat, ac  
repetebat, ut se magis aperiret, vel declararet repu-  
gnantiam, quam sentiebat, in acceptandis adedò insue-  
tis gratiis, donec adigeretur ad illas admittendas. Quas  
equidem repugnantias repeto sæpius, ut sint instar the-  
riacæ, seu antidoti, contra venenum, quod solent hau-  
rire Tirones, & imperfecti ex lectione hujusmodi reve-  
lationum, dum similium vana concipiunt desideria:  
quod non facient, videntes Venerabilem Marinam se  
ita illas recusando, cautèque admittendo, dignam red-  
didisse, ut eas consequeretur, dum conaretur pro vi-  
ribus viæ communi, ac tritæ verarum, ac solidarum  
virtutum insistere.

#### § IV.

*Partitio primæ Partis hujus Histo-  
riæ, in sex Libros.*

**Q**Uapropter contenta in hac Historia, quæ sunt  
innumera, neque minus proficua, quam glorio-  
sa, redigemus in sex libros. Primus liber cõ-

E 2

pre

prehendet extraordinarias vias, quibus illam DEUS duxit, combinatas ex admirandis favoribus, horrendis cruciatibus, & eximiis virtutibus; quæ tria hujus vitæ Sanctitatem reddunt undequaque absolutam, ac per quam stabilem; secundum illud dictum Ecclesiasticis; *Funiculus triplex difficile rumpitur*; quia favores, ac dona, absq; crucibus, facile consuevit vincere superbia, præsumptio, & vana gloria, cruces autem, ac tormenta, sine gratiarum solatiis, nullo negotio præcipitant in impatientiam, tædium, & pusillanimitatem spiritus; & virtutes absque prædictarum duarum rerum mixtura nunquam sunt solidæ, nec robustæ, neque bene probatæ; ideoque facile illas superat pigritia, ac tepiditas cordis: quando verò omnia tria sunt coniuncta, cōstituunt Sanctitatem excellentem, & quasi inexpugnabilem. Atque hæc tria generatim crunt argumentum istius primi libri, qui exhibet specialium rerum fundamenta, quæ singillatim referuntur in sequētibus libris.

16. Secundus liber erit de admirandis revelationibus quas habuit de mysteriis nostræ Redemptionis, quæ fuerunt ipsi materia Orationis, & contemplationis tam ordinariæ, quàm extraordinariæ; nec non de magnis gratiis, quas in illis est consecuta. Specialitèr verò in eo agitur de mysteriis vitæ Christi Domini, de ejus Passione, Ascensione, & Adventu Sancti Spiritus, atque de institutione, & festo Sanctissimi Sacramenti; præterea de vita Beatissimæ Virginis, incipiendo ab ipsius nativitate; iis, quæ concernunt purissimam illius Conceptionem, ob singulares causas, dilatis ad finem libri quarti, ubi etiam agetur de ejus Assumptione.

17. Liber tertius est de admirabilioribus revelationibus ad mysteria Divinitatis, & Trinitatis Divinarum Personarum, & ad æternam Sanctorum felicitatē, quam ipsi DEUS dedit delibandam, conferendo illi  
alias

alias insuper eximias gratias .

18. Liber quartus complectitur speciales revelationes, quas habuit de officiis, & excellentiis Angelorum Custodum, ac Sanctorum, qui illam frequenter invisebant, præsertim verò de prerogativis Beatissime Virginis sine macula conceptæ, & assumptæ; unàque res insigniores, quæ illi cum iis Sanctis evenerunt.

19. Quintus Liber erit de rebus memorabilibus, quibus jovit animas Purgatorii, & promovit salutem proximorum, cum illi DEUS manifestaret omnium miseras, & quæ ipsi essent agenda, dicenda, ac scribenda pro iis adiuvandis; ubi refertur doctrina, pro consequenda perfectione, quam à DEO didicit, & scribere iussa fuit ad profectum eorum, qui sunt addictiores, tractandis rebus spiritualibus.

20. Denique liber sextus erit de heroica ipsius perfectione, quæ enituit in modo, quo toleravit suos terribiles cruciatus, & exercuit omnis generis virtutes; atque de raris gratiis, quas illi DEUS præstitit, additis præclaris promissis, concernentibus ipsius obitum.

21. Hactenus in illo Prologo seu introductione V.P. Ludovicus à Ponte, qui finem imponit primo Libro his verbis. Hic finem imponimus primo libro, qui est summa quædam trium rerum, quas complexa est via extraordinaria, qua illam duxit Dominus noster, contexta miris favoribus, & deliciis: terribilibus cruciatibus, & tormentis, non sine illustribus Virtutibus, quas inter elucebat in illa profunda humilitas, & cognitio vilitatis suæ: obedientia exactissima ad nutus Dei, suorumque Angelorum, & Confessariorum: Zelus ardens salutis animarum: continua oratio, & tractatio cum Deo, cujus præsentiam numquam anima dimittebat: insignis patientia in suis necessitatibus, infirmitatibus, tormentis, & veluti martiriis, quæ de manu Dei, ope-

râ Angelorum, Dæmonumque patiebatur: atque hæc, ultra graves sui afflictiones, rigidas verberationes, frequentia, & cruenta cilicia, continuata jejunia, aliaque genera pænarum, quæ dum corporis vires utrumque sufficerent sponte suscipiebat, communicato consilio cum suis Confessariis, & exequiebatur quantum hi permittebant accomodantes se ejus ardori tam flagranti; tæsi cum prudentia Christiana. Hæc omnia declarabunt, extollentque res ipsæ singula proximis libris persequendæ.

Hactenus V. Pater, qui cumulatissimè præstitit, id quod promisit, tandemque conclusit totum opus sequenti S, qui caput est vigesimum primum libri sexti.

### §. V.

*Quomodo ipsi DEUS communicaverit eximiam Spiritus mysticam, & experimentalem scientiam, præceperitque, ut conscriberet omnes suas experientias, in commodum proximorum, consignandas, & in ordinem redigendas à Confessario, quem habebat ex Societate JESU.*

22. **E**Xtraordinariis gratiis, quas Deus suæ famulæ, per decursum longæ ejus vitæ præstitit, & istud accenseamus, quod ipsi fuerit unâ cum illis communicata Scientia spiritualis, quam cōmunitè vocamus Theologiam Mysticam, & scientiam experimentalem, de qua loquens Divina Sapientia, ait quòd ostenderit iusto Jacob regnum DEI, Et dederit illi

*illi scientiam Sanctorum*, quia ductu Divini luminis est ingressus ad percipienda arcana Regni Cœlorum, quæ nimirum sentiebat, & experiebatur in se ipso, quod est proprium Sanctorum.

23. In hoc mirè excellebat ista famula DEI, cui Divina Majestas sensim communicavit, quinque admirabiles experientias, quæ complectuntur universam scientiam Spiritus.

24. I. Quia in primis experta est, ac attigit omnia concernentia Infantiam, Passionem, & Mortem Salvatoris, ac reliqua ipsius Sacratissimæ Humanitatis Mysteria, quibus interfuit, ac si tunc denuò executioni mandarentur, ita ut sentiret in se dolores, ac tormenta Redemptoris, usque ad participata ejus vulnera pedum, manum, lateris, & capitis.

25. II. Hinc est progressa ulterius, ad cognoscendam, & experiendam immensitatem DEI Trini, ac unius, cum suis attributis, quæ beatos reddit Angelos; ac Sanctos; participando in se ipsa, ac degustando istam beatitudinem; videndo aliquid de eo, quod ipsi vident in suo DEO, pro sua capacitate, idque interdum eâ claritate, quamvis momentanea, instar relucenscentis fulgoris, ut possimus dubitare, an non fuerit visio clara, qualem nonnulli per speciale Privilegium concedunt Sancto Paulo.

26. III. Tertio experta est omnes modos familiaritatis, & communicationis inter DEUM, & animam, per alloquia, per inspirationes, per species, & visiones imaginarias, perque visiones intellectuales, per raptus, elevationes, & uniones, mille modis, jam in fundo sui cordis, jam in Cœlo Empyrio, jam commorando ibi, quasi stabiliter secundum Spiritum, jam idem percipiendo in suo cubiculo.

27. IV. Ad hæc accedit experientia dolorum, crucia-

ciatum, molestiarum, ac tormentorum interiorum; & exteriorum, quæ est passa, partim ex Divina dispositione, partim propter persecutiones Dæmonum, DEO permittente; ita ut experiretur, dolores esse scalas ad gaudium; & Crucem esse viam pro adeunda cælesti gloria.

28. V. Denique experta est, & probavit actus heroicis omnium virtutum, in quo consistit perfectio Evangelica, cum summa prudentia, circumspectione, cautela in viis extraordinariis, quibus ducebatur, ne deciperetur. Unde factum est, ut esset adeo plena hac Divina scientia, ut posset esse excellens illius magistra; & anima ipsius, ac modus vivendi, esset instar libri vivi; ubi infinita sapientia DEI descripsit, atque expressit omnia mysteria nostræ sanctæ fidei Catholicæ, admirabili artificio; adjunctis duobus raris privilegiis, quorum unum erat, quod etiam si revelationes interdum essent admodum copiosæ, ac diffusæ, & continerent multa, ac minutissimas circumstantias; tam fixè tamen illas imprimeret suæ memoriæ, ut illarum non oblivisceretur: Alterum autem quod illi Deus suggesserit verba convenientia, quibus posset declarare, quod viderat, & fusè referre; etiam si aliquandò esset res tam sublimis, ut illi non suppetere verba, pro ea exprimenda. Et quia omnes istæ experientiæ, ac res, quæ illi accidebant, fiebant arcanè, & modo invisibili, manebantque in ipsius spiritu, quasi in libro clauso, & signato; Voluit Majestas Magni nostri DEI, ut iste liber aperiretur, omnesque prodirent in lucem præcipiendo illi frequentius (sicut fusè dictum est in Prologo istius Historiæ) ut conscriberet omnes gratias, quas illi præstiterat per decursum vitæ, eo quod eas ipsi non communicavisset pro illa sola, sed etiam in commodum multorum.

29. Hoc

29. Hoc fuit primum, quod DEUS præcepit Venerabili Marinæ, & comprehendit generatim id, quod Divina Majestas extraordinariè in illa est operata; voluit tamen simul ut observarentur consuetæ leges Ecclesiæ; utque examen rerum publicandarum, & earumdem coordinatio, ac dispositio fieret, secundum iudicium, prudentiam, & scientiam Confessarii, Magistri, ac Directoris, quem habebat ex Societate: eò quod non omnia, quæ DEUS secretò suis servis revelat, velit publicari, imò non expediret quædam probare. Propterea cùm Germanus meus Frater Andreas de Ponte, ex Ordine Sancti Dominici conscripsisset, eaquæ Venerabilis Marina ipsi dicebat, vel dictabat, ut illa mihi traderet, ut dictum est in Prologo; retinuisset autem ipsorum apographa, mandavit DEUS, ut illa ab eo peteret, mihi que traderet, & ego ex ipsis demerem, quod judicarem, non convenire, ut publicetur. Hactenus ibi V.P. Ludovicus à Ponte.

30. In libro autem 2. cap. 25. Agens Venerabilis Pater de luce infusa, quam habuit Ven. hæc Virgo ad penetrandum Mysterium Eucharistiæ; sic scribit.

31. Post Pentecostem celebrat Ecclesia Festum Sanctissimi Sacramenti, eò quod id non possit facere feria quinta in cæna Domini. Utroque tempore habuit Venerabilis Marina insignes revelationes, ac visiones de hoc Mysterio, quas recensebimus, incipiendo ab admirabilioribus, de modo, quo re ipsa, & verè Christus Dominus existit in Sacramento, quas mihi enarravit, deditque scriptas, dum docerem Theologiam anno 1595. in nostro Collegio Vallisoletano. Docebam autem tunc materiam de Eucharistia, atque hoc punctum de Transsubstantiatione. Referebat mihi id talibus verbis, & cordis affectibus, ut obstupescens, conferendo meas tenebras cum tanta luce, dicerem DEO:

F

Con-

*Confiteor tibi Pater, Domine Cæli, & Terræ, quia abscondisti hæc à sapientibus, & revelasti ea parvulis; ità Pater, quoniam sic placitum fuit ante te. Hactenus ibi V. Pater.*

32. Ut autem constet, quanto cum fundamento existimaverit Venerabilis Ludovicus à Ponte, quod sicut DEUS in sua Ecclesia constituit Sanctum Franciscum ad paupertatis, & alios Sanctos ad aliarum virtutum præbendum exemplum; ità his periculosis temporibus proposuerit hanc Virginem, ut exemplar timoris cautelæ, & circumspeditionis, qua divinæ revelationes, & inusitata gratiæ sunt tutò suscipiendæ, transcribam. §. sequenti caput undecimum libri primi.

## §. VI.

*De nimio timore, quo perpetuò angebatur ne pateretur illusiones in suis extraordinariis viis; quamque sollicitè petierit à Deo illuminari; ac de admirandis rebus, quas ipsi Divina Majestas dixit, ut illam redderet securam.*

33. **A**LIAM Crucem constantiorem, & gravio-  
rem toleravit Venerabilis Marina totà vita, inter adedò insolitos favores, quæ fuit terribilis timor, ne in illis deciperetur à Diabolo, aut à sua imaginatione; Nève idcirco, aliquid faceret, quo suū DEUM offenderet; & quamvis Visitationes essent tam magnæ, & proficiuæ; abundantes tantis solatiis, hi tamē timores, qui illā invadebāt omnē istā attēperabāt



voluptatē; unde faciebat, quod poterat, ut illas evitaret; atq; interdum valdè lætebatur, quando ipsis carebat, adeo ut aliquando dixerit ad Deum: *Bonum meum, si aliqua Anima eò deveniret, ut diceret, se nolle acceptare istas tuas gratias extraordinarias, propter suos timores, quid faceres?* Divina Majestas illi respondit: *Ego nemini confero has gratias contra ipsius voluntatem; quia licet vos velim mihi esse subiectos, nolo tamen vos cogere,* Hoc responso habito, veluti convicta, siluit. Inde fiebat ut, cū inciperent extraordinariæ visitationes, vel indicium aliquod illarum, aut signum notaret; subito confugeret ad DEUM; adeò ut oculis fidei illum intueretur præsentem, in omni loco, iteraretq; preces, & obtestationes, postulando ab illo lumen ipsius cœlestis, ad cognoscendas ejusdem veritates, & ne ulla in re deciperetur. Quia vero hoc Deo placebat, ipseque illi inspirabat, nec Divina Majestas, nec Sancti, neque Angeli, qui veniebant ad illam invisendam, propterea offendeabantur; nec abibant; imò illam expectabant, ut perageret suam solitam orationem, cui minimum quadrantem horæ solebat impendere, vel semihoram, atque aliquando unam, & duas horas; id quod ipsamet declaravit loquendo de se in tertia persona gravissimis his verbis: *Quando anima illustrata Divino, & vero lumine, sentit præsentiam sui Cœlestis sponsi, ac Domini, qui illi significat, quod illam velit visitare, & consolari extraordinariè, patefaciendū ipsi aliqua sua Divina Myſteria, vel secreta, timet, ac tremet, & verecundatur prostrata in conspectu sui Magni DEI, quem omnibus suis viribus amat, & cui summè desiderat placere, & à quo humiliter, atque magno ardore spiritus, quem illi Dominus communicat, petit, ut ipsam edoceat de suis veritatibus; de tunc illi suum Divinum lumen; quando ita anima completitur summum Bonum, & cum illo quasi lu-*

*Etatur, usque dum obtineat hanc benedictionem (quam divina Majestas, nunquam negat ei, qui illam humiliter postulat) invenit se quasi victam à Domino, qui ipsam suaviter inclinat ad acceptandam gratiam, & visitationem, quam illi vult exhibere; & postquam istam gratiam suscepit, relinquit illam ditatam Divinis donis, quæ nequeunt explicari, & adferunt ingentem pacem, ac solatium; ut propterea absque omni dubio credat, suum Deum, ac Dominum esse illius Operis Authorem.*

34. Hoc scripsit Venerabilis Marina, quando jam erat provectæ ætatis, & ego mirabar, dum mihi narraret illam luctam, quæ certabat cum suo DEO, ut sibi impertiretur lumen, prò cognoscendis ipsius veritatibus; quia id faciebat accumulando tot preces, ac tot motiva, & rationes allegando, ad eum modum, quo illas allegat Ecclesia in Litaniis Sanctorum, ut aliquando erubuerit, reprehenderitque se ipsam, dicendo ad Deum, quod sibi videretur id exigere, quasi debitum ex justitia. Divina autem Majestas illam est solata, dicendo ipsi. *Est verum, quod titulo justitiæ hoc à me petas: cum enim ego promiserim me concessurum, quod à me peteretur, mansi quasi obligatus ad dandum, quod à me postulatur.* Implevit quoad hoc Divina Majestas istud promissum, tam integrè, ut multis annis, quibus ego illi fui à Confessionibus, & cum ipsa egi, semper adverterim, quod illam præservaverit ab illusionibus. Hic timor partim fundabatur in ipsius natura, quæ erat meticulosissima, ut dictum est; partim sine dubio fuit speciale donum DEI, sicut ipse Dominus illi dixit, quodam die hoc modo; *Esse certa, quod nulli Creaturæ ex omnibus, quas duxi per vias extraordinarias, dederim majus donum timoris, quàm tibi: Causas verò cur illud ipsi dederit, declaravit rationibus, quas illi dicebat, ut il-*

illam redderet securam, quod non sit illusa, neque unquam esset illudenda.

35. *Quadam vice, ait ipsa, dixi ad Dominum: Bonum meum, & Domine mi, quales sunt hi timores, qui me affligunt, mibique tremorem incutiunt? Quid me vis facere, ut tibi placeam, ac satisfaciam? Respondit Dominus: Nihil refert, quod habeas istos timores, quia per illos te reddo securiorem sicut es; & propterea non omittis facere, ac dicere, quod volo. Dic mihi si viveres absque istis timoribus in hoc Mundo, & sine ista cruce, quid tibi deesset? & quid scires pati? Cumque me aliquando multum angerent, dixi Divinae Majestati: DEUS mi, & Domine mi, quomodo me relinquis in manibus meorum Inimicorum? & respondit mihi quàm amantissimè? Quid dicis Anima? Ego te certè non relinquo, nisi in brachiis Crucis, cui ego affixi mea brachia; significans mihi, istos timores, esse crucem, cui me ipse affixisset. Magno me affecerunt solatio hæc verba Domini; dixi tamen illi statim. DEUS mi, & Domine mi, optimè fit, quod dixisti, idè sis benedictus. Dic mihi nihilominus Domine: non ne est melius, ut anima perveniat ad pacem, quæ reperitur in te, ac tantam tranquillitatem, ut ipsam nihil ampliùs audeat infestare, nec illius passiones, nec natura, neque Diabolus; utque non ampliùs pugnet, ac tu solus cor possideas: nonnè hoc esset melius; mi DEUS? Respondit Dominus: Adverte: quando ego ex mea bonitate, & ob alias justas causas, exhibeo eum favorem, & gratiam animæ, quæ illam meretur, ut ipsi dem istam pacem: ac tranquillitatem; de qua tu loqueris, esto bonum, ac donum, & munus meum sis tamen, quæ, non est assecuta hæc specialia dona, si pro illis obtinendis impendis laborem manuum suarum, adjuvante ipsam mea gratia, ac decertat, & patitur, multò se excellentiùs gerit; quia ista laborat prò consequendo thesauro, illi verò alteri confertur ex gratia; adverte præterea in talis statu animæ, qua-*  
lis

*lis est tuus, id, quod vocas passiones, ac defectus, esse opus meorum incomprehensibilem iudiciorum; ut humilietur anima, & conservetur in subiectione, sitque dedita mortificationi; tum ut magis augeatur ipsius premium, & mea gloria, tum etiam ut praebeat exemplum utile meis fidelibus Amicis: hoc est, quod agitur in tua Anima: Quid te vexas & affligis? Esto bono animo, & quiesce in me.*

36. *Dum aliàs agerem cum Domino aliquantùm confusa meis timoribus dixi illi, ea, quae divina ipsius Majestas mihi dicebat, & mysteria, quae mihi revelabat, esse ejusmodi, ut, licet credam absque omni dubio, quidquid mihi dicebatur, & videbã, tamẽ quodammodò timeã, & metuã quod mihi Divina Majestas conferat tantas gratias, cum ego sim, quae sum. Respondit mihi Dominus: Anima si credis meis verbis, & veneraris mea Mysteria, ita sicut dicis, ac facis quod ipsum ego volo, utcumque timeas, ac metuas; quare vis tibi à me auferri turrim, & murum fortem, sancti timoris mei, ac circumspeditionis, quae custodit; ac defendit animam ab omnibus telis, ac fraudibus Diaboli, & representationibus phantasiae, aliisque hujusmodi rebus; quae tela Diaboli, dum illa vult jacere, ut animam decipiat per illusionem, resiliunt, & revertuntur ad illum cū ingenti confusione, rubore, ac damno ipsius; & similiter, quare vis tibi à me auferri coronam Crucis, quam pateris; vivendo cum timore, & tremore, ac sancta circumspeditione quandoquidem etiam vivis, certam habens, & securam in me spem: noveris praeerea, animam; quae id non haberet in specialibus viis, & extraordinariis exercitiis, vulturam in magno periculo, ne deciperetur à Damone, & à sua propria imaginatione.*

37. *Alia vice, cum mihi Dominus aliquid dixisset, angebar meis timoribus, considerans, esset ne DEUS, qui mihi loquebatur; & dixit mihi Divina Majestas. Quid habes: Anima? Quid sētis? Ego sum tuus Deus; ego sum, qui lo-*  
*quor*

*quor, quid times? Respōdi illi: DEUS mi, & Domine mi, vivo cū timore, ac tremore, quia denique sum in eo statu ut decipiar, & non intelligā, atque cognoscā te; id quod ego, propter nullam rem creatam, nec propter Cælum, neque propter Terram vellem contingere, ut te, vel in minima re offenderem. Hæc est, Domine, mea anxietas, & mea cura, in qua vivo, sicut scis: Respondit Dominus, modo quodam sublimissimo, suavissimo, & efficacissimo: Anima: non decipietur, qui non voluerit decipi, & ambulaverit in veritate coram me: quod cum ita sit, non habes, cur timeas; Hoc Dominus taliter dixit, ut mihi mirabiliter satisfecerit quoad justam veritatem; atque sic fui animata.*

38. *Dum aliàs magno affectu agerem cum Domino; dixi illi: DEUS mi, & Domine mi, unum S., & clavum pone in meo corde; quia desidero tota esse serva, & ancilla Domini. Divina Majestas mihi respondit amabilissimè, & blandissimè: Anima jam pridem, hoc feci, & tota es mea. Tum ego respondi. Quomodò ergo, mi Domine, sum tam mala, & miserabilis, ac tam parùm profeci in omnibus pertinentibus ad tuum servitium? Dominus autem mihi respondit valdè affabiliter; ne idèò sollicita sis, Anima mea; quia verè tibi dico, quod te habeam scriptam in libro vitæ: quodque per mea auxilia, & subsidia proficias ex favoribus, & gratiis, quas tibi præsto. Respondi denuò Domino: ac dixi: Deus mi! cum ita sit, quomodo vivo cum tantis timoribus, ne tibi displiceam, teque offendam? Et sum adeo meticulosa propter vias tam extraordinarias, per quas me ducis, ut vivam afflicta, ac anxiosa? sed Dominus mihi respondit: Bene sic fit: nonnè tamē inter istos timores, in quibus vivis, has veritates agnoscis? Iste tuus timor est filialis, qui etiam in Cælo habetur, quia timor Domini manebit in æternum. Ego optimè scio condire, quæ in speciem sunt contraria, quamvis non sint; & conjugere istum Sanctum timorem, quem habes,*

*cum*

*cum veritate, quâ tibi manifestavi ; quod tibi satis constat. Hoc me magno solatio affecit , & confortavit in Domino .*

*Alia vice agendo cum Deo, conquerens de me ipsa, dixi illi cum magno pudore : Domine mi , & Deus mi ; jam tot annis sum prædita usu rationis , & toto hoc tempore , cum tu mihi contuleris tot, ac tanta beneficia, tam ordinaria, quàm extraordinaria, dederisque tot ac tanta auxilia, pro meo profectu, debuisset meritò anima mea plurimum profecisse, ac esse libera à passionibus , & excessibus naturæ , atque à tot peccatis, quibus sum obnoxia. Divina mihi Majestas benignè respondit, ac amanter: Quid facis peccatrix? quæ causa est tuarum quærelarum, ac tui doloris? quia in bona, & veraci voluntate, atq; sano creaturæ corde, non possunt habere locum talia mala, de quibus te, tanto cum dolore accusas: si quidem sicut non est signum, radicem arboris, vel vitis esse malam, vel putridam, propterea quod progerminet ramos, vel stalones supervacaneos, & superfluos, procedentes ex aliis causis, quos suo tempore veniens putator diligenter recidet, ut fructus arboris sit uberior, & utilior: ita ex sano corde , & bona voluntate creaturæ erga suum DEUM, qui est fundamentum, & radix arboris vel vitis proferentis veras virtutes; & bonum spiritum. atque perfectum amorem sui DEI , non potest provenire quidquam mali, aut noxii, Quod si hæc arbor germinet ramos supervacaneos, & superfluos in speciem, illi oriuntur ex aliis causis ; putator autem cultro mortificationis resecat sollicitè istos ramos , & illos destruit, atque comburit, si opus sit, mortificando has superfluitates, quæ sunt passionēs inordinate, & affectus naturales, in eoque multum laborat, ut ità fructus sit major, utilior, & uberior.*

39. In duplici occasione, vehementer augebantur istæ anxietates, ac timores. Una fuit, quando ipsius Cōfessarius illam reprehendebat propterea , quod esset in iis nimia, permittendo se ductui naturæ; cum enim ipsi  
 plu-

plurimum crederet, imaginabatur sibi, se ideò multos ea in re commississe defectus, displicentes DEO, cui sic aliquandò locuta est

40. Deus mi, & Domine; mihi, & Confessario meo videtur pessima esse mea natura, qualis ergo videtur esse tibi: nonnè abominabilis? Respondit Dominus: Non videtur mihi, neque videri potest malum, quod ego facio; neque natura, quam ego do meis creaturis, quæ est accommodatissima, ad illarum bonum, & commodum, atque ad id, quod ego ab ipsis volo: sed nec ea, quæ ego ipse denuò, & sine culpa natura ipsarum iis offero, ac permitto illis evenire, pro earum exercitio, & profectu, aliisque bonis, quæ inde eliciuntur. Hoc quidè, aiebam tùm ego, bene credo, mi Domine, non posse videri malum; sed bene etiam mihi persuado, peccata, ac defectus, quos in his occasionibus committo, non nisi summè tibi displicere: Bono esto animo, dicit Dominus, quia si in occasionibus, de quibus loqueris, committis aliquos defectus, ego ex illis multum pro te elicio utilitatis, propter tuam bonam dispositionem, & ideò illos permitto; atq; sicut exigua palea in præsentia infiniti ignis; ita illi coram mea bonitate pereunt, ac disparent; & tua naturalis inclinatio summè mihi placet, estque aptissima, ad id, quod à te volo: sicut aliàs tibi dixi, pro tuo solatio, & propter tuam necessitatem, in qua eras constituta; ideòque non est, cur turberis, vel affligaris, quod exercearis, & reprehendaris à tuo Confessario: permitte illum exequi suum munus, habet enim bonam intentionem; ac adverte, ne concidas animo, quia tui defectus; si eos habueris, non possunt esse majores, neque minores, proptereà, quod illos reprehendat Confessarius, vel omittat reprehendere: quales sunt coram me, tales erunt. Cum tamen hæc omnia, propter occulta iudicia DEI, qui id permittebat, non sufficerent ad auferendam mihi crucem internam, & afflictiones, quas



patiebar, dixit mihi Dominus, modo quodam Divino, & amabili. Anima mea, quid tibi est? quæ est causa tuæ afflictionis? Amo enim te, neque me offendisti; veni mecum, & quiesces modicum, docebo te, quoddam secretum mei cordis, ob quod in me recreaberis: atque dum hoc diceret, univit me secum, invenique me in Pectore Patris æterni, ubi mihi ostensum fuit, clarissimè, & manifestissimè, prò meo captu, mysterium Beatissimæ Trinitatis, ac æterna Processio Verbi Divini, qua procedit à patre, & quomodò ab istis duabus Personis Patre, & Filio per amorem quemdam æternum, ac infinitum quo se amant, procedat Divina Persona Spiritus Sancti. Mansi satis diù in ista cognitione, cum extraordinaria admiratione: magis tamen stupebam, quomodo Pater, intelligendo, & comprehendendo se ipsum, produceret Verbum Divinum; & aliquanto post per quemdam raptum sui unita DEO; undè factum est, ut magna ex parte conquiesceret illa turbatio, non tamen integrè permittente id Divina Majestate, prò meo majori exercitio; itaut mihi non prodesset, quidquid ageret meus Cōfessarius, volens mihi satisfacere, ut me redderet quietam. Tunc mihi dixit Dominus: ne te affligas, Anima, sed tolera istam Crucem cum reliquis, quas tibi ex amore offero, quamvis hanc, quæ tibi denuò præbetur, non merearis: offer illam mihi, & ama in me, ac reverere tuum Confessarium, & Patrem spirituales, sicut facis; quia mihi in hoc places, & placebis.

41. Ex ista revelatione, est advertere quomodò DEUS fuerit solitus permittere istas Cruces, & afflictiones, ut ex illis sumeret occasionem, præstandi suæ famulæ magnas gratias, nobisque preclaras daret instructiones, ne erraremus.

42. Altera occasio in qua augebantur afflictiones, ac timores, erat, quando ipsius Confessarius dubitabat



bat de quibusdam rebus , quas illi recensebat ; quia hoc illi sufficiebat , ut sibi imaginaretur se esse illusam , ideòque cum his dubiis , recurrebat ad DEUM , qui prò infinita sua sapientia ad ea respondebat , afferendo illi motiva , ad eam placandam ; & quia ipsa vehementer sollicitabatur , ut illorum recordaretur , eo fine , ut eadem referret suo Confessario , ipsique satisfaceret , dixit illi Dominus quâdam vice . *Ne te superflue fatiges , ut velis omnia Confessario narrare , quæ tibi dico , reddendo illi rationem eorum , quæ tibi contingunt ; quia noveris , quod quantuncumque illi dicas , denique , tanquàm homo , nequeat penetrare omnes veritates abditorum secretorum animæ , atque ita non possit , in aliqua re non hæstare : tu tolera istam Crucem , amore mei ; quia , & aliæ animæ illam toleraverunt : quin imò te moneo , ne nimium solliciteris , ut velis tuo Confessario satisfacere in his rebus ; putesque , quod nisi ipsi satisfiat , non possit mihi satisfieri : si quidem , ut tibi dixi , cum sit homo , non potest assequi semper veritatem harum rerum internarum , sicut ego illam scio , qui sum DEUS ; potestque sæpè dubitare , ubi non est dubitandum ; ac proinde , quin illi satisfiat , potest mihi satisfieri .*

43. Hoc ipsi dixit Divina Majestas , ut reprimeret supervacaneam afflictionem , non verò congruam sollicitudinem de reddenda conscientie ratione Patri Spirituali . Postremò postquàm illi DEUS dixisset quidpià , ita illam reddendo internè certam , ut ei non potuerit remanere dubium , esse DEUM , qui illud dicebat , ad eum modum , quo dicit Sanctus Thomas , reddiros fuisse ab ipso certos Prophetas , se esse eum , qui illis loquebatur , & talia revelabat , addidit : *Ista tibi modò dico , cum tanta certitudine , ut sic tibi auferatur aliquid de nimio timore , quo subindè angeris , an ego sim , qui ordinariè tibi loquor ; utque intelligas , quod qui tibi ista dicit , di-*

*cat etiam caetera , quamvis tibi non videaris habere tantā certitudinem .* Multa alia illi acciderunt , non solum cum Christo Domino , sed etiam cum ipsius Angelis , & Sanctis , quoad hoc ipsum , quæ suis locis afferentur . Hucusque ibi V. Pater ; quilibro 6. cap. 15. §. 4. describit colloquium , quod Venerabilis hæc Virgo habuit cum Deo , ex quo efficaciter probatur , non permissurum fuisse Deum , ut anima tum ardēter ipsum amans , & tam continuè ab ipso postulans liberari ab illusionibus ; nihilominus illusa , & decepta permanferit tota vitā . Sic enim ipsa loquitur ;

44. Quadam die mihi cum communicatura essem , nec bene valerem , Angelus quidam , & ipse Deus dixit . **Jam Dominus ad te veniet** , ut eam conferat sanitatem , quam tibi creaturæ suæ novit utiliozem . Respondi ; non aliam à Deo sanitatem peto , quam animæ meæ . Recepto Sacramento , statim Dei hominis JESU Christi præsentiam modo quodam Spirituali , & mysterii pleno sensu in me ipsa , imò vidi . Loquebatur mihi Dominus , dicens . *Per totam vitam tuam optasti placere mihi , & res mihi gratas facere , & semper à me hanc gratiam favoremque petivisti : Dic igitur , quæ tibi est timendi , & dubitandi ratio ? Quis Pater filio particulam panis petenti porriget lapidem ? Quæ mater obliviscetur filii , quem utero gessit ? Quin imò , & si foret aliquis tam crudelis Pater , & Mater adeò immemor , numquam in me talia cadent . De hoc certissima esto .* Cum ita se Dominus communicaret animæ meæ , vidi per superna spatia quasi ambulantem Spiritum Sanctum ; specie Maximæ Majestatis . Erat quasi Aquila perspicax , & divina : ac etiam si anima mea ipsam speciem cognosceret , vix tamen illam videbat . Multi Angeli , divīno Spiritui comitatum præstabant , & obsequium . Venit hic tandem  
ad

ad auditū animæ meæ, & in recessu ejus interiore pan-  
ca mihi, sed valdè divina, & interna verba dixit : con-  
tingit hoc ter, & singulis vicibus non nihil à me abscē-  
debat. Iste affatus erat tam Spiritualis, & arcanus, ut  
vix eum anima mea perceperit. Post hæc statim vide-  
batur applicatus pectori meo nummus ex auro defeca-  
tissimo. Quæ mysteria cū admirarer, ad Dominum,  
qui intra me erat, conversa, quid hoc est inquam Do-  
mine Deus meus, quid hoc mysterii fuit, quod vix per-  
cepi? Respondit Dominus : *in hoc tuo corde ipsam te, ò  
anima intùere, ibi invenies, & videbis mysterium, quod  
queris.* Conversâ quò Dominus dixerat, animâ meâ,  
vidi in corde meo sigillum ipsius Dei, in quo figura-  
ta erat Sanctissima Trinitas : sed speciatim in eo co-  
gnoscebatur Persona Spiritus Sancti. Tunc mihi Do-  
minus dixit. *Deus omnipotens, ò anima, & divinus Spi-  
ritus isto mysterioso affatu, quem vidisti, & non intellexisti,  
magnam tibi fecit misericordiam; nam cordi tuo manu sua  
præpotenti opposuit, clavem, & seram, & impressit suum  
sigillum, ut nullus illuc ad illusionem ingredi queat, & ipse  
solus sit cordis animæque tue Dominus. Ista sunt quæ, vi-  
disti, mysteria; & ecce, inquiebat Dominus, opto, & jubeo,  
ut quæcumque tibi ostendam mysteria, quascumque res di-  
cam, credas firmitèr, à me proficisci, & de nulla re quam  
videris, vel audieris dubites, nisi sit directè contra meam  
legem, Fidem, Sacram Scripturam, & doctrinam Sancto-  
rum.* Et ita in his loquebatur Dominus secundum re-  
gulas communes, & ordinarias, confirmans animam  
meam in veritatibus ei dictis, & exhibitis misericor-  
diis, docensque quomodo vellet, ut in iis me haberem.

45. Sufficiant jam, quæ hætenus scripta sunt de  
sanctitate, & Sapientia Mirabili Venerabilis Patris  
Ludovici de Ponte, deque testimonio, quo vitam, &

re-

revelationes Venerabilis Virginis Marinæ, ad plenam earum fidem, apud viros doctrina, & spiritu præditos, ipse V. P. roboravit; siquidem ea, satis erunt, ad meum institutum stabiliendum, & confirmandum, in dissertatione Apologetica, quam pro credibilitate ipsarum revelationum scribere necessarium existimavi, & immediatè subjungo.




DIS-

In Vitam, & Revelationes

VENERABILIS VIRGINIS

# MARINÆ DE ESCOBAR:

1.  Ostquàm ea, quæ ad hanc dissertationem præmittere tâquam necessaria duximus, sunt relata, tempus est, ut jam, clausula hac, licèt longa ad nostrum institutum utilissima Parenthesi, ad eam transitum faciamus.

## §. I.

*An in novo Testamento dentur aliquæ fide  
dignæ revelationes Divinæ extrâ Sa-  
cræ Scripturam.*

2. **S**I in veteri Testamento inter signa credibilitatis non postremum fuit donum Prophetiæ, & divinarum revelationum; quantò magis debet in novo Testamento signum hoc veræ Fidei eminare: prout reliqua omnia signa credibilitatis eminet; adeò, ut uni Decadi Martyrum antiqui Testamenti, respondeant milliones Martyrum in novo Testamento, unusque Sanctus *Christianus* plura miracula intra unicam diem fecerit, quàm in tota veteri lege reperiantur. Jam ergo, quemadmodum non defecerunt homines spiritu prophetico, ac dono revelationum præditi, quamdiu lex vetus duravit; ita multo minus debent

bent deficere in lege Gratix usque ad diem extremū . Bene *Theophilus Raynaudus in Heterocl. spirit. sect. 2. pūct. 5. num. 26. dubium, inquit, esse non potest, quin sint in omni atate, ac saculo revelationes in Ecclesia DEI . Alioqui, ut sapienter admonuit Gerſo tract. de discretionē revelationum, revocari possent in dubium revelationes antiquæ, quæ aequè paterent calumniis, ac illæ, quæ posterioribus temporibus, & iis ipsis, in quibus vivimus, accidere compariuntur . Ac proinde Gerſo, ingenia quadam libera, quæ ad nomen revelationis, subito altè tollunt cachinnos, valdè infectatur in prædicto opusculo, sub initium. Nec iis parciat sub finem, qui ex eo quod unum aliquem delusum in revelationibus audierint, diffundunt ejus deceptionem ad omnes revelatianibus donatos . Et verò nonnè vel obiter rem insipienti statim apparet, debere etiam in hoc apparere excessum Gratix præ veteri Testamento ut plurimi non minus frequenter ac familiariter DEO colloquantur, quàm collocutus sit Moyſes, aut ullus Prophetarum veterum?*

3. Neque tamen libris Canonicis Sacræ Scripturæ sunt inferendæ omnes particulares revelaciones; nam & in veteri lege dubium non est, multò plura fuisse Sanctis revelata, quàm in Sacram Scripturam fuerint inserta; cum etiam nominentur aliquot utriusque sexus Prophete, ex quorum Prophetiis, nec litera in sacris paginis legitur. Sic quoque in primitiva statim Ecclesia habemus ex actis Apostolorum, fuisse Prophetas, ac Prophetissas, quorum revelationes non sunt annotatæ; Et verò quis credat DEUM nulli Sanctorum locutum, nisi qui in Sacra Scriptura referuntur? Imò potius cuivis facile occurret, nullum futurum fuisse finem augendi libros Canonicos, si omne Verbum DEI, cui-cumque revelatum, eis fuisset adiiciendum .

4. Sed

4. Sed tamen dicet adhuc aliquis : cur ergo Ecclesia saltèm non determinat , quænam certæ , vel incertæ sint fidei ? Planè ac si quærerent : cur Ecclesia non determinet semper , quisnam verus sit Martyr , dū quispiam videtur pro virtute occidi ? quodnam semper sit verum miraculum ? quibus Doctorum libris sit , quibus non sit acquiescendum ? nempe copia eam obruit ; Ità profusa est erga eam Sponsi ejus Christi Domini liberalitas . Qui enim sufficiat his omnibus , tantâ quantâ opus est , diligentia examinandis ? Unius Sancti canonizatio , quot annorum studia fatigat ? Ad unius libri suspecti condignam trutinam Concilia congregantur : Quid ergo si singulas in novo testamento , tam copiosas revelationes simili studio excutere vellet ? sufficit ergo quemadmodum in aliis libris præstantissimis , quod viri in Theologia tam mystica , quam speculativa , & morali præclare versati , nihil in eis inveniant dissonū , & discrepans ab eis , quæ Ecclesia tanto adhibito apparatu vera esse pronuntiavit , utpotè ad quæ tanquam ad Lydium lapidem , reliqua , quæ subindè nova emergunt , sunt examinanda : prout factum est cū multis lucubrationibus in Tomos SS. Patrum insertis , quibus tamen alia ab Ecclesiæ calculo auctoritas non accessit .

5. Quanquam etiam revelationes hujusmodi aliquasumpsit sibi Ecclesia , quandoque solemniter examinandas , ac approbandas , prout contigit revelationibus S. Brigittæ Viduæ à Conciliis Constantiensi , & Basiliensi , nec non ab Urbano VI. Bonifacio IX. & Martino V. Romanis Pontificibus collaudatis , & commendatis , id quod videre quisque potest in ipso vestibulo harum revelationum , ubi hæc approbationes , unâ cum magnorum aliorum virorum doctorum elogiis solent apponi.

H

6. Nec

6. Nec majori opus erat approbatione ad eum, quem Divina Majestas in eis spectat finem : nempè ut nobis auxilio essent ad salutem æternam ; prout ad eandem nobis inserviunt scripta, ac dicta à SS. PP. Sapientix, ac sanctitatis plenissima : ut & variæ historiæ fide, planè dignæ, etsi non tantâ, quanta libri Regum, aut acta Apostolorum. Planè enim inepti esset hominis, nihil penitus, præsertim si rarum, & admirabile appareat, velle prò vero agnoscere, nisi necessitas Divinæ Fidei ei imponatur. Ridemus, sic delirantes Hæreticos, qui dum per nimiam cautelam, nihil quod Sacra Scripturâ non contineatur, volunt recipere; ipsammet Sacram Scripturam sibi eripiunt : imò sic, nec sciunt, se ritè baptizari; cùm nullibi in Sacra Scriptura exstet, hanc, quæ eis superfunditur, esse veram aquam, &c.

7. Quanta autem etiam apud quosdam Catholicos sit hoc in genere morositas, pater ; quia nec approbatio Ecclesiæ eis sufficit, si quidem & revelationes S. Brigittæ aliqui nauscant : id quod etiam provenire potest ab aspera indole, aut prava consuetudine, vel denique etiam ex pœna DEI, cujus justo judicio nō datur eis gratia, ut tantos thesauros possint, ac sciāt in occasiones cœlestium meritorum adhibere : planè prout videmus fieri cum Indulgentiis quas quidem aliquas in Ecclesia dari non dubitant, sed in particulari de singulis Indulgentiis sunt, qui dubitent : nunc quidem : an Pontifex causam sufficientem habuerit ? nunc, an sufficiant opera præscripta ? nunc, alia, & alia examinando, semperque certitudinem majorem requirendo, donec vita elabatur, & ipsi nullius Indulgentiæ fiant compotes.

8. Longè aliter ipsimet Summi Pontifices : apud quos quanta fuerit auctoritas revelationum SS. Brigittæ,



tæ, & Catharinæ Senensis, etiam num in carne viventium, patebit legere volenti Historiam Ecclesiasticam, ubi inveniet, earum præcipuè intuitu Sedem Apostolicam Avenione Romam rediisse. Inveniet etiam inter reliquas rationes, quibus Urbanus Romæ residens, verus fuisse Pontifex, adversarius verò ejus Clemens, Schismaticus, probatur, adferri à maximis viris eam, quòd S. Catharina Senensis ità constanter asseruisset.

## §. II.

*Quenam sint in Ecclesia illæ Revelationes; & an inter has etiam recensendæ, quæ continentur in mirabilis Vita Venerabili Virginis Marine de Escobar.*

9. **E**tsi revelationes à DEO privatim hominibus Sanctis in novo Testamento factæ, sint innumerales, cum pauculi sint ex celebrioribus Sanctis, quibus non legatur Divina Majestas fuisse locuta: quædam tamen sunt proluxius annotatæ, quin & in speciales libros redactæ: de quibus ut generatim feratur judicium, eæ solæ videntur admittendæ, quæ à doctissimis, sapientissimisque simul ac sanctissimis viris diu probaræ, multum excusæ, demum plurimum collaudatæ; ab Episcopis permissæ, ab Ascetis admixtæ, ab Ecclesia DEI, non reprobatæ sunt.

10. Antiquissimus ejusmodi libellus est in Bibliotheca SS. Patrum, cui titulus, *Hortus Pastorum*, continens revelationes factas cuidam Sancto Viro nomine Hermeti, cujus libelli tanta olim fuit in Ecclesia æstimatio, ut ejus auctoritate ad tempus Paschati celebrando statuendum uteretur. Exstat & libellus reve-

lationum cujusdam Fratris Raimundi, itemq; B. Amē-  
dei, aliorumque viroꝝ; ad quos reduci possunt etiā  
Epistolæ S. Francisci de Paula. Sed longè celebriores,  
quia ad sanctitatem, & tenerrimam ergo DEUM pie-  
tatem inflammandam longè opportuniore sunt, reve-  
lationes Sanctarum Mulierum, quas inter auctoritate  
eminet, grande volumen S. Brigittæ. Has videntur  
proxime sequi Dialogi cum DEO Sanctæ Catharinæ  
Senensis. Celeberrimæ præterea, atque à Ludovico  
Blosio, Ioanne Lanspergio, aliisque Sanctis æquè, ac  
eruditissimis Viris laudatissimæ sunt revelationes Bea-  
tarum Gertrudis, atque Mechtildis, quas etiam Pater  
Ludovicus de Ponte, unā cum prædictis, ac cum reve-  
lationibus S. Theresiæ, tanquam primarias, & notissi-  
mas, ac indubitatas, in sua introductione commemo-  
rat. His accedant revelationes, & Epistolæ S. Hilde-  
gardis, itēque revelationes S. Elisaberh. Præterea  
vita B. Angelæ de Fulginiō Viduæ, & vita S. Magda-  
lenę de Pazzis; itemque vita S. Franciscæ Romanæ,  
Viduæ, nec non B. Mariæ Cegniacensis itidem Viduæ;  
ac vitæ Sanctarum Virginum Ludgardis, & Liduvinæ.

11. Post has omnes voluit Divina Majestas sponsæ  
sue Ecclesiæ veluti pro novo cimelio in ornatum mite-  
tere, & has de quibus agimus admirabiles revelatio-  
nes Venerabilis Virginis Marinæ de Escobar, idque  
ob eas, quas Pater Ludovicus de Ponte in sua superius  
posita introductione refert, rationes; quæ etsi nōdum ab  
Ecclesia eā certitudinē, quā S. Brigittæ, aut S. Catharinę  
Senensis, vel S. Theresiæ acceperint; ob quasdam ta-  
men circumstantias peculiare, majorem etiam præ  
multis aliis merentur fidem.

12. Et in primis ob peculiarem Divinæ providen-  
tiæ dispositionem, quod tales, ac tantos huic sue fa-

mil-

mulæ dederit spiritus Directores ac revelationum harum examinatores, ac conscriptores, idque ex duobus doctrinæ laude in Ecclesia præcipuis Religiosis ordinibus, nempe Prædicatorum, & Societatis Jesu, ex qua post alios quatuor pios, & graves viros fuit quintus ejus Confessarius P. Petrus de Leon, vir doctissimus, & piissimus; qui non contentus omnem adhibere diligentiam in revelationibus, quæ tunc huic Venerabili Virgini accidebant, excutiendis; insuper consulebat alios Patres in Domo Professorum Societatis JESU, Vallisoleti, eisque ad plures dies trutinanda dabat, quæ jussu ejus ipsamet Venerabilis Virgo conscripserat: qui demum, sua, & omnium consensu, omnia secura, & verè Divina esse agnovit. Huic successit incomparabilis ille vir à Sanctitate, & doctrinæ Asceticæ excellentia Orbi notus P. Ludovicus de Ponte, Theologiæ Doctor, ejusdemque per aliquot annos professor, ac deindè supremus Vallisoleti studiorum Præses: qui ob suos libros tenerrimâ pietate simul, ac exquisitâ Theologiæ Mysticæ cognitione plenos, sæculi sui Bernardus à viris præclaris appellatur. Hic ergò vir à Spiritu Sancto tam illustratus, totos 30. annos Venerabili huic Virgini à Confessionibus, toto eo tempore in examen eorum, quæ divinitus tunc cum illa fiebant, intentus, non solum ea tanquam verissima, & nulli illusioni, aut fraudi permixta agnovit, nec solum ea magno labore conscripsit, ac digessit; verùm etiam præcipuam partem futuræ suæ in Cœlis gloriæ ob hunc librum speravit, adèò ut cum divinitus horam mortis suæ præseivisset, perrexerit usque ad pauculas ante mortem horas, nempe ad ipsum quodammodo lethalem agnem, ac ultimarum virium defectum, hæc ipsa Venerabilis Virginis Marinæ, tunc adhuc viventis, gesta, ac

nar-

narrata ordinare, & annotare; quasi nullam aliam putaret se posse pro felici morte obeunda præparationē DEO acceptiorem adhibere. Et verò, quàm vir ille fuerit sibi ipsi de sufficienti quoad hæc dignoscenda peritia conscius, patet ex admirabili illo casu, quem ipsemet refert in vita Ven. Virginis Marinæ fol. 1. c. 19. §. 2. Quod cum existente Aulâ Regis Hispaniarum Vallisoleti, fuissent Venerabilem Virginem aliqui Angeli allocuti, ut quasdam personas faceret ad quædam publica officia promoveri, eò quod id esset è gloria Divina futurum; ipsaque id P. Ludovico Confessario suo exposuisset: noluerit ipse consentire, ob certas, & graves rationes. Cumque iterum iidem Angeli apud Virginem prò eodem negotio instarent, asserentes nihil eorum, quæ P. Ludovicus metueret eventurum, nihilo minus ipse in sententiâ perstiterit, iudicium suum iudicio Angelorum præferendo. Et tamen hic tantus vir, quantoperè supexerit Venerabilem Virginem Marinam, patere potest ex lib. 2. cap. 25. ubi sic loquitur: *Revelationes, ac visiones recēsebimus de modo, quo re ipsa, & verè Christus Dominus existit in Sacramento, quas mihi enarravit, deditque scriptas dum docerem Theologiam anno 1595. in nostro Collegio Vallisoletano. Docebam autem tunc materiam de Eucharistia, atque hoc punctum de transubstantiatione. Referebat mihi id talibus verbis, & cordis affectibus, ut obstupescens, conferendo meas tenebras cum tanta luce; dicerem Confiteor tibi Pater, Domine Cæli, & Terræ, quia abscondisti hæc à sapientibus, & revelasti ea parvulis. Ita Pater, quoniam sic placitum fuit ante te.*

13. Hujus tanti viri vices quandoque frater ejus germanus P. Fr. Andreas de Ponte Ordinis Prædicatorum, ut itidem virtutis, ac doctrinæ eximie, supplebat

bat in confessionibus, & revelationibus excipiendis; qui & ipse maximi has revelationes faciebat, prout de eo narrat P. Ludovicus. Sed, & aliis quibusdam præclaris ex S. Dominici familia viris nonnunquam confitebatur, ac cælestia hæc secreta manifestabat, prout videre est l. 1. c. 32.

Alterum argumentum certissimæ harum revelationum veritatis est vita ipsa Ven. Virginis Mariæ, Sanctitate, & omnis generis virtutibus heroicis fulgentissima; de quo cum P. Ludovicus de Ponte in sua introductione supra relata præclarè differat, non est; cur hic amplius exaggeretur.

14. Tertium argumentum itidem à P. Ludovico inductum, est ipsa excellentia harum revelationum undique divinum quid spirantium. Tanta profecto, tamque sublimia in eis traduntur ad virtutes altissimas, ad discreationem spirituum, ad gubernationem animarum, pertinentia lumina, & documenta, ut omnes mundi Doctores, sinè speciali, ac extraordinaria, & sublimi Spiritus Sancti illuminatione, nullo modo, solo lumine naturali Scientiarum tale quid excogitare, multoque minus omnes Hæretici, aut quicumque impostores, quocumque etiam malignorum spirituum auxilio confingere possint. Videatur vel solus *liber 5. à c. 22.* ubi ex professò tractat doctrinam altissimarum virtutum, & gubernationis Animarum.

15. Quartum argumentum est à valde specialibus circumstantiis, temporis, & loci, aliisque in quibus hæ revelationes acciderunt. Sciendum namque est. Virginem hanc in ea tempora incidisse, in quibus universa Hispania, fuit gravissimè adversus mulierum revelationes exulcerata, eò quòd paulò antè non modò populus, verum, & viri ex omni statu summi, ipsique scientia-

tiarum, & Academiarum, quin, & Ecclesiæ pariter, ac  
 Aulæ regię togâ Sagòque Principes, à muliercula qua-  
 dam Dæmoni devota Ulyssipone, pudendam planè  
 passi fuissent imposturam, tam acerbo sensu doloris, ut  
 is etiam putetur viro cuidam magno vitam extorsisse,  
 qui tam propudiosæ suæ illusionis verecundiam non  
 potuerit sustinere. Cùm ergo ad ea ipsa tempora Ven.  
 Virginis Marinæ revelationes cæperint propalari, ne-  
 cesse est omnem odiorum, ac acerbissimarum linguarũ  
 procellam in eam fuisse conversam, ut omnia ejus ge-  
 sta, dictave, ac omnes visiones essent omnibus susce-  
 ptissimæ, atque in earum omnium reprobationem, quin,  
 & detestationem, propenderent universi. Et tamen post-  
 quam, & in conspectu Tribunalium, & Inquisitionis, &  
 in præsentia ipsorummet sapientissimorum Regum, to-  
 tiusque Aulæ Regalis, & in oculis Universitatum; ver-  
 bo, in luce totius Hispaniæ revelationes hæc fuissent fa-  
 cile 40. annis, continuatæ, divulgatæ, trutinatæ, exa-  
 gitatæ, uno quodammodo ore omnium tam sæculariũ,  
 quàm Religiosorum Doctorum, Inquisitorum, Episco-  
 porum, Universitatum, sunt pro Sanctis, & Cælestibus  
 agnitæ, collaudatæ, proclamatæ: adeo ut in quadam  
 post ejus mortem concione non nemo Ecclesiastes, vel  
 hinc eam vere sanctam, verè à DEO Divinis revela-  
 tionibus honoratam cum plausu Auditorum probave-  
 rit, *quia in hoc, inquit, cõsentiũt etiam illi ordines religiosi,*  
*qui alioquin, ubi possunt, solent, & quasi conãtur dissentire.*

16. Quintum argumentum est ab ingenti hujus  
 etiamnum viventis Virginis apud summos viros æsti-  
 matione, & auctoritate. Societatis Nostræ Præposi-  
 tus Generalis P. Claudius Aquaviva, vir inter suæ  
 ætatis sapientissimos meritò recensendus, ejus apud  
 DEUM præcibus statum Societatis universæ commen-  
 da-

davit. Patres Hispaniæ Visitatores ex eadem Societate in rebus difficilibus ad ejus apud DEUM opem, quin, & ad ejus consilia, & divinitus reddenda responsa recurrerant. Ipsa Regi Hispaniarum Philippo Tertio binas DEI jussu misit Epistolas, de negotio Immaculatæ Cōceptionis Beatissimæ Virginis Deiparæ: ut, & ad R. P. F. Dominicum Pimentellum Provincialem Hispaniæ Ordinis Prædicatorum, postea Episcopum Conchensem, & Sanctæ Ecclesiæ Romanæ Cardinalem. Quin, ex eodem divino jussu scripsit hac de re ad ipsummet Reverendissimum ejus ordinis Generalem, bono, prout ipsa divinitus intellexit, successu. Ejus præcipuè intuitu imposita est Concionatoribus per Hispanias lex, ne sermonem ad populum incipiant, nisi prius laudem Immaculatæ Conceptionis Beatissimæ Virginis Mariæ pronuntient. Ipsa instruebat suos proprios Confessarios, ipsumque P. Ludovicum de Ponte quomodo regendæ essent animæ, & spiritus discernendi. Instruebat etiam Præsides ac Superiores Religiosorum de modo suos subditos ad DEI beneplacitum gubernandi, prout videre est l. 5. ac specialitè in Epistola ad Provincialem Hispaniæ Ordinis Prædicatorum An: 1599. ibidè c. 31. relata. Denique apud ipsum supremum Ecclesiæ caput, operâ ejus, effectum est, ut in Ecclesiasticos fastos referretur solemnis memoria. S. Joachimi Patris Sanctissimæ Virginis, ob quam ab ea navatam operam S. Anna gratias ei coram spectabilis retulit, & in universam Ecclesiam ingentia pacis bona sunt consecuta divinitus, prout habetur l. 4. c. 8.

17. Non erit etiam superfluum apponere sensum P. Roderici de Arriaga, à Theologicis suis tomis per orbem clari, quem sæpissimè ipsemet audiavi magnificè de Venerabili Virgine Marina, ita loquentem, ut

Pragenſi in Collegio noſtro paſſim diceretur, quamprimum fieret mentio Venerabilis Marinæ, mox P. Arriagam fieri tam eloquentem, ut nullum finem eam laudandi inveniret; dicebat ipſe inter cætera, ſe coram illa ſacrum ſæpius celebraviſſe in ejus cubiculo, eique venerabile Sacramentum porrexiffe, quo ſumpto ipſa ſingulis vicibus per dimidiam horam formoſiſſimę puellę vultu apparuiſſet, tametſi alioquin reliquo tempore eſſet rugoſa jam vetula. In illo etiã cubiculo, tametſi omnes fenestrę eſſent ocluſę, & obmuratę, (eò quòd ob oculorum vitium lucem non poſſet ſuſtinere,) adeoque valde tenebricoſo, ſemper tamen aſeſebat auram fuiſſe ſimilem illi, quę in vere ſentiri ſolet in quopiã amœno prato.

18. Sextum argumentum eſt ab eximiis fructibus, quos hæc Venerabilis Virgo ad gloriam DEI protulit quos quidem infrã ſeorſim recenſebo, unicum nunc commemorare contentus, quòd ipſa ſit fundatrix Ordinis Virginum S. Brigittę quem in Regna Hiſpaniæ induxit, novaq; ei regulas, DEI monitu, nationi Hiſpanicę accommodatas præſcripſit, prout legere eſt lib. 5. c. 20.

### §. III.

*Quare DEUS in his revelationibus utatur tantis  
erga ſuos blanditiis.*

19. **Q**uemadmodum reliqua ſua omnia attributa vult Divina Majeſtas ſuis creaturis innotescere, itã vult quoque eis innotescere, ſui amoris omni in genere perfectionem



nem infinitam. Cùm ergo eam, quæ in amore Gubernatoris ergo suos subditos, in amore Parentis ergà filios, in amore Pastoris erga suas oves; in amore Fratris erga suum fratrem, in amore Magistri erga suos discipulo, in amore Domini erga suos servos, quin, & in amore Filii, erga suum Patrem, & Matrem, cum inquam omnem eam, quæ in his amoribus relucet, perfectionem, in vario suo ergà creaturas, amore, longè eminentissimo modo contineri, diversis, ac multis jam ab Orbe condito modis manifestasset; necesse etiam erat, ut aliquando, ostenderet bonum illud, quod in amore, blando, qualis præcipuè est inter matrem, ac proles parvulas, inter gerulam, vel nutricem, ac ejus lactantem; inter sponsum, & sponsam, Amori suo non deesse: cum ipse re vera, non solum noster Dominus sit, & Magister, sed etiam Pater, & Mater, & Nutrix, & gerula, & Sponsus animarum nostrarum, nec in attributo amoris blandi minor, quàm in ullo alio attributo.

20. Manifestum est ergo debuisse in mundo exstare non minora, nec minus omnem nostrum captum excedentia miracula blanditiarum DEI erga creaturas, quàm exstant miracula Sapientiæ, Omnipotentia, Justitiæ, Misericordiæ. Manifestum præterea est, longè magis novo, quam veteri Testamento has blanditias convenire; utpotè cum vetus lex timoris fuerit, & severitatis, nova verò sit lex gratiæ. Imò verò hæ tantæ à DEO blanditiæ sunt unum ex præcipuis signis veræ Ecclesiæ longè super veterem Synagogam elevata; adeò, ut nisi cælestes hæ blanditiæ nunc invenirentur, videretur DEUS Prophetas suos fefellisse, per quos pridem prædixerat, & specialissimè in libro Canticorù explicaverat, quantis erga sponsam suam Ecclesiam esset quondam blanditiis usurus; quas quidem qui ibi

legit, non potest quin obstupescat illum excessum, quē in nullo terreno sponso ulla unquam ætas vidit; quia videlicet DEUS prout in omni genere entis, ita, & in ratione blandi amoris, omnem possibilem creaturam in infinitum excedit. Indè est, quòd in illo divino epithalamio tam exoticæ, ac planè obstupescendæ inveniuntur similitudines, & comparationes; ad eum modum quo nimis ardentibus Amasijis, dum in suo æstu amoris hærent, nulla metaphora satis est ad declarandum suum ergà dilectam tenerrimum amorem. Cùm ergo harum omnium in veteri testamento prænuntiarum blanditiarum copia debeat in Ecclesia DEI apparere, juxtà illud Esaiæ 66.v.12. *ad ubera portabimini, & super genua blandientur vobis, quomodo si cui mater blandiatur, ita ego consolabor vos*: planè necesse est, ut eas aliquibus in novo Testamento exhiberi palàm innotescat. Quod profectò quisquis consideraverit, mirari desinet, quascumque in revelationibus Sanctarum legerit cœlestes blanditias, cum, & omnes non excedant eas, quæ in Canticis sunt prædictæ. Quod si quibus blanditiæ hæ adhuc displicent, quanto magis displiceret, si legerent D. DEUM ita Virginem, quampiam Sanctam adamavisse, ita ei blanditum esse, ut diceret: *O quam pulchra es Amica mea! tota pulchra es! oculi tui sicut piscine in Hesebon, nasus tuus sicut Turris Libani, guttur tuum sicut vinum optimum*; & his similia, quibus se Sponsus Cœlestis quodammodo defatigat, ut blandissimum suum erga animas nostras affectum satis declaret. Nimirum hi sunt, de quibus diceret S. Augustinus: *Da amantem, & intelliget quid dico*: quia quæ ex corde frigido prolata essent inepta, ea suum habent decus, quādo ex corde affectibus inflammato præcedunt. Neque enim ille magnopere amat, qui

qui adhuc vulgaria, & consueta loquitur, ita ut appareat eum omnia verba præmeditari: in tali enim nec dum affectus dominatur; at qui amore totus incendi-  
tur, ille ea loquitur, quæ non debent ad rigorem ordinariû prudentiæ, & ad libellam omnia cautissimè perpendentis rationis, examinari; alioquin nunquam dixisset S. Augustinus: ( quod passim dixisse fertur: ) *O DEUS! Si ego essem DEUS, & tu esses Augustinus, mallem ego esse Augustinus, ut tu esses DEUS!* nunquam Sæcti se Dæmonibus omnibus peiores reputarent; nunquā ad tam mira obsequia cæcæ obedientiæ intellectum submitterent; quæ quisquis frigidus ipse consideraverit, aut solum intellectum, non verò affectum respexerit: nunquam ut approbet inducetur: Sapiens est illud effatum; amorem ad ea, quæ facere non potest aspirare: amorem excessibus vivere: amorem esse cæcū: ut nolit ab oculis intellectus terminos sibi statui; sed eò evolat, quò intellectus sibi relictus, non præiret: ita ut extrâ impetum amoris facta, notam imprudentiæ non evaderent; quæ tamen in æstu decori, ac honesti amoris facta, decent, ac placent: imò nisi fierent, amor non esset vehemens, nec dilecto innotesceret. Huc pertinet illud Agesilai Regis cum suis filiis in arundine, equitantis, responsum: *nescitis quid sit esse Patrem.* Quin, & hinc ortum habuit ipsa Christi Domini pro nobis mors, & passio, verè excessus amoris. Unde B. Jacoponus cum ei sese amore Christi Domini in cloaca volutanti Christus Dominus conspicuus utrum stultizaret exprobrasset, opportunè respondit: *Tu potius, o Domine, tu magis stultizasti, quando amore mei, tam miseri hominis, patibulum inter duos latrones ascendisti.* Et propterea ipsemet Christus Dominus Ven. Virgini Mariæ ad tantos favores attonitæ anno 1612. 20. Maii prout scri-

scribitur l. 2. c. 21. §. 4. dixit: *Noli obstupescere, me hoc facere, propter unicam animam. Seis enim, ac fide credis, majora, quæ pro omnium salute feci: & si opus esset facerem pro una illarum.* Aliàs prout habetur l. 1. c. 3. §. 3. dicenti, quòd tanta vix legantur contigisse Sanctis, respondit: *ergò ne mea potentia est alligata solum ad id, quod feci?* Iterùm alias obiicienti: *Domine quis unquam credet tantas, ac tam mirabiles gratias?* Respondit: *quare non crederentur?* Nonne fuit magis mirum, quod sim factus homo propter homines, & tantum illorum causa fuerim passus, quodque vobiscum manserim in Sacramento Altaris? Item cum eam in lecto decumbentem vellet propriis manibus sublevare, ipsâque huic dignationi valdè reluctaretur: *Adverte, quid est plùs, an quòd hoc tibi faciam, quòd me juvante consurgas, an verò, quod maneam in Sanctissimo Sacramento, ut me sumant ij, quos ego amo, propter quos etiam sumor à tot malis Sacerdotibus, & secularibus?*

21. Et re vera si Evangelium perpendamus, & in eo Christum Dominum ad pedes Judæ prostratum, à Demone ad montem deportatum, à Judæis consputum, colaphizatum, denudatum, irrisum, flagellatum, in patibulo suspensum consideremus: evanescet omnis illa nostra opinio, quâ dignationes Sanctis in Ecclesia exhibitas, DEUM dedecere arbitramur, aut ne pariant contemptum, veremur; Cessabit, & illa nimia admiratio, quòd in his Sancti se reciprocè ergà Deum tam blandè gerant, & tam mira mutux confidentiæ exhibeant specimina: neque enim sine his satisfaceret blandi amoris perfectioni. Quanquam etiam extra similes revelationes, multi Sancti blandissimè cum DEO egerunt, ut pater in meditationibus SS. Augustini, & Anselmi, in júbilo S. Bernardi, & vel maximè in illis cant-

tilenis, ac ritibus, quos Ecclesia in festis Natalitiis erga Christum Dominum adhibet, ubi Christum Dominum in cunis agitari, Angelos ad pulmentum coquendum destinari planè non ferrent, aut cachinnis exciperent illi, quibus blanditiæ illæ in revelationibus Sanctarum, tam vicinè fabulis anilibus, aut Comædiis videntur.

22. Specimina nimirum quædam, & præludia hæc sunt futuræ quondam in Cœlis cum DEO familiaritatis, ubi Christus Dominus *transiens ministrabit suis*, cujus etiamnum *deliciæ sunt esse cum filiis hominum*. Qui si amore nostri victus, nostra non est dedignatus assumere tædia, & tristitias; cur, & nostras blanditias dedignaretur? Qui nos redimit sanguine, dedignabitur suas electas animas sibi annulis desponsare, torquibus, floribus, monilibus exornare, variis vestimentis condecorare? satis id profectò testantur ea, quæ in Breviario Romano S. Agnes ab hoc suo Cœlesti Sponso deliciosè sibi, haud dubiè in aliqua visione, contigisse enarrat. *Mel, & lac ex ejus ore suscepi, & sanguis ejus ornavit genas meas. Dextram meam, & collum meum cinxit lapidibus pretiosis. Tradidit auribus meis inestimabiles Margaritas. Circumdedit me vernantibus, atque coruscantibus gemmis. Ejus mihi organa modulatis vocibus cantant. Annulo fidei suæ subarrhavit me; Induit me cyclade auro texta, & tanquam sponsam decoravit me corona. Ostendit mihi thesauros incomparabiles, quos mihi se daturum repromisit.* Quibus quidem similima in vita Ven. Virg. Marinæ passim reperiuntur.

23. Denique si Dæmon ipse tam promptus, quandoque suis adest, eisquæ se exhibet familiarem; dubitari ne potest quin infinities propensior sit, ac paratior ad omnem DEUS nobiscum familiaritatem? Neque enim

enim Dæmon id ipsum ullo, nostri amore, sed solum quâdam affectatione imitationis DEI facere putandus est, prout in rebus omnibus Simiam Divinitatis agere affectat.

#### §. IV.

*Quare ejusmodi Revelationes mulieribus potiùs præstentur, quàm Viris?*

24. **N**Ego in primis certò constare plurân DEUS mulieribus, quàm viris revelet, præsertim cum revelationes non sint unius generis, prout habemus ex D. Thoma 2.2.q.174.a.2.& 3. ubi docet excellentissimum modum prophetiæ, ac revelationum. quique à solo DEO( q.172.a.5.ad 2.) non verò à Dæmone præstari possit, esse cum per quem aliqua supernaturalis veritas conspicitur secundum intellectualem veritatem, non per similitudinem corporaliū rerum, secundum imaginariam visionem, adeòq; non per phantasiam; atqui ea, quæ nullo modo subsunt phantasiæ, non sunt enarrabilia, aut certè non possunt propriis verbis explicari, sed solum per quâdam planè ineptas, improporcionatas, & insufficientes similitudines: prout videre est in revelationibus B. Angelæ de Fulgino l.1. ubi frustra laborat, quin, & ejus Confessarius, in explicando debite quidnam viderit, quando quadam vice, certo quodam modo DEUM se vidisse narrat. Patet hoc in Apocalypsi S. Joannis, ubi plurima sunt idèò obscurissima, quia per similitudines imaginarias, seu tales, quales phantasia nostra potest capere explicantur, & indicantur profunda mysteria  
non

non imaginabilia , sed solum intelligibilia . Ita in vita Ven. Virginis Marinæ l. 3. c. 1. 8. 1. valde est admirabilis visio, ubi post alia, dicit Ven. Virgo, *quale sit hoc secretum admirabile, nec suppetunt verba, neque reperitur ullus creatus intellectus, qui possit sufficienter declarare.* Deus det cui voluerit, ut id experiatur, & agnoscat ita esse. Cum autem sæpius ibi Ven. Virgo utatur similitudine maris, & littoris, subdit: *Voco autem littus, egressum ex hac immensitate; non quod ibi viderim mare, vel littus, aut aliam speciem corpoream.* Deindè §. 4. iussit DEUS conscribere quomodo anima in Divinam caliginem absorpta se habeat, & quod tunc loquatur, *ea phrasi, ac sensu quo illic agitur.* Ex quibus apparet, quod illa non sint nobis satis exprimibilia . Et propterea tales ita ad solum intellectum pertinentes revelationes, sunt aliis hominibus, præter eos, quibus sunt, ferè inutiles; eo quod non possint enarrari, ita ut etiamsi in libros referantur, vix ab ullo intelligantur. Sunt tamen cæternus utiles, quatenus videndo tanta, & tam imperceptibilia dona à DEO Sanctis præstari, excitemur ad sincerum ejus Majestati præstandum obsequium. Insuper Sanctus ille, qui revelationibus illis intellectum habet tam illuminatum, redditur valdè aptus ad præclarissima tradenda documenta, quibus in Sanctitate, & omni spiritali necessitate diriguntur. Cum ergo viri Sancti præ sanctis mulieribus excelluerint in gubernanda Ecclesia, atque in omnigena dirigendi spiritus doctrina, facilè credi potest, eos, quàm plurimas merè intellectuales habuisse revelationes, quas tamen ideo literis non tradiderint, quia nec satis exprimere potuerunt, nec sperarunt se satis ab aliis intellectum iri .

25. Sed quod ad revelationes phantasie operâ peractas attinet, videntur sanctis mulieribus frequentiores

accidisse, cum longè plures sint conscriptę. Quod quidem mirum non est, cum Philosophi norint, fœminas in imaginatrice vi præcellere: Sciunt autem Theologi, quod gratia divina naturę se accommodet, ita ut in Angelis operetur ad quandam correspondentiam, & quasi proportionem naturę Angelicę; in hominibus verò accommodet se naturę humanę. Deindè in viris sit modo quodam virili, in fœminis fœmineo; sicut in Amos Propheta pastoritium quid apparet, quando è contrario Danielis Prophetia, undique aulam, & quiddam regale spirat. Hinc fœminis non datur spiritus Apostolicus ad percurrendas gentium provincias, nec ad concionandum, aut Hierarchiam Ecclesię gubernandam; ut proindè mirum non sit, quod vicissim detur eis, præ viris, abundantia spiritus præcum, & orationis, ac tenerrimę devotionis.

26. Jam ergo clara est ratio cur erga Sanctas mulieres tantis divina Majestas dignetur uti blanditiis, quia videlicet, cum juxta suam sanctissimam voluntatem, quod in Canticis Canticorum pronuntiare dignatus est, statuerit omninò Ecclesię manifestare infinitatem sui tenerrimi amoris, & attributi divinarum blanditiarum, ubi quęso aptius blanditias illas exercet, quàm erga sexum planè ad blanditias natum? aut erga quem aptius assumet personam Sponsi, quàm erga Sanctas Virgines. Ipsamet hoc agnoscit Ecclesia, dum Sanctimoniales specialitèr ornat titulo Sponsarum Christi.

27. Et verò in hac vita satisfaciendum est etiam phantasię, cui nunquam persuadebitur blanditias inter duos grandes viros, aptè adhiberi; ita ut alter alterum compellet: *columba mea: aurora mea: ecce tu pulchra es*: cum ergo sciamus Christum Dominum esse virum, Deum verò ipsum semper etiam sub sexu virili; imò sub  
figu-



figura viri grandævi concipiamus; planè phantasię nostrę non satisfaceret, si inter eum, & virum quempiam Sanctum, tenerrimas illas Canticorum blanditias tuò in quapiam visione intercessisse audiremus. Si quidem hos, verba potiùs gravitatis plena, & auctoritatè spirantia decere arbitramur. Non diffitemur tamen, posse à viro quocumque etiam gravissimo blanditias, & verba teneritudinem redolentia non ineptè adhiberi erga suam sponsam, aut etiam erga tenerum quempiam suum filiolum, vel quemvis alium puellum.

28. Et propterea ut nobis se divina Majestas etiā in hoc accomodet, si quando ejusmodi blanditiis vult Sanctos viros dignari, tunc eis se Christus Dominus in specie infantis, aut pueruli exhibet, ut detur reciproca teneritudini locus. Quin, & illud animadversum est, quod ipsa SS. Virgo Deipara potiùs fuerit solita cum iis conversari, eò quòd sic in persona, vel matris, vel sponsę potuerit cum eis agere blādissimè. Hinc quoque ortum est, ut Christus Dominus nunquam legatur sibi annulo desponsasse in sponsum, vel sponsam ullum Sanctum virum; sed bene permultas Virgines; quando è contra SS. Virgo Mater Dei nullam sibi desponsavit Sanctam, sed Sanctos, ut S. Edmundum. Quod si quando Deus, velit sibi virum desponsare, assumit personam fœmineam Misericordię, vel Sapientię, &c. prout factum est erga S. Joannem Eleemosinarium, B. Laurentium Justinianum, Henricum Amandum Susonem, &c.

29. His sic stabilitis, nihilominus ipsamet divina Majestas adhuc aliam causam assignare dignata est, dū S. Theresiæ, cur sibi misericulę fœminę, & non potiùs Primariis Academiarum Doctores, tam familiaritè colloqueretur, interroganti, respondit: *Doctores illis*

*non vacare, propter tot quos perlegendos assumunt libros.*  
 Ex quo divino responso profectò apparet, ipsosmet vi-  
 ros sibi obstare, utpotè aliis nimis intentos; quando  
 interea sexus foemineus præcipuâ curâ soli DEO attē-  
 dit. Accedit, quod ex divinis habeamus litteris, cum  
 simplicibus esse Dei sermocinationem. Mirum ergò nō  
 est, quod non solum mulieribus præ viris, sed etiam  
 idiotis præ eruditis talia mysteria innotescant: adeò ut  
 etiam voluerit DEUS, quandoque per foeminas inno-  
 tescere quædam, quæ universam Ecclesiam concerne-  
 bant, quale fuit, & illud, quod per S. Luciam Virginem  
 Martyrem Syracusanam revelaverit finem imminere  
 immanissimæ illiusâ Diocletiano excitatę persecutio-  
 nis. Sic Sanctus Franciscus Xaverius ex studiis, quibus  
 in Parisiensi Academia vacabat, fuisset avocatus, &  
 consequenter Indiæ hoc Apostolo caruissent, nisi sorori  
 ejus, quantus esset in vinea Domini operarius futu-  
 rus, fuisset divinitus indicatum. Sic Societas Jesu, per  
 S. Ignatium tanto fructu in Ecclesia DEI erigenda, fuit  
 prius ab aliquot Sanctis mulieribus prævisa, & ab eis  
 prænuntiata.

## §. V.

*Quomodo fiant Cœlestes hæ re-  
 velationes.*

30. **T** Riplex est à S. Thoma 2 2. q. 173. a. 4. modus  
 descriptus. Primus quando ipsis sensibus  
 exterioribus aliquid percipitur; prout Da-  
 nieli apparuit manus scribing in pariete, & sæpius vo-  
 ces variæ sunt audiatæ. Secundus quando solâ imagina-  
 tio-

tionem aliquid percipitur; prout fit per somnia, & prout sunt pleræque omnes, quas descriptas habemus, revelationes plenè corporeis, quas phantasia percipit, similitudinibus. Tertiùs, quando per solas species intelligibiles soli menti, & intellectui aliquid imprimitur; prout factum Salomoni, & Apostolis, de quo jam diximus §. precedenti. Primus autem modus est facilis, & cognitioni obviùs. Medius ille habet difficultatem. Fit ergo ille, prout docet S. Thomas 22.q.172.a.2.c. vel per novas species imaginarias phantasie impressas, ( prout fieret si alicui cæco nato divinitùs imprimerentur in imaginatione species colorum ) vel per hoc, quod species jam antea per sensus acceptæ, divinitus ordinentur, & transmutentur diversimodè in ordine ad id, quod est ab anima illa intelligendum. Sicut enim ex diversa ordinatione earundem literarum, accipiuntur diversi intellectus, ita etiam secundùm diversam dispositionem phantasmatum resultant in intellectu diversæ species intelligibiles. Hoc autem potest utrumque fieri, tam in vigilia, quàm in somno.

31. Hinc jam facilè solvitur, ea, quam quidam obiciunt, difficultas; quod videlicet hæ Sanctorum revelationes videantur somniis simillimæ, atque ideò appareant ridiculæ; nam re ipsâ verè aliquando fiunt in somno, prout contigit SS. Patriarchis Jacobo, & Josepho; & alias semper fiunt modo somniis non dissimili, prout loco citato insinuat Princeps Theologorum. Unde etiam iste modus est obnoxius illusionibus Dæmonum, potestque etiam ex morbis contingere: adeoque indiget accurato examine, ut spiritus divinus à spurio discernatur.

32. Est tamen modus iste in hoc præ aliis utilis, quod talis revelatio possit facile per modum Historiæ  
lit-

litteris tradi, prout in se ipsa gesta est; tamen si sæpe lateant profundiora mysteria, prout patet in Apocalypsi S. Joannis; quæ quidem videtur magna parte facta in imaginatione, & modo quodam somniis non planè ab simili.

33. Neque tamen dubitandum est, quin sæpe interveniat modus ille primus, quo re vera sensibus externis ea ex quibus cõstat revelatio, percipiuntur; prout cum Ven. Virgine Marina sæpius contigisse certum est.

34. Sed præcipua restat difficultas, num Sancti recipiã verè corpore adsint ibi, ubi aliqua percipiunt: ut quando Ven. Marina toties narrat se fuisse in Cœlo, atque in diversis terrarum Provinciis, aut Templis, vel domiciliis, &c. Habet hanc difficultatem S. Doctor 22. q. 175. a. 6. ub tractat locum S. Pauli 2. ad Cor. 12. *sive in corpore, sive extra corpus, Deus scit*; & respondet non posse hanc quæstionem satis determinari, cum ipsemet S. Paulus hæc ignoraverit. Unde meritò, nec à me, nec ab ullo in carne, peti debet, ut quæstionem hanc planè decidamus.

35. Quod tamen ad Ven. Virginẽ Marinam specialitè attinet, fuit ipsa sæpius unà cum corpore ad diversa loca translata, cum ipsamet id expresse sæpius asserat; & intrà ipsum cubiculum ordinariè etiam spectantibus hominibus, solita sit Angelorum ministerio levare ex lecto, prout ejus necessitas corporalis exigebat. Sed an etiam in Cœlum fuerit aliquando cum corpore translata, nec ipsa satis exprimere mihi videtur, nec aliundè colligere potui; cum nullibi declaretur, an corpus ejus tunc, & quidem quandoq; per plures dies à lecto abesse fuerit animadversum.

36. Qui plura de modo revelationum, & raptuum scire velit, legat S. Thomam 22. q. 171. usque ad 175. inclusivè.

37. Ne-

37. Neque tamen dissimulare volo in hac Ven. Virginis Marinæ vita, esse quid hoc in puncto præ aliis revelationibus admirabile, prout præter loca alia, habetur etiam l. 3. c. 13. & 14. ubi Christus Dominus animam ejus ex Cœlo ad eam detulit, tanquam quid ab ea distinctum, dixitque eam esse partem superiorem animæ. Sed planè stupendum est quod habetur c. 14. §. 3. quomodo superior pars animæ habitans in Cœlis salutaverit advenientem ad Cœlum partem inferiorem ejusdem animæ §. 4. Cùm pars inferior rediret in terras, pars superior remansit in Cœlo. Deinde §. 5. putat ipsamet Ven. Marina, fuisse in Cœlis coniunctas, suam animam, & suam naturam, seu suam partem superiorem, & inferiorem. Quæ omnia puto esse emblematicè intelligenda, ut exprimatur quomodò, cogitationibus, & corde possimus per divinam potètiâ ita DEO inhærere, ut tamen his inferioribus naturæ operationibus tunc etiam adhuc sufficiamus; sed tamen facilè admitterim, me non esse sufficientem ad tantas DEI gratias explanandas, cum hæc sit gloria DEI, ut omnem nostram capacitatem opera ejus excedant.

## §. VI.

*Qui sint apti ad legendum cum fructu tales  
revelationes.*

38. **U**T suis his Cœlestibus revelationibus fructus constet, aduertendum est, non prò omnibus vulgari, cùm non desint quidam ita dispositi, ut noxiæ potius eis essent futuræ, quàm salutare; prout nec Sacræ Scripturæ promiscua lectio.

lectio omnibus expedit, adeò ut nec in Religiosorum tricliniis super mensam omnia quæ in ea continentur, prælegantur.

39. In primis ergò non porrigendæ hæc reuelationes hæreticis iuxta Divinum Christi Domini monitum: *Nolite Sanctum dare canibus*. Ipsi enim hæc prætiosissima Catholicæ Ecclesiæ cimelia fœdissimè discernerent, conculcarent, & scurrilibus suis disteriis, ac sannis (proût à Patriarcha suo Martino exemplum acceperunt) defædarent, cum nec ipsi Sacræ Scripturæ, ac in primis Sacratissimo, illi Cœlestis Sponsæ in canticis Epithalamio parcant; Sed illud in profanis suis nuptiis, carnalibus suis deliciis adaptent, ac primo incitamento suæ libidinis adhibeant. Nihil eis occurrere potest quam carò, quàm cœnum, quàm fœtor; quem in colloquijs, in picturis, in libris exhalant. Lutheri fuit spiritus omnia negare; ut hodieque Lutheranismus præcipuè fundetur super hanc maximam; *plus potest unus stultus negare, quàm centum sapientes probare*. Et propterea Lutherani post quantamcumque demum disputationem, evidentem probationem, & clarissimam demonstrationem, semper adhuc obstinatè, planè quasi ad tantam lucem cæci clamant, & ingeminant, sibi denique non videri. Mirabile autem est, quòd cum eò sint imprudentiæ progressi, ut in rebus ad salutem æternam spectantibus eis persuadendis, nulla eis testimonia, nulla signa credibilitatis sufficiant, adeònt pro libidine sua quem volunt librum pro Canonico suspiciant, quem nolunt, repudient, & ex Sacra Scriptura expungant; fabulis tamen & anilibus nugis facillimè credant, proût ex Calendario eorum perpetuo sunt plena futilibus, quibusdam narrationibus, de novis prodigiis, & portentis, quæ etiam,

etiam, quasi ad tenorem populi, per compita decantant, typis euulgant, nec de his sine nota imprudentiæ putant licitum dubitare. Iusto DEI supplicio in eos, qui sui Martini sordes ausi sunt Ecclesiæ, & omnes SS. Patribus anteferre.

40. Sed dicet quis, potius ergo tales revelationes non essent typis vulgandæ, ne in scurriles hæreticorum manus incidant; at sic omnes etiam Monachorum ordines, eorumque vestes, omnes item cæremoniæ, ac libri rituales, plurimorum item Sanctorum vitæ, aliaque innumera essent abroganda, quia hæretici suæ sibi inde faciunt materiam scurrilitatis.

41. Secundò non sunt ad harum revelationum lectionem admittendi homines sceleribus præsertim carnalibus, penitus immergi, *ne Margarita proiciatur ante porcos*. Siquidem & his non minus quàm Lutheranis mox se ingerit caro, & omnia hæc cœlestium blanditiarum specimina eis obnubilat exhalatio libidinosa.

42. Tertiò nec sunt revelationes hæc lectu utiles hominibus penitus idiotis, aut quibus nihil penitus de via perfectionis innotuit: hi enim ad omnia hæc planè hærerent attoniti, nec aduerterent sub corporalibus his symbolis latere mysteria cælestia; adeòque ex omnibus nimis ruditer acceptis, tanquam D E O indignis, non nisi *offensionem*, & confusionem referrent. Hinc etiam non expedit in quavis lingua vernacula eas dedi.

43. Quartò non sunt etiam his revelationibus legendis apti, quorum aut indoles, aut prava consuetudo est omnibus contradicere, semper aliena carpere, nec quidquam admittere, quod ipsimet experti non sunt. Multòque minus illi qui à spiritualibus abhorrent, ita ut non nisi profana eos delectent, & no-

va, militaria, historięque non sacra. Huc etiam pertinere possunt illi, qui ad primum nomen foemineae revelationis commouentur, & mox; ut ita dicam, aures obturant; Ad quos respexerit Blofius, dum in fine appendicis, ad monile spirituale, postquam locutus est de revelationibus factis S. Brigittae S. Chatarinæ Senensi S. Mechtildi, & S. Gertrudi, hæc verba subiungit *Liquet, quàm longè adhuc à spiritu DEI sint, qui prædicitas revelationes tanquàm somnia muliercularū reiciunt, & irrident. DEVS illis ignoscat.*

44. Quintò non proficient etiam ex his revelationibus quicumque etiam docti, ac religiosis ordinibus adscripti, qui nihil antea de sublimi, ac delicata via unitivi cum DEO amoris in libris Asceticis, aut vitis extraordinariorum Sanctorum legerunt. Hinc non in quovis cœnobio expedit eas publicè legere, cùm pronum sit invenire aliquos, qui quidquid non intelligunt, contemnant; quorum autoritate permoti alii, etiam ipsi ab eis avertantur, eas vilipendant, ac planè explodant, sic quoque non sunt proponendæ osoribus omnis teneræ devotionis, solitis se appellare *solidos*, idest *exsuccos*: nihil nisi essentialia æstimantibus. Ex quibus omnibus patet, nec pro concionibus temerè quidlibet ex eis esse populo proponendum; sed cum delectu, ac præmissâ ferè declaratione, ac explanatione ad mentem auditorum præmunendam, ne pro sperato fructu risus, vel offensio sequatur. Quòd autem contingat, etiam in doctioribus, quandoque hæc non intelligi, mirum non est, cùm non omnes Doctores Theologiæ intelligant etiam Theologiam mysticam, aut extases, & raptus; quin quandoque nec ordinarium modum contemplationis. Huc pertinet illud, quod Ven. Virgini Marinæ contigisse refer-



fertur l. 1. c. 23. ubi S. Dominico agente iussa est ex sua solitudine egredi ad Monasterium Prædicatorum pro ipsorum aliquo spirituali auxilio; quod tandem fecit successu felici, de quo ipsa §. 2. sic subdit: *lib. 1. cap. 23. §. 2. Aliquot diebus continuabam, quod mihi DEVS inspirabat, eratque, ut exponerem Religiosis, quibus cum agebam, quadam puncta rerum Spiritualium; si quidem hoc magni Theologi, non bene intelligunt, nisi eorum habeant usum, sintque DEO familiares. Dicebam illis, exempli causa, quid sit unio anime cum DEO, & quos in ea motus & affectus operetur hoc tantum bonum: alias autem, quid sit cognitio sui ipsius, quando illam DEVS per speciale lumen infundit anime, non absque magna vehementia, & efficacia, & quos adeo admirandos, ac utiles producant effectus, in anima: alias quid sit spiritus, quid agere, & conversari cum DEO, qualisque modus, quo Divina Majestas aperit anime, cui se ea ratione communicat, suam voluntatem, non in rebus dumtaxat ordinariis, verum etiam in extraordinariis.*

45. Aptissimæ ergo ad hanc tam singulares gratias legendas sunt illæ animæ, quæ puritate conscientiæ, & virtutum studio enituntur per orationis mentalis viam ad familiaritatem cum DEO pertingere: præsertim si jam aliquid per auditionem, vel lectionem, vel aliquam quamcumque demum experientiam de divini Amoris deliciis intellexerunt. Omnes item quos DEUS animâ ad devotionem pronâ donavit; multoque maxime si cor habeant inclinatum ad deliciandum cum DEO, & ad quasdam pietatis teneritudines. Denique omnes quicumque magni faciunt eos Coelestes gustus, quos divina misericordia suis dilectis communicat, quosque magis ordinariè ferventes religiosorum Novitii solent experiri.

46. Legendæ etiam à Patribus Spiritualibus, seu aliorum in via spirituali Ducibus; ut variorum D E I ductuum acquirant notitiam; & intelligant quam mirabilis sit Deus in Sanctis suis, & quàm non sint animæ omnes ad eandem viam spiritus adstringendæ.

47. Denique legendæ etiam sunt à Theologis, ut videant quomodò hæc sint armis Theologis protegenda, & quomodò aut rudibus, aut malevolis respondendum, occurrendum, & satisfaciendum; atque ut mysticæ Theologiæ cum scolasticæ cognitione coniunctâ sciant, & possint tantò magis, & meliùs Ecclesiæ quacumque in occasione inservire; norintque aptum, & prudens de talibus ferre iudicium, ubi opus est, nè fortè in occasionibus oblati appareant talium penitus ignari, cum exiguo Ecclesiæ Catholicæ, & Academia-rum honore.

## §. VII.

*Quanti fructus ex Sanctarum Mulierum  
Revelationibus in Ecclesiam D E I  
redundent.*

48. **U**Nica. S. Theresia sufficeret ad ostendendum quanta hinc nascantur emolumenta, quando ab illa unica cœlestibus visionibus illustrata, tot, & tanta sunt in universam Ecclesiam bona consecuta: verùm fructus aliquos ex innumeris enumeremus.

Primus sit, quem adducit P. Ludovicus de Ponte in vita Ven. Virginis Mariæ l. 2. c. 13. dicens: *Donum orationis, est fructus gloriosissimus qui colligitur ex huiusmodi*

*di visionibus.* Nempè per has anima quasi manducatur ad intimam cum DEO familiaritatem. Et in primis ex eis facillimè hauritur modus ille contemplandi, qui à S.P.N. Ignatio vocatur *applicatio sensuum*. Itèm instructio, qui circa quodlibet mysterium affectus sint eliciendi. Præterea magnum hinc accipitur adjumentum ad SS. Communionem, quàm piissimè obeundam.

49. Secundum est egregium signum credibilitatis Ecclesiæ Catholicæ ex tanta abundantia spiritus devotionis, & doctrinæ Asceticæ, atque ex tam sublimi, etiam in sexu fragili, Sanctitate, & cum Deo familiaritate; quando nostri temporis hæretici, non dico Sanctas Virgines, sed vix habent Virgines; Si quidem, ut ajunt, mandata DEI ac virginitas servatu iis sunt impossibilia. Doctrinæ verò Asceticæ nec vestigium apud eos exstat, ut ipsum etiam nomen ignoretur, totaque teneræ devotionis substantia demum in quibusdam exquisitis constet epithetis, quibus exempli gratiâ Christi Domini vulnera appellant rubino rosea, aut purpureo rubicunda. Et verò quam grandis est iste honor Ecclesiæ, quòd in unius Catholicæ mulieris libello plus exstet sublimis, & excellentis doctrinæ Sacræ, quàm in toto Alcorano, in tot Thalmud, in omnibus Grecorum, Aegyptiorum, Arabum, Sinarum, & reliquorum gentium profanis Philosophis, in omnibus Hæreticorum, & Prædicantium tomis.

50. Tertius est, quòd Ecclesia Dei hinc habeat prò eis, qui in gradu eminentiori DEO serviunt, etiam quædam eminentiora lumina, incitamenta, præsertim prò contemplativis. Neque enim decorum fuisset, si homines devotioni magis addicti, nihil speciale, præ aliis quibuscumque justis habuissent. Et verò quidnam potest esse efficacius ad extorquendum à corde nostro er-

ga

ga DEUM amorem,quàm si nos ab eo tantopere amari videamus ? Quin etiam hinc desumitur robustum in omnibus hujus vitæ difficultatibus solatium,dum videmus tanta nobis à DEO in Cœlis præparari.

51. Quartus fructus est discretio spirituum,& prudentia prò agnoscendis DEI ductibus, & variis unionis gradibus necessaria. Certè à S. Theresia didicere viri doctissimi, totaque Religio Carmeli. Magnus ille spiritus Magister in Societate nostra, P. Achilles Gagliardi, sapientissimum illum suum libellum ornavit eis, quæ à B.Aloysio Gonzaga adolescente intellexit. Ità Ludovicus Blossus multus est in allegandis pro librorum suorum firmamento Sanctarum mulierum visionibus, & doctrinis: id quod etiam videre est in tomis P. Nicolai Lancicii Societatis nostræ.

52. Quintus fructus est, quod per eas plurimorum fidei nostræ mysteriorum plenior accipiamus cognitionem, præsertim eorum quæ circa Christum Dominum nostrum à SS.Evangelistis sunt prætermissa. Sic l. 2.c.25.§.1. Christus Dominus Ven. Virg. Marinæ miranti cur sibi tanta de Venerabili Sacramento ostenderet, dixit lib. 2. c. 25. §. 1. *Ego volo, ut mei Amici hic aliquantum degustent, & cognoscant mysteria, quæ prò illis, & prò ipsorum bono, ac remedio sum operatus in Mûdo.* Plurima etiam nobis innōtescunt de statu vitæ futuræ, tam in Cœlo,quàm in Inferno:atquæ ut sciamus, nos in Cœlesti Patria non futuros instar immobilium truncorum, nihilque operaturos. Certè in revelationibus Ven.Marinæ quasi specimen quoddam cœlestis vitæ voluit Deus exstare: quanquam, & pleraque veteris Testamēti mysteria mirabilitè in ea renovavit,ut Scalam Jacob, & luctam cum DEO l.3.c.4. Moysen, qui vidit posteriora DEI, & raptum S. Pauli l.3.c.1. & 2. Abraham

Abraham qui *tres vidit, & unum adoravit* l. 3. c. 8. Rubrum ardentem l. 2. c. 6. Eliam, cui Deus in sibilo venti apparuit l. 2. c. 9. Illud Davidis: *si ascendero in Cælum, tu illic es* l. 2. c. 16. §. 7. Serpentem æneum l. 2. c. 16. §. 7. *sub umbra ejus quem desideraveram, sedi* l. 2. c. 16. §. 5. Miphiboseth in mensa Davidis l. 2. c. 18. §. 4. Currum Ezechielis l. 2. c. 20. §. 2. Mysteria itè plurima novi Testamenti, qualia sunt Incarnatio l. 2. c. 4. & 8. prout in Indice invenitur. Item quomodo S. Dionysius dixerit, se crediturum fuisse SS. Virginem esse Deam l. 2. c. 3. Quomodo Christus Dominus Magdalenam coram Martha excusaverit l. 2. c. 7. §. 4. S. Magdalena ad sepulchrum l. 2. c. 16. §. 6. *Noli me tangere* lib. 2. c. 18. §. 2. Quomodo Christus Dominus sit in Venerabili Sacramento l. 2. c. 8. §. 3. Plurima item ei aperta sunt de divinis attributis, de dignitate Angelorum, aliisque: prout Lector abundè inveniet. Quod si quando movemur ad pietatem spectaculo quopiam in Theatro comico de vita Christi Domini, aut Sanctorum exhibito; quanto magis id sperandum est, dum mysteria illa ita renovari legimus, ut quodammodo eis interesse videamur? Aestimamus piorum virorum contemplativorum de gestis Christi Domini probabiles coniecturas; cur ergo cœlestia de his responsa, repudiemus; aut dum ipsemet Christus Dominus ea iterum exhibet, legere, & spectare dedignamur? Certè quantoperè ei hæ repræsentationes placeant, patet, vel ex eo, quod per eas voluerit totam Missam celebrari.

53. Sextus fructus revelationum Ven. Virginis Marinæ peculiaris, est exemplum, quàm cautè sit in talibus extraordinariis divinis favoribus procedendū; si quidem Ven. Virgo Marina, tantas hoc in genere adhibuit cautelas, ut P. Ludovicus de Ponte non dubi-

taverit asserere, ut in ejus introductione vidimus, sicut Sanctum Franciscum Seraphicum in Paupertatis Evangelicæ, aliosque Sanctos in virtutum aliarum; ita eam exemplum cautelæ, & circumspeditionis esse à DEO Ecclesiæ datam. Unde, & Christus Dominus *l. 2. c. 26.* ad eam dixit: *times? perge. Si ita timerent animæ, non essent tot illusiones.*

54. His addi possunt peculiare illi fructus, qui ex Ven. Virginis Mariæ visionibus in totum mundum, ac in Hispaniam præsertim, provenerunt, prout sparsim in ejus vita inveniuntur: quos inter est ille ad Immaculatam SS. Virginis Deiparæ Conceptionem, initio concionis collaudandam pertinens, de quo dictum supra. Item quòd festum S. Joachimi in Breviarium Romanum imponi procuraverit. Quod ordinem monialium S. Brigittæ in Hispaniam induxerit. Quod Canonizationem S. Ignatii de Loyola à DEO tempore vitæ suæ impetraverit, & pridem prædixerit. Quòd plurimis hominibus subsidiis temporalibus, & spiritualibus succurrerit directâ divinis his revelationibus. Denique quòd plura adhuc futuris temporibus ventura à DEO exoraverit, inter quæ est, futura cōversio Angliæ, & alia, quæ lecturi in ejus vita deprehendent.

55. Denique tanta, ut sic loquar, Divinæ Majestatis sollicitudo, ut hæ revelationes conscriberentur, & tanta P. Ludovico de Ponte in Cœlis pro labore eas combinandi promissa præmia, manifestant quanta Deus bona lectoribus piis, & sinceris communicare disponat; sic jussit Deus Brigittam sua conscribere ad movenda corda, quæ lectione S. Scripturæ tunc temporis non movebantur. Sic lectoris revelationes S. Gertrudis grandes cœlestes favores pollicitus est.

56. Roganda est ergò divina Majestas, ut nobis,  
& af-

& affectum ad eas diligenter, ac piè voluendas, & lumen ad debitè intelligendas elargiatur, ut sic defectū, qui sepè in nostris orationibus mentalibus contingit, compensemus.

## §. VIII.

### *Obiectiones quædam diluuntur.*

57. **I**N primis adverti graves etiam viros à Fide revelationibus ejusmodi præstanda retineri, eò quòd videantur sibi contradicere; id quòd præcipuè notatur circa vulnera Christi Domini, quorum non tot millia computantur in revelatione una, quot in altera; ut proinde necessariò alterutra revelatio falsa, & consequenter fictitia, aut illusoria sit habenda. Quod si jam semel deprehendantur falsæ, nullam amplius in toto fidem merentur. Sed ad quæstionis hujus solutionem advertendum est, rebus divinis, & Propheticis, frequens esse, ut sint profundæ, & obscuræ. Grandis certè Sanctos Patres exitit labor, ut Evangeliorum concordiam demonstrarent. Quantum S. Augustinus circa totam Sacram Scripturam hoc in genere desudavit, apparet ex ejus de Civitate DEI libris. Et quidè quod ad vulnera Christi Domini attinet, poterat ipse ea, diversis vicibus diverso modo computare, nunc vulnera seorsim sine ictibus, & vibicibus, nunc ictus simul, & vibices, & vulnera; nunc vulnera solius flagellationis, nunc totius corporis: nunc solapariò majora, nunc omnia etiam minutissima: nunc quædam ob vicinitatè; aut quia eodem ictu inflicta, conjungendo, nunc singula minutim separando. Ut ta-

M

ceam

ceam quod in numeris, ac cifris, facilis sit lapsus typi, & descriptoris; qui etsi quandoque irrepisset, ita ut deum manifestus error deprehenderetur, nunquid propterea revelationes omnes abiiciendæ? planè sicut si omnes Indulgentias, omnesque Sanctas reliquias; omnes item Sanctorum Patrum libros abiiciamus, quia, & in his non solum errores, sed, & fraudes, & imposturæ contingerunt. Corrigenda ergò benevolè sunt, quæ clarum errorem habent; quæ verò nimis obscura, eam tantisper relinquenda, ac interim aliis clarioribus ad salutem animarum nostrarum utendum est.

58. Adde quòd, & à Sanctis quandoque revelationibus intersparæ narrentur eorum piæ contemplationes; ad quod si minus attentus Lector non advertat, perplexus redditur. Sic l. 2. c. 2. Ven. Marina refert quomodo contemplata sit Sanctos Parentes Deiparæ Virginis in die ejusdem Præsentationis; nec tamen dicit, sic sibi esse revelatum. Deinde contingit, ut narrent quædam se sic in revelatione vidisse; nec tamen asserant sibi revelatum, sic re ipsâ quondam contigisse. Sic Ven. Marina l. 2. c. 6. narrat se parvulum Christum Dominum natum vidisse pendentem in aere, & non vidisse, an tetigerit terram. Nec tamen dicit eum terram non attigisse; multòque minùs asserit sibi revelatum: quod re vera tempore suæ nativitatis nō attigerit terram; ut propterea nihil hinc habeamus determinatum.

59. Dicunt alii, multas fœminas esse deceptas, adeòque se nihil velle negotii habere cum fœminis. Dico ego: multi Religiosi apostatarunt, diruamus ergo omnia Monasteria. Sensus iste, est hominum primos statim impetus sequi assuetorum. At vir sapiens, videt, solummodò sequi, quod necessaria sit diligens cautela, etiam circa pias mulieres; qualem profecto, &  
ego



ego supra suasi, nec nisi eas revelationes, quas commune doctissimorum sapientissimorumque simul ac Sæctorum virorum iudicium comprobavit, dixi securè, & sine ulteriore cura admittendas. Decepit fœmina Tertullianum; at obstitit. & reprobavit summus Pontifex, obstitere tunc statim, & reclamavere magno numero viri sapientes. Neque verò mulieres imposturam, aut facientes, aut patientes, unquam ea possunt tradere, sublissima spiritualia lumina, & documenta, qualia in revelationibus supra §.2. relatis admiramur; sed substantia gloriæ earum solet consistere in quibusdam miraculi speciem præferentibus; ut quod vulneribus Christi Domini putentur insignitæ, quòd sublimes à terra in flammis pendeant; quod multum jejurent. **Alia profectò sunt argumenta veritatis revelationum à sæculis celebrium Sanctarum fœminarum;** prout intèr alias fuisse, certum est in Sancta illa Ancilla Christiana, quæ totam Iberorum gentem in Asia ad fidem Christi Domini convertit, prout annotatur in martyrologio Romano ad diem 15. Decemb.

60. Quod si hoc solùm, quòd sit fœmina, quòd sit vetula, quòd sit puella sufficit, ut extrà dubitationem, & attonitam quandam admirationem eluctari nō possimus, miremur ergò similiter, quinàm fieri potuerit, ut unam puellam Iudæam DEUS super omnes Sanctos, & **Angelos evexerit**, in supremam Cœlorum Reginam.

61. Obiiciunt autem Revelationes has etiam à viris doctis irrideri, aut saltem non commendari. His jam supra respondi. Hanc nempè DEUS à suis creaturis inter ceteras patitur etiam calumpniam, ut prætiolosissima, & rariora ejus dona contemnantur, consueta sola laudentur. Incarnatio, & Passio Judæis erat scandalum, Gentibus stultitia: valdè dolendum est, quod quando-

que propter ejusmodi nō exigue auctoritatis viros, multi etiam seculares, & magnates fructum harum revelationum perdant, qui si eas viderent ab eis commendari, ad earum lectionem excitarentur, ad vitam Sanctā aspirarent. Multi etiam hinc Doctrinam Asceticam, & discretionem spirituum haurirent, necessariam pro aliorum in via spirituali directione. Nunc autem, quandoque verum hic illud est Christi Domini: *tulerunt clavem, ipsi non introjerunt, nec alios introire permiserunt*. Luc. 11. v. 52. si quem ejusmodi irrisorem DEUS Ven. Marinæ in Confessarium dedisset, quantum is Sanctam illam animam impedivisset: & excruciasset.

62. Præterea mirantur aliqui, quod Sanctæ illæ tēpore harum visionum, tam mirabilia, & quasi ridicula faciant: immemores quam mirabilia, legamus in Apocalypsi, quin, & de S. Petro in Monte Thabor. Nonne, & in quovis alio gaudii excessu videmus accidere, ut planè faciamus ea, quæ alioquin inepta judicaremus? & propterea non opus est, ut omnia imitatione exprimamus, cum quædam Sanctorum gesta sint solummodo admiranda.

63. Adhuc opponunt alii, se denique ad tales revelationes non habere piam affectionem. At respondeo, fortè nec eam cupiunt, nec à DEO unquam postularunt. Religiosum, & perfectionem, multi nauscant? propterea dixi supra, non omnibus has revelationes prodesse.

64. Sed tamen dicunt in his non consistere substantiam vitæ Christianæ, aut Religiosæ: Omnino; nec in aromatibus consistit substantia ciborum: repudiemus ergò omnia condimenta. Solida, & præcisè necessaria vestis est quodpiam linteum, & pellis quibus obvolvamur; ergò Sartores elegantiae, & commoditatis sectatores emandemus,

65. Re-

65. Reponunt nihilominus, malle se talia legere in viris contemplativis. At re vera vix fidem inveniēt. Nam qui orationem mentalem verè adaman, solent magnoperè desiderare, ut subsidia sanctarum cogitationum, inde accipiant, qualibus profectò revelationes Sanctarum planè abundant, itaut etsi non veræ revelationes, sed meræ essent pię contemplationes, valdè adhuc prodesse. Quin, & longè securiùs leguntur, quàm Rufbrochius, Thaulerus, Suso, Harpius, aliiq; contemplationis magistri, quorum scripta per se intellectu ardua, & imitatu censentur esse periculosa; præterquamquod quibusdam in locis à rudibus Sciolis sint corrupta.

66. Sed cum ad hæc, & similia, his Venerabilis Marinæ Cœlestibus revelationibus adversatiū rela-  
tundenda, dictas querevelationes Lectoribus commē-  
dandas, nullum sit scutum inexpugnabilius, nec argu-  
mentum efficacius, quàm Prologus, quem revelationi-  
bus S. Gertrudis à se conscriptis, Joannes Lanspergius præfixit: liceat ipsum transcribere, ad omnium obie-  
ctionum solutionem indubitata, & ipsarummet reve-  
lationum dignam, quam merentur æstimationem.

#### §. IX.

*Joannis Lanspergii Carthusiani Prologus ad  
revelationes S. Gertrudis editas opera  
Tilmanni Bredenbachii Sacra  
Theologiae Doctoris.*

67. **I**N lucem prodicimus librum divinarum reve-  
lationum, quod certè genus eruditionis, non  
debueramus ignorasse haud admodum gratū  
lis

iis præsertim, qui mundano, humano ve spiritu tument,  
 quique litera magis docti sunt, quàm spiritu. Aded enim  
 illis quævis ejusmodi sunt frigida, atque insana viden-  
 tur, ut non solum ad ea nausæa quâdam moveantur, ve-  
 rum etiam hujusmodi libris, ubi possunt, detrahunt,  
 & quæcumque non intelligunt carpunt: parùm interea  
 considerantes, quod totum ferè vetus Testamentum,  
 revelationes esse fateri cogantur: DEUS non solum va-  
 rios Scriptores Ecclesiasticos, verum etiam multiformem  
 docendi modum, alia itidem, & alia eruditionis  
 genera, phrasim quoque ac dictionem multiplicem in  
 Ecclesia constituit: Idque in utroque sexu, quo nemini  
 deesset, vel ( ut ita dicam ) juxta suum genium, unde  
 erudiri, undè illuminari, unde trahi, unde ædificari  
 posset. Quid igitur jam mirum, si hominibus mollioris  
 cordis, ut qui beneficiis, blanditiis, aut amore trahun-  
 tur, magis quàm præceptorum austeritate, id quod in  
 sexu fœmineo DEO devoto præcipuum est, DEUS lo-  
 quatur per revelationes. Non inficior quidem pias ali-  
 quot Virgines, aut mulieres DEO devotas, ubi sibi  
 ipsis relictæ fuerant, nuquaquam suspicione caruisse:  
 verumtamen, quæcumque fuerunt, suntque hujusmodi,  
 facilè deprehenduntur, neque enim diù latere potest  
 fictio præsertim fœminea, si quidem ubicumque pro-  
 fundissimæ humilitatis non fuerit fundamentum, citò  
 quidquid super illo fuerit ædificatum, non absq; igno-  
 minia ruit. Nō est autem personarum acceptor DEUS,  
 nec sexum à sexu ( quem utrumque fecit ) discernit, ni-  
 si quod infirmiori plerumque ubi humilitas, & devo-  
 tio id meretur, potiora dat dona, ut confundat fortia,  
 sapientesque in suo sensu confuter, quod dona sua sibi  
 ( hoc est DEO ) ascribenda cognoscantur soli; quando-  
 quidem illiterati, & simplices minus habent, quàm ut  
 ca

ea Scripturę Sacrę ad unguem sint consentanea , licet difficilia plerumque scribant , & ardua effingere possint. Per quoscumque igitur, vult, loquitur Deus. Hęc aspernari propterea , quod per mulierem DEO revelante insinuentur, nonnē tumidi foret cordis , insolentissimęque superbix ? Pręsertim cum per se ipsum in scripturis Sanctis eadem (quod dixi) DEUS quoq; ipse nobis revelaverit : licet pro temporum hominumque conditione, hic aliquanto lucidius, uberiusque eorundem explanatio fiat. Sed quia in sexu fœmineo amantiora, fideliora, puriora, suavioraq; corda viris fortasse etiam Apostolicis, aliquando anteferenda invenit ; idē benigniorem, quod reor , se illis interdum exhibuit. Undē fit, ut viris alioqui doctissimis , qui ambulant in mirabilibus super se, occupantes magis animū suum curiosis quæstionibus ( penē dixeram superstitionis ) quā necessariis, aut secretis, quę scire non oportet, investigandis, aut mundanis literis ediscendis, non tantā se familiaritatis gratiā manifestet DEUS, quanta ad eorundem confutationem potius fœminis, illiteratisque viris DEO devotis illabatur. Quamvis eadem hujusmodi devotę personę ( quod congruum est ) nihilominus interea pro humilitate virorum Doctorum directioni, semetipsas subiiciant. Ex quarum interrogationibus ; ex quarum humilitate illuminata, non parū ( scio ) proficiunt sæpe numero Patres , aut Confessores earum bonę voluntatis, in hoc planē multā laude digniores timidis , quibusdam sciolis, aut literatis , qui si interrogante præsumentes de se, aut laudanda damnant, aut commendant vituperanda; hoc solo clari, quod sexus infirmioris devotionem rident, nihil pendunt , & quandoq; earum spiritum impediunt .

EPI-

68. **H** Abet Reverentia vestra pro mea tenuitate expositum, quod pro commendatione, & auxilio Sancto hujus Operis mihi occurrit. Non quidem, prout initio monueram, quod hæc omnibus sint ita satisfactura, ut nemo amplius reclamet; sed tamen ita, ut cordatis hominibus sint sufficiens præbitura fundamentum, ne mirabilem hanc Viram Venerabilis Virginis Marinæ mordeant, nisi prius aliquod admodum grave, & certum adversus eam momentum deprehendant. Caterum Reverentiæ Vestræ ex animo gratulor, quam DEUS elegit ad opus tantæ suæ gloriæ; nec possum quin ominer, specialem quandam Reverentiæ Vestræ in Coelis cōsonam parari, si quidem, & Reverendo Patri Ludovico de Ponte, ob hanc vitam prima vice digestam, & Hispanicè conscriptam, Divina Majestas magnum in Coelis præmium promisit, prout ipsemet Pater Ludovicus refert *lib. 6. c. 21. §. 6.*

69. **D** E U S Optimus Maximus faxit, ut animæ; quàm plurimæ ex hoc Reverentiæ Vestre labore, ad quam maximam Sanctitatem proficiant, ejusque Majestati sincerè ex toto corde serviant, ad quam maximum ejus beneplacitum, cujus ineffabilis, & omnia merita, ac demerita vincens Bonitas, præcibus, & meritis Sanctorum sanctorum faciat nos quoque ex Sanctis.

# A P P E N D I X

## A D DISSERTATIONEM

De duobus extremis , vel credulitatis nimiae , &  
securitatis; vel nimiae incredulitatis, & timo-  
ris , in visionum , & revelationum  
Censura , & Qualificatione  
tugiendis .

*Ex Doctrina, quam Venerabilis Pater Ludovicus  
à Ponte varijs in locis suorum Asceti-  
corum operum tradit .*

I. **C**UM Viris in rebus etiam Spiritualibus ma-  
xime versatis difficilimum sit, recta ad Cē-  
suram visionum, & revelationum incedere,  
via , quin vel ad credulitatis nimiae , vel nimiae incre-  
dulitatis semitam declinent , & utrumque sit in simili-  
bus æquè periculosum : ad utriusque extremi periculū  
vitandum , regulas in hac Appendice proponam uni-  
versales, ex operibus Asceticis Venerabilis Patris Lu-  
dovici à Ponte depromptas, & à tanto vitæ Spiritualis  
Magistro , ut veniores , & securiores ad hunc Scopum  
traditas . Hæ præsertim reperiuntur in summa illa ce-  
lesti doctrina mysticæ Theologiæ plena, cui titulus est  
*Dux Spiritualis* hispanicè *Guia Spiritual* , in qua , de  
oratione , meditatione , & contemplatione , deque  
visitationibus divinis, gratiis , & extraordinariis mo-  
dis, quibus Deus hominibus loquitur , accuratè disse-  
rens ; ad discernendas à falsis veras visiones, inspira-  
tiones, & revelationes Dei, boni, verique spiritus im-

N

pul-

pulsus regulas prædictas, mirabili, & planè cœlesti lumine plenas, ne in re tanti momenti erraremus, nobis scriptas reliquit. In hoc enim Duce Spirituali tract. 1. cap. 23. § 1. sic ait.

2. *Primum igitur esto fundamentum, amplecti consilium S. Joannis 1. Epist. 4. 1. dicentis: Nolite omni spiritui credere, sed probate spiritus, si ex Deo sint. Si enim te absq; hoc examine projicias, ut credas quodcumque spiritus internè tibi dicit, graves illusiones ac deceptiones patieris; vel quia fidem adhibebis falso spiritui, credens esse verum, aut non adhibebis vero, credens esse falsum, & admittes Angelum Satanae, credens esse Angelum lucis, aut reiicies Angelum lucis, existimans esse Angelum Satanae; cum utrumq; sit valdè perniciosum: neq; enim minus nocet portam cordis Deo pulsanti claudere, credendo esse demonem: quàm pulsanti demoni aperire, si credas esse Deum. Et aequè perniciosum est, spiritum bonum (ut Apostus ait) ad Thess. 5. 19. extinguere, Sanctasq; ejus inspirationes; atq; est sovere malum, & execrandas ejus suggestiones. Necessè ergo est omnes spiritus probare, ut eos amplectamur & sequamur, qui sunt Dei: repellamus vero eidem contrarios. Hoc supposito fundamento latè hanc materiam ibi versat; & cap. 24. agit de aliis regulis, & magis particularibus indiciis boni spiritus, & admirandis ejus effectibus,*

3. *Tractat etiam hanc materiam in eodè Duce Spirituali tract. 3. qui est, de perfecta contemplatione, & unionione cum Deo; præsertim cap. 8. in quo agit de tribus extraordinariis contèplationis formis, in quibus Deus D. N. mysteria sua manifestat per figuras corporeas, aut imaginarias, ac etiam sine illis: ac de admirandis effectibus ac proprietatibus earum. Ubi postquam explicuit primum modum, quo Deus loquitur per figuras aliquas, imagines, aut externa signa, quæ sensibus cor-*

po-



poris, & omnino vigilantibus percipiuntur; & quæ tanquam instrumenta accipit ad illustrandum spiritum, ut intelligat mysteria, quæ illi repræsentant: sunt enim, veluti specula, in quibus videt anima divina misteria, quæ Deus illi manifestat. Quo pacto in *rubo ardenti* Exodi 32. seipsum manifestavit *Moyse*. Et Joanni Baptistæ manifestavit abundantiam spiritus divini requiescentis super Christum per *Columbam de Cælo manentem super ipsum*; & abundantiam spiritus communicati Apostolis per *linguas ignis*. Postquam hoc, in quam, explicuit, transit ad explicandum modum contemplationis per interiores figuras in parte animæ inferiore, quam imaginationem, vel sensum internum appellamus; in quibus solet Deus seipsum nobis manifestare, suaque mysteria revelare altero è duobus modis, ut ait S. Thomas 22. q. 174. ar. 2. & 3. vel imagines, & figuras, quæ prius in eis erant, ita disponendo, & ordinando, ut id referant, quod ipse intendit; aut alias recens figuras formando, per quas illustret intellectum ad intelligendum, & penetrandum, quod illi repræsentant, & ibi ex scripturis probat, hoc modo frequenter Deum egisse cum Prophetis veteris, & novi testamenti.

4. Postea autem nu. 3. addit. *Et quoniam manus Domini non est abbreviata, nec alia nunc est, quàm fuerit olim, etiam nunc concedit multis personis raræ virtutis, quas ipse in suas accepit, hunc modum contemplationis, seipsum illis ostendendo, aut in forma infantuli, aut in cruce, aut in aliis figuris, & imaginibus; quæ divinas personas repræsentant, aut Angelos, aut Sanctos, aut alia varia mysteria, quod totum geritur in facultate animæ imaginatrice, in qua ponit Deus speculum sive librum, in quo superior intellectus pars, divina luce illustrata, videat legatq; ingentibus admirationis, & amoris affectibus, quod illi Deus vult revelare. Nam hujusmodi imagines, etiam sunt, tan-*

quam signacula imprimētia in anima veritates, virtutesque valesces, quas referunt: idq; modò cum teneritate quadam, & suavissimis lacrymis; modò cum júbilis, & exultationibus jucundissimis; modò cum arētissima charitatis unionē, qua quietissimè Deum ipsum completitur, licèt magna cordis vehementia. Interdum veluti suspēsa aspiciens, & audiens: nihil tamen loquens; licèt aliquando etiam loquatur; quamvis parcè: & cum opus est, petit aliquid sibi, aut aliis juxta necessitatem, quæ impulit ad orandum; aut juxta Dei inspirationem ad id inducentis: semper tamen adeò mutatam, & cum tanto profectū se deprehendit, ut facillè advertatur, esse Deum, qui per eas imagines loquatur, & talia in ipsa faciat.

Deinde in eodem capite 8. §. 2, agit de supernaturali contemplatione per similitudines, & in primis probat figuras imaginarias infusas à Deo in contemplatione multum differre ab iis, quas nos industriâ nostrâ in imaginatione formamus; & earum discriminē assignat. *Nostræ enim figuræ* ( inquit ) *ut plurimum sunt de rebus, quas vidimus, aut audivimus, aut alio sensu percepimus, hæ verò plerumque sunt rerum, quas nunquam vidimus, neque audivimus, neque in cogitationem nostram inciderunt. Nostræ sunt mera figuræ, quæ ad summum emolliunt aliquantulum cor, suntque ex usu ad intellectus ratiocinationem; At hæ sunt vivacissimæ, eo quod in eis representetur DEUS vivens, Et Angeli, & Sancti ejus: efficiuntque effectus stupendos in intellectu, & voluntate, ad quos nullis nostris viribus aut industria pertingere possemus. Illæ nostræ brevi tempore durant, & facillè transeunt, estque nobis liberum eas, vel accipere, vel dimittere. Illæ Dei remanent valdè affixæ animæ nostræ, earumque effectus diutissimè durant cum magnoprofectu nostro, veniunt tanta divini spiritus vi, ut non possimus prætermittere, quin eas acceptemus, &*  
quid

quid per eas nobis dicatur, attendamus. Nostræ denique semper serè sunt eadem: in his vero stupenda est varietas plurimæ comparationes, & gratissimæ similitudines, quæ celestium Mysteriorum arcana nobis aperiant. Deindè subiungit: Et hic modus comparationum frequentissimus est in contemplatione, eo quod DEUS D. N. accommodet se nostro modo cõcipiendi res spirituales per corporis similitudines. Et in hoc sensu S. Bernardus declarat illā promissionē, quā fecit cant. 1. 10. DEUS suæ spõsæ, cupienti ipsum videre in claritate meridiei, dixit enim Murenulas aureas faciemus tibi, vermiculatas argento, si-ve juxta aliam versionem, similitudines auri fabri faciemus tibi, cum distinctionibus argenti, quasi diceret illi, revelabo tibi mysteria divinitatis meæ, per varias sensibilibus rerum similitudines, quibus fides per auditum ingressa, valde illustretur, & confirmetur. Divinæ res, inquit Bernardus sunt quas dicimus, sed nemo illas benè assequetur, nisi qui sit expertus. Quæ tamen declarari possunt ex iis, quæ Verbum Incarnatum in suis sermonibus afferebat, declarans Mysteria Regni Cælorum per parabolas, & similitudines harum rerum visibilibus. Et in hunc modum internè imprimit imaginationi nostræ præclaras similitudines, & comparationes, quæ illustrantes intellectum, jucundissimam, & valdè claram reddunt meditationem, & contemplationem divinorum Mysteriorum. Quoniam verò res hujusmodi delicatè exemplis melius capiuntur, duo, vel tria recentia valdeque utilia hic ponam, cujusdam personæ jam vita sanctæ, cui hujusmodi visiones erant valdè frequentes: de cujus veritate, ac virtute propterea sum securus, quod in ea inveniantur illa indicia, & signa, quæ in primo tractatu sunt posita. Et statim adducit tria egregia exempla visionum sensibilibus, quas habuit illa persona, quæ sanè diversa fuit à Venerabili Marina de Escobar; nam hæc super vixit novem annis

Ve-

Venerabili Patri, qui obiit anno 1624. illa autem jam obierat anno 1608. quando hæc scripsit V. Pater .

Materiam hanc egregie prius explicuit magnus hic vitæ spiritualis Magister tomo primo meditationum, parte 3. meditatione 19. nam expendens, quomodo Christus Dominus super mare ambulās. *Mat. 6. 43. phantasma* à discipulis existimatus fuerit; hinc varia documenta elicit ad discernendum Christi verum spiritum à phantastico, sive imaginario, verumque, & solidum fervorem, & affectus, quos DEUS, dum pias animas visitat, in oratione jucunda sua præsentia in eis efficit; sic enim loquitur puncto 3. illius meditationis .

*Circa verbum illud ( inquit ) Apostolorum, quia phantasma est, consideranda sunt tria hominum genera, qui cū Christo Domino agentes, alios atque alios de ipso, ejusq; rebus conceptus habent. Alii enim quod re ipsa phantasma est, & umbra phantastica, Christum verum esse existimant; somnia enim sua, & imaginarias apprehensiones pro certis verisque habent revelationibus; affectus, & animi sui perturbationes, veras judicant esse virtutes; nam imprudentem iram suam, zelum existimant; turpem amorem dicunt esse spiritualement . Hi ut plurimum sunt superbi, præsumentes, & proprio judicio nimium tribuentes . Quamobrem sapet Satanas se transfigurans in Angelum lucis, eis persuadet propriam ipsorum sententiam, verissimam esse lucem; cum verè sint tenebræ: & aliàs proprium ipsorum judicium, Satana fungens officio, facit eos credere omnes internos suos motus, & instinctus esse ab spiritu S. cū re ipsa a proprio suo, carnali, seculari, superbo cæcoq; distentur . Aliàs propria imaginatio, cum capitis præsertim imbecillitate, eos decipit, dum adeo vivam Christi imaginem sibi illa effingit, ut Christum ipsum verum existiment, & fictitio hoc favore inaniter evanescunt, sibi persuadentes ea verba, quæ paulò antè ipsi fortè cogitaverant, aut quæ libenter audirent ab ipso*

*Ipsa Christo esse prolata . Ac denique etiam ipsi valde spiri-  
 tuales, qui veras DEI inspirationes habere consueverunt ,  
 judicant interdum tales esse , proprias ipsorum ratiocinatio-  
 nes , sicut Nathan Propheta accidit 2.Re.7.3.13.cum di-  
 xit David, cogitanti domum Domino edificare : Omne ,  
 inquit, quod est in corde tuo, vade, & fac: quia Domi-  
 nus tecum est . Adnotavit autem S.Gregor.2.Dialog.21.  
 & Homil.2.in Ezech. Non ex revelatione id dixisse Na-  
 than: sed ex proprio judicio , siquidem eadem nocte dixit  
 Dominus eidem Nathan, ut diceret Davidi, non ipsum, sed  
 filium ejus domum Nomini Domini ædificaturum , Eo-  
 dem etiam modo decepti de aliorum spiritualibus motionibus  
 judicium faciunt; fidem facile iis, quæ ipsis dicuntur, adhi-  
 bentes , seque signis externis apparentiisque induci patientes .  
 Ex quo fit, ut approbent ea, quæ verè sunt phantasmata ;  
 illamque viam teneant , de qua Prov.14.21. Spiritus San-  
 ctus ; Est via , quæ videtur homini justa, novissima au-  
 tem ejus deducunt ad mortem .*

*Alii contra omninò, quod verè Christus est , Phantasma  
 existimant, & solidam virtutem appellant passionem; verã  
 inspirationem, proprii spiritus impulsu judicant juxta il-  
 lud Mat.6.48.At illi, ut viderunt eum ambulante super  
 mare , putaverunt phantasma esse , & conturbati  
 præ timore clamaverunt dicentes, quia phantasma est.  
 Tales solent esse nimis timidi, scrupulosi, & ignari , qui ob  
 suam ignorantiam, aut timidam, & melancolicam comple-  
 xionem illic trepidaverunt timore, ubi non erat timor.  
 Psal. 52.6. Quod interdum etiam iis accidit , qui in via  
 spiritus aliquos progressus fecerunt: cum graves aliquæ tẽ-  
 stationes, & tempestates exurgunt; sicut in hac occasione ,  
 Apostolis accidit, ipso Christo Domino has tenebras, dubiaque  
 permittente : sit ne Deus , an Phantasma , quod ipsis oculis  
 cernunt, & experientia noverunt: quò sic exerceantur , &  
 roborentur, crescantque in humilitate, & aliis virtutibus, tunc  
 enim*

enim terribilior censenda tentatio est, cum illud ipsum, quod Deus tamquam remedium mihi offert, novam interpretor deceptionem. Et similiter decepti aliqui increduli, & inexpecti de aliorum spiritualibus motionibus sentiunt, de iis, quæ ignorant, blasphemantes: existimantes, visiones omnes ac revelationes, & opera, quæ vident, audiuntve admiranda, phantasmata, atque deliria esse. Idque perinde asserunt, atque si hisce temporibus nemini se Deus, sicut olim Sanctis communicaret. Utrumque hoc ex S. Greg. hom. 5. in Ezech. extremè est perniciosum: neque enim minus malum censeretur debet, si Christum existimes esse phantasma, quam si contra, habeas phantasma pro Christo, aut repellas quod est DEUS, existimans esse demonem, quam admittere quod re vera est demon, existimans esse DEUM: Et aequè noxium est si carnis impetum sequaris, credens esse Spiritus S. atque spiritus impulsu extinguere, credens esse carnis impetum.

Tertium hominum genus mediam tenet viam, quæ est juxta S. Ioan. consilium. Nolite omni spiritui credere, sed probate spiritus, si ex DEO sint: quo examine præmissis, gratia DEI assistente iudicium quale oportet de rebus omnibus faciunt, ac distinguunt id, quod est verè Christus, ab eo quod est phantasma, & mera apprehensio, tam in rebus propriis, quam alienis, quas examinant, soletque DEUS ad id conferre donum illud, quod Apostolus 1. Cor. 12. 10. spirituum discretionem appellat, quod præcipuè Magistris Ecclesiæ communicat, quos propterea Examinatores, & spirituum malorum Probatores appellat. Hier. 6. 27. Ad quos propterea par est eos recurrere, qui sunt minus experti, ne decepti aut falsum aurum pro vero recipiant, aut verum tanquam falsum reiiciant. Debemusq; omnes hanc celestem lucem à Christo Domino nostro ne aberremus, petere dicentes: O celestis Magister, & verè Spirituum Ponderator: Prou. 16. 2. ne quæso me patiaris eam tibi

tibi iniuriam inferre, ut phantasma appellem quod verè DEUS est, aut DEUM, quod est verum phantasma. illustra me potius divina luce, ut alterum horum ab altero discernere valeam: adjuva me etiam, quò boni Spiritus impetum sequar; fugiam verò mali. Amen.

Et postea tom.2.Meditat.par.4.Meditat.6.expèdèns quod narrat S. Lucas cap.22. & Marcus cap.16. quomodo piæ mulieres regressæ à monumento, narraverunt Apostolis lugentibus,& flentibus quæ audierunt ab Angelis de Christi resurrectione; sed illi audientes, quia Jesus viveret; non credederunt illis:& visa sunt ante illos sicut deliramenta verba ista. Hæc, inquam, expendens, hoc insigne tradit documentum.Ex his discam,(inquit) duo mihi extrema esse vitanda; alterum eorum: qui levissimè adhibent fidem quibusvis muliercularum revelationibus, & visionibus, non sine periculo credendi multa, quæ sunt planè deliria, somnia, aut imaginationis mere apprehensiones; alterum est duriorum, & valde ad credendum difficilium, qui omnia æstimant deliramenta, qui maximus est etiam error: nam licet sint femina, & homines planè ignari, solent interdum ob suam devotionem, & fervorem fieri d:gni, quibus veræ fiant apparitiones Angelorum, & ipsorum Domini, sicut in præsentī casu cernere licet: ac propterea merito est illis fides adhibenda; præcipuè cum eadem visiones, cedunt in confirmationem veritatum Sanctæ nostræ fidei. Nec minor est error, delirium imaginationis, revelationem Dei appellare; quàm contrà, revelationem Dei, appellare delirium imaginationis.

## I N D E X

Eorum, quæ in hoc Opere continentur.

**D** *Issertationis directio ad R. P. Melchiorem Hanel pag.* I

§. 1. *Qui Authores historiam vitæ hujus Venerabilis Virginis scripserint.* 4

§. 2. *Quam insignis Sanctitate, & sapientia fuerit V. P. Ludovicus à Ponte, qui primam partem mirabilis vitæ Marinæ de Escobar adhuc viventis, se cretissimè scripsit, & prælo dispositam reliquit.* 6

§. 3. *Synopsis vitæ Ven. Patris Ludovici de Ponte, sumpta ex Bibliotheca scriptorum Societatis Jesu.*

Introductio V. P. Ludovici de Ponte ad primam partem mirabilis vitæ Venerabilis Virginis Marinæ de Escobar pag. 2 I

*Prologus, quem premittit ad primam partem mirabilis vitæ Ven. Virginis Marinæ de Escobar à se latinè redditam Pater Melchior Hanel Societatis Jesu.* 22

§. 1. *Indicat revelationes, quas Marina pro ea cōscribenda habuit, & fundamenta, quibus innititur veritas, & certitudo hujus historię.*



ria.

25

§.2. *Deus jubet Marinam ob valde sublimes fines ,  
ea scribere, quæ ipsi eveniebant.* 29

§.3. *Jubet Christus Dominus Confessarium è Socie-  
tate Jesu hæc scripta disponere, ut suo tempo-  
re evulgentur.* 34

§.4. *Partitio primæ partis bujus historiæ in sex li-  
bros.* 35

§.5. *Quomodo ipsi Deus Communicaverit eximiam  
spiritus mysticam, & experimentalem scien-  
tiam, præceperitq; ut conscriberet omnes suas  
experientias in commodum proximorum,  
consignandas, & in ordinem redigendas à  
Cōfessario, quæ habebat ex Societate Jesu.* 38

§.6. *De nimio timore, quo perpetuò angebatur, ne  
pateretur illusiones in suis extraordinariis  
visis, quàmque sollicitè petierit à Deo illumi-  
nari; ac de admirandis rebus, quas ipsi Di-  
vina Majestas dixit, ut illam redderet secu-  
ram.* 42

**Dissertatio Apologetica in vitam, & revelationes  
Ven. Virginis Mariæ de Escabar.**

§.1. *An in novo testamento dentur aliquæ fide di-  
gne revelationes Divinæ extra Sacram scri-  
pturam.* 55

§.2. *Quanam sint in Ecclesia illæ revelationes; &  
an inter eas etiam recensenda, quæ conti-*

- nentur in mirabili vita Venerabilis Virginis Marinæ de Escobar. 59
- §.3. Quare Deus in his revelationibus utatur tantis erga suos blanditiis. 66
- §.4. Quare ejusmodi revelationes mulieribus potius præstentur, quàm viris. 72
- §.5. Quomodo fiant Cælestes hæ revelationes. 76
- §.6. Qui sint apti ad legendum cum fructu tales revelationes. 79
- §.7. Quanti fructus ex Sanctarum mulierum revelationibus in Ecclesiam Dei rediunt. 84
- §.8. Objectiones quædam diluuntur. 89
- §.9. Joannis Lanspergii Carthusiani Prologus ad revelationes S. Gertrudis, editas opera Tilmanni Bredenbachii Sacræ Theologiæ Doctoris

Appendix ad dissertationem :

De duobus extremis, vel credulitatis nimie, & securitatis, vel nimie incredulitatis, & timoris, in visionum, & revelationum censura, & qualificatione fugiendis. Ex doctrina, quam Venerabilis Pater Ludovicus à Ponte variis in locis suorum Asceticorum operum tradit. 97

# Errata

# sic corrige .

Pag. <u>3.</u>	lin. <u>2.</u>	hominibus illis	quæ hominibus illis :
<u>8.</u>	<u>10.</u>	præsentia	præsentia
	<u>12.</u>	spiritualij	spiritualis
<u>2.</u>	<u>2.</u>	effectus	affectus
<u>10.</u>	<u>7.</u>	illa	illam
	<u>20.</u>	adiatricem	adiutricem
<u>11.</u>	<u>29.</u>	alia magis copiosa, & ex- cta facta sunt.	alii magis copiosi, & ex- cta facti sunt.
<u>15.</u>	<u>23.</u>	voluntate	voluptate
<u>18.</u>	<u>22.</u>	De Christiana nominis	De Christiani hominis
	<u>34.</u>	Post obitem	post obitum
<u>20.</u>	<u>12.</u>	curatum	iuratum
	<u>33.</u>	Et te expendere	ac expendere
<u>21.</u>	<u>20.</u>	aversam	versam
<u>24.</u>	<u>22.</u>	intricatus	intricatas
<u>26.</u>	<u>18.</u>	scrivissent	scrivissent
<u>29.</u>	<u>16.</u>	aliorum	aliarum
<u>49.</u>	<u>15.</u>	persuado	persuadeo
<u>59.</u>	<u>11.</u>	in mirabilis Vita Vene- rabili	in mirabili Vita Venera- bilis
<u>65.</u>	<u>8.</u>	Episcopum Conchensem	Cordubensem
<u>80.</u>	<u>29.</u>	suspiciant	fuscipiant
	<u>31.</u>	ex kalendario	& kalendaria
<u>88.</u>	<u>3.</u>	ita eam exemplum	ita eum in exemplum
<u>94.</u>	<u>21.</u>	nuquaquam	nequaquam











203



